


কাঁচরাপাড়া প্রকাশিকা।



মাসিক পত্রিকা।

নির্মাণসরাঃ স্মৃতিনঃ খলুযে বিবিচ্য, করে গুণস্য কনমপাবতঃ সয়ন্তি।
যেষাং মনোন রমতে পরদোষবাদে, তে কেচিদেব বিরলা ভুবি সঞ্চরন্তি ॥

১ম খণ্ড।

১২৮০ সাল ১লা অগহায়ণ।

১ম সংখ্যা।

স্তোত্র

ঈশ !—নমিছে তোমার এই অবোধ সন্তান,

জানি মনে তুমি দেব সকল-নিদান।

প্রভো !—জগত কারক তুমি জগত পালক,

কম্পান্তরে শুনি তুমি জগত নাশক।

দেব !—যে দিকে ফিরাই আঁখি তব গুণ সব,

এজগতে যত হেরি তোমারি বিভব।

নাথ !—কোথায় থাকহ তুমি কে জানে নিশ্চয়,

কম্পনায় কত লোক কত মত কর।

বিভো !—আত্মা রূপে দেহ মাঝে করিছ বিরাজ,

নির্ঝিকার নিরাকার বিশ্ব-রাজ্য রাজ।

কেহ—বিষ্ণু রূপে তব নাম করিছে কীর্তন,

গোপাল গোবিন্দ কর-ধৃত গোবর্দ্ধন।

যত—শাক্তগণে শক্তি ভাবে করে উপাসনা,

করাল বদনী কালী বিলোল রসনা।

ঈশ !—শৈবের নিকট তুমি শিব ভিন্ন নও,

ভক্তের কম্পিত রূপ নানা মত হও।

দেব !—বোদ্ধ ষারা বুদ্ধ বলি করয়ে ভজন,

যে যে রূপে পূজে তোমা ব্রহ্ম সনাতন।

নাথ!—ব্রাহ্ম নামে সম্প্রদায় তোমারি সেবক,

ইবু ভক্ত অম্ব রক্ত তব উপাসক।

প্রভো!—ভক্ত জনে তব প্রেমে হতজ্ঞান হয়,

তোমার চরণ-পদ্ম সদা হৃদে লয়।

অহো!—না বুঝে যে দ্বেষ করে ধার্মিক সে নয়,

নিজ ধর্ম সনাতন জ্ঞানহীন কয়।

পিত!—তব এই স্মৃতি হয় জ্ঞান হীন অতি,

কেমনে করিবে তব এষে মৃত্যুমতি।

নাথ!—তব দত্ত বুদ্ধি মাত্র দীনের ভরণ্য,

জনকে স্মৃতির দোষ ধরেনা সহসা।

নমঃ—চিন্ময় চৈতন্যাকর চরাচর ধর,

নমঃ—অনাদি অনন্ত বিভূ দয়্যার সাগর।

নমঃ—পতিত পাবন শিব জগত কারণ,

নমঃ—দেব দেব মহাদেব সুখ নিকেতন।

নমঃ—ভূতেশ ভবের ভব ভব-ভয়-হর,

নমঃ—জগত জনক নাথ জগত ঈশ্বর।

নমঃ—উপমা রহিত প্রভু পতিত পাবন,

নমঃ—নিরাকার চরাচর মূর্তি-অগণন।

অবতরণ।

(সংবাদ পত্রের বা সাহিত্য পত্রের সংখ্যা) যতই বৃদ্ধি হয়, এই ভারত-ভূমির ততই উন্নতির সোপান; কিন্তু তাহার সম্পাদক পদে অধিরোহণ করা অতি কঠিন ব্যাপার তাহা আমরা জানি বটে, তথাপি আমাদের এ উদ্যম কেন?—মন বুঝে না—মানব মাত্রেই ছুরাশার বশ, সেই ছুরাশাই অদ্য আমাদের মুখাবরণ মোচন করিতেছে।) কোন কবি বলি-রাছেন—“গমিষ্যামুপ হংসাতাং” আমাদেরও সেই বচন অগ্রসর।

পাঠক মহাশয়! আপনার সহিত এই আমাদেরই নূতন পরিচয়, অভিষাদন করি। নব পরিচিত ব্যক্তির আদ্যোপান্ত না দেখিয়া

একেবারে বীতশ্রদ্ধ হওয়া সদাশয়ের অকর্তব্য; দেখুন, নব পরিচিতের অমুরোধপরতন্ত্র হইয়া ধৈর্য্য সহকারে দেখুন—আমাদের উচ্চাশাসিতা অকুরিত হইয়াই নষ্ট হয় কি না।

(ছুরাশা বলে—নব নব কাবো, নব নব নাটকে, নূতন নূতন প্রবন্ধে ও নবোপাখ্যানে আপনাদের মনোরঞ্জন করি, অধুনা মাসান্তে দিবসের এক দণ্ড পরিমিত কাল আপনাদিগের সহিত সাক্ষাত করি, কিন্তু সে আশা কি কলবতী হইবে?)—কে জানে—আপনাদের রূপাকটাকপাতই সেই আশা-লতার জীবন স্বরূপ, পত্রিকার পাঠক রূপাব্যতীত আর কি উপায় আছে?

সংবাদপত্রাপেক্ষা কেবল সাহিত্য প্রভৃতির পত্রিকা লিপিতে হইলে অধিক লিপিপটু ও রুতবিদ্যা হওয়া আবশ্যিক, আমরা কি তাহার যোগ্যপাত্র? আমাদের মন এখনও তত দূর নিল্লজ্জ হয় নাই, যে ছুরাশার বা অহঙ্কারের বশে উপযুক্ত পাত্র বলিতে স্বীকৃত হইবে। কিন্তু এ নিশ্চয় জানি ভক্তিদত্ত নির্গন্ধি বা সুগন্ধি কুমুম উভয়ই দেবতার সম্মান গ্রহণীয়। আমাদের এই কাব্যকুমুমও পাঠক মহোদয়দিগের নিকট ভক্তিদত্ত, তাহাতেই যদি বিরক্ত না হয়েন।

ভবতি: বিজ্ঞতম ক্রমশো জনঃ—লোকে যেমন ক্রমশঃ বিজ্ঞতম হয়েন, দৃঢ়াধ্যবসায়সম্পন্ন ব্যক্তিও তেমতি ক্রমশঃ স্বকার্য্যে কথঞ্চিত পটুতা দেখাইতে পারেন। যখন যে পত্রিকার জন্ম হয় তখন যে তাহা উন্নতি সোপানে আরোহণ করিবে, কি অচিরস্থায়ী হইবে তাহা কে বিবেচনা করিতে পারে? যে পত্রিকা উন্নতি সোপান অধিরোহণ করিয়াছে, তাহার সম্পাদকেরা আমাদের অপেক্ষা অনেকাংশে বিদ্যা বুদ্ধি সম্পন্ন বটেন, কিন্তু তাঁহারাও নিশ্চয় হৃদয়ে কখনই জনসমাজে দর্শন দেন নাই, ঐকান্তিকতা ও পাঠকবর্গের অনুকম্পাই তাঁহাদের উন্নতি লাভের মুখ্য কারণ। আমরাও যত্ন করিতে অণুমাত্র ত্রুটি করিব না, দেখি শেষে না হয় “যত্নে কৃতে যদি ন সিদ্ধতি কোহত্র দোষঃ”—এই বচনে নির্ভর করিব।

যে কাঁচরাপাড়া যুত মহাত্মা ঈশ্বর চন্দ্র গুপ্তের গর্ভধারিণী, তাহার সম্মানদিগকে এরূপ দেখিলে অনেকে দুঃখিত হইতে পারেন বটে, কিন্তু ইহা নিশ্চয় জানিবেন এক উদ্যানস্থ সকল বৃক্ষ সমান হয় না। তবে সেই

রক্তের ফল পরিপক্ব হইতে দেওয়া উচিত, অথ্রেই যুগা করা সম্ভব মাত্রেরই নিতান্ত নিতী বিকল্প। আপনার যদি আমাদের কদম্বা রচনার হর্ষিত না হয়েন, তবে এই নবপরিচিতের অনুরোধে আসান্তে অবকাশ সময়ে এক দণ্ড কাল পাঠ করিয়া হাস্য করিবেন সেও আমাদের পরম লাভ; আমাদের তাহাতে হুঃখ নাই, কোন কবি বলিয়াছেন—

“ব্যঙ্গ করি যদি কেহ লজ্জাহীন বলে,
না হয় মিশির আমি তাহাদের দলে।”

এই আমাদের অবতরণিকা—এই আমাদের প্রার্থনা।

পরিশেষে আমাদের অগ্রজ সম্পাদক মহাশয়দিগের নিকট প্রার্থনা, তাঁহারা যেন কনিষ্ঠ বলিয়া স্নেহ করেন, কনিষ্ঠের বাহাতে উন্নতি হয় তদ্বিষয়ে সাধু প্রকৃতি মাত্রেরই যত্ববান হওয়া কর্তব্য।

কুসুমিকা।

প্রণয়ে কি না হয়?

প্রথম পরিচ্ছেদ।

সংবাদ——এই কি আমার শেষ প্রণয়?

কম্পনাময়ী প্রাচীন কবি-লেখনীই অধুনা বঙ্গ কবিকুলের প্রধান সহচারিণী। দেশাচার প্রথার কুসংস্কারে আবদ্ধ ও সাহসহীন বঙ্গ সন্তানগণ আর যে প্রকৃতির বিমলছবি সন্দর্শন করিয়া তাহা চিত্র করিতে যত্ববান হইবে সে আশা নাই। পাঠক মহাশয়! কখন নিলোর্মিমালি জলধি বেষ্টিত নানা ক্ষুদ্র ও বৃহৎ রক্ষ বিরাজিত দ্বীপ সন্দর্শন করিয়াছেন? যদিও আপনি বঙ্গ সন্তান হন, যদিও আপনি হিন্দু ধর্ম রক্ষায় যত্ববান থাকেন, তবে সে দর্শন আপনার পক্ষে একান্ত হুলভ। কিন্তু নব বস্তু সন্দর্শন লিপ্ত-মনের নিয়তই তাহা দেখিতে ইচ্ছা হয়।

আমুন পাঠক, আমাদের সঙ্গে আমুন, একবার ভূমধ্য সাগরের দ্বিপপুঞ্জের নিকট লইয়া যাই! কৈ পাঠক, আপনি যে তাহাতে নিকতর হইয়া রহিলেন? সমুদ্র যাত্রায় জাতিপাতাশঙ্কা আপনাকে নিবারণ করিতেছে? আর আপনার সে আশঙ্কা নাই, আপনার দলে অনেক লোক হইবে, আর কিছু দিন পরে আপনারই দল পুষ্ট হইবে। ঐ দেখুন, ভূমধ্য সাগরের দ্বিপপুঞ্জের মধ্যে ইথাক দ্বিপটী কি রমণীয়! নিবিড় নীল নীরদ নিভ উত্তাল তরঙ্গ সুশোভিত লবণাশুরাশি পরিধার ন্যার চতুর্দিক বেষ্টিত করিয়া রহিয়াছে, সমুদ্র তট বাহুময়, স্থানে স্থানে ক্ষুদ্র ক্ষুদ্র রক্ষ, সূর্য্যদেবও অন্ত শিখরের অন্তরাল হইতে স্বকর দ্বারা পাদপের নিকট বিদায় গ্রহণ করিতেছেন। প্রদোষ উপস্থিত; ঝাঁকে ঝাঁকে পক্ষিগণ স্বস্বনীড়ে প্রত্যাবর্তন হইতেছে; বাসন্তি সমীরণ সন্ধ্যাকুসুমের সৌরভ অপহরণ করিয়া যেন ভয়প্রযুক্ত ধীরে ধীরে সংকরণ করিতেছে। চৈত্র মাস গত প্রায়। পাঠক মহাশয়! এ সময়ে আপনার কি ঐ ক্ষুদ্র পর্ব্বতটির অধিত্যকার পরিভ্রমণ করিতে অভিলাষ হয়? দেখুন কি মনোহর ও রমণীয় স্থান, ক্ষুদ্র ক্ষুদ্র প্রশ্রবণের স্বচ্ছ-স্ফটিক-সন্নিভ জল বায়ুযোগে ঈষৎ কম্পিত হইতেছে, অফর্মীর অফ্র কলা চন্দ্রমা পূর্ব্বদিকে উদয় হইয়া সূর্য্যদেবের ভীষণ করপ্রবণে যেন দয়াদ্র হইয়া প্রজাকুলের রক্ষণোদ্দেশে অমৃতকণা বিতরণ করিতেছেন। বায়ু সহযোগ-কম্পিত পল্লব তরুগণ যেন তাঁহাকেই অভিবাदन করিতেছে। এখানে পুত্র-শোক-সন্তপ্তা রমণীর হৃদয়ও সুস্থির হয়। পাঠক মহাশয়, আপনি যদি ভাবুক হয়েন তবে আপনার এই এক ভ্রমণের স্থল; আপনি যদি চিররোগী হয়েন, তবে এই আপনার স্বাস্থ্য রক্ষার স্থান; আপনি যদি পকৃতির গোভা সন্দর্শন লিপ্ত হইবেন, তবে এই আপনার নয়নানন্দপ্রদ বস্তু। ঐ শুভুন পর্ব্বত গৃহাভ্যন্তরস্থ পশুর ভয়ঙ্কর শব্দ শ্রবণ গোচর হইতেছে। কেন পাঠক আপনার মুখ মলিন হইল? অক্ষুট গদগদস্বরে কি বলিতেছেন? “আমি বন্য পশু বিরাজিত রমণীয় দ্বীপে যাইব না, হুরন্ত প্রাণের ভয় আমাকে বারণ করিতেছে”। বঙ্গ সন্তান হইলে এই আপনার মনের ভাব; আমরা তো এক খনির বটে, আমাদের নিকট আর কতক্ষণ গোপন রাখিবেন? হা মাতঃ বীর প্রহর-ভূমি! আপনার কি বীর প্রসবতা শক্তি একেবারে অন্তহত হইয়াছে? আর কি কখন আমরা সাহসের মুখ দেখিব? আর

কি কখন আমরা সময় ক্ষেত্রে অসি ধারণ করিয়া স্বাধীনতা-রত্ন রক্ষা করিব।

পাঠক মহাশয়! আপনার মনের ভাব বুঝিয়াছি, এখন আর কাজ নাই, আসুন একবার দ্বিপটির চতুর্দিকে পরিভ্রমণ করি। আপনার ভয় নাই, ও হিংস্র পশুর স্বর নয়, গৃহ-পালিত ভয়ানক কুকুরগণ ধ্বনি করিতেছে, শৈলের প্রতিধ্বনিতেই গম্ভীর মেঘ গর্জনবৎ। এ দ্বিপটি জনপরিপূর্ণ। উপত্যকার মধ্যে একটি শিষ্প রাজি বিরাজিত প্রস্তর বিনির্মিত হর্ম; চারিদিকে সমস্ত্রে মৈন্যাগণ সতর্কতার সহিত প্রহরীর কার্য সম্পাদন করিতেছে; আগ্নেয়াস্ত্র সকল চতুর্দিকে সূক্ষ্মজিত। অতি ভয়ানক স্থান, ইচ্ছাৎ কাহার সাধ্য প্রবেশ করে! প্রথম দ্বার পার হইলে সম্মুখের সোপান দ্বারা দ্বিতলে যাও যার, তথায় একটি সুসজ্জিত গৃহে গবাক্ষের সন্নিকটে গজদন্ত বিনির্মিত এক খানি আসনে একটি যুবাপুরুষ হস্তস্থিত যষ্টি চিবুকে অর্পণ করিয়া উপবিষ্ট আছেন, স্বাদেশ হইতে রত্ন বিনির্মিত কোষাচ্ছাদিত অসি ভূতল স্পর্শ করিতেছে।

যুবক! কি ভাবিতেছেন?—কে জানে বীর পুরুষের জয়ই এক মাত্র চিন্তার বস্তু! ইহারও কি সেই চিন্তা? তাহাই বা কেমন করিয়া বলি? ইহার তো মনে কোন স্থানেই অজয়ের সম্ভাবনা নাই? এ দেখুন পাঠক, মুখে নিরশ্বাস চিহ্ন প্রকাশমান! শুধুন অক্ষুট গদগদ স্বরে কি বলিতেছেন—“মন” তুমি এতো ভাবিতেছ কেন? আমি কি চিরকালই প্রিয়ার আন্তরিক কষ্টের কারণ হইব? আমার কি চিরকালই অসি হস্তে করিয়া সময় ক্ষেত্রে পরিভ্রমণ করিতে হইবে?”

ইচ্ছাৎ সম্মুখের দ্বার খুলিল। একজন সময়বেশধারী অপেক্ষাকৃত উন্নতি-পদাভিষিক্ত চিহ্ন-ভূষিত যুবা পুরুষ গৃহাভ্যন্তরে প্রবেশ করিয়া আসনস্থ যুবককে অভিবাদন করিলেন।

“সংবাদ কি?” এই প্রশ্নটি গম্ভীর শব্দে উচ্চারিত হইল আগন্তুক উত্তর করিলেন—“গ্রীক দেশীয় দূতের নিকট হইতে কতক গুলিন পত্র পাওয়া গিয়াছে, তাহার দ্বারা সুপক্ট অনুমতি হয়, আমাদের সম্পদ বা বিপদ অতি নিকট, যাহাই হউক, পত্রে যাহা লিখিত আছে সকলই নিবেদন করিতেছি”।

আসনস্থ যুবকের মুখে অঙ্গ ক্রোধের চিহ্ন প্রকাশিত হইল, তিনি সগম্ভী-

রে বলিলেন—আর নয়, নিশ্চয় হও—পত্র—আগন্তুক কুণ্ঠিত ভাবে তাঁহাকে কতকগুলিন পত্র প্রদান করিলেন। যুবক পত্র পাঠ সম্পন্ন করিয়া যেন কিছু উদ্ভিগ্ধচেতা হইলেন, কিন্তু তাঁহার স্বভাবসিদ্ধ গুণে আগন্তুক তাহা অনুমাত্র উপলব্ধি করিতে পারিলেন না! তাঁহার চিবুক পুনরায় যষ্টির উপর স্থাপিত হইল, কিন্তু পরক্ষণেই এক খানি পত্র লিখিয়া আগন্তুককে কহিলেন—“সময় কোথায়?” “আজ্ঞা, তরীতেই আছেন।” এই উত্তর পাইয়া আগন্তুকের করে লিখিত পত্র খানি সমর্পণ করিয়া বলিলেন—“এই পত্র খানি সময় সিংহের হস্তে দিবে, ও তোমরা স্বয়ং কার্যে নিযুক্ত থাকগে, আমি অদ্য রাত্রেই যাত্রা করিব, আদেশমুত্ত সময়ের মধ্যে যেন সকল উদ্যোগ করা থাকে।” আগন্তুক—“আপনিও যাইবেন?” “হাঁ আমি অদ্য রাত্রেই যাত্রা করিব, আমার যুদ্ধ সজ্জা প্রস্তুত রেখ, তোমরা যথাসময়ে বংশি-ধ্বনি করিও, আর আমার অস্ত্রগুলি পরিস্কার করিতে অনুমতি করিও, দেখ যেন যাত্রা কালীন সময়মুচক শব্দ করা হয়—” যুবকের মুখ হইতে এই কয়েকটি কথা নিঃসৃত হইল। আগন্তুক আরো কিছু জিজ্ঞাসা করিতে ইচ্ছুক ছিলেন, কিন্তু যুবকের মুখভঙ্গি সন্দর্শনে—“যথা অনুমতি” এই কথা বলিয়াই নতশিরে বিদায় গ্রহণ করিলেন।

যুবক অতি গম্ভীর প্রকৃতির লোক ছিলেন, ও তাঁহার অভিপ্রায় ফলে প্রকাশ পাইত। তাঁহার দলস্থ দুর্দমনীয় লোক ও তাঁহার নামে ভয়ে কম্পিত হইত।

পাঠক মহাশয়! ইহার পরিচয় জানিতে কি আপনার অভিলাষ হয়? এক এক জনের প্রকৃতি পরের সহিত আলাপ করিতে বাসনা করে, এক এক জন পরের সহিত আলাপ করিতে অনিচ্ছুক। আপনি যদি দ্বিতীয় প্রকৃতির লোক হইবেন, তবে আপনার পরিচয় জানিবার অভিলাষ নাও হইতে পারে; কিন্তু এই আখ্যায়িকার সহিত যাহার প্রথমাবধি শেষ পর্যন্ত সম্বন্ধ তাহার পরিচয় জানা অতি কর্তব্য, তাঁহার পরিচয় না জানিলে আমাদের সকল পরিভ্রম বৃথা।

পূর্বকালে ইথাক দ্বিপে রাজপুত্র জাতীয় কতকগুলি বীরের আবাস ছিল, ইনি তাহাদিগের অধীশ্বর। মহারাক্ষীয়দিগের উপদ্রবে যেমত এককালে অনেক স্থান উত্তপ্ত হইয়াছিল, তৎকালে ইহাদিগের উৎপাতেও

অনেক স্থান উচ্ছন্ন যায়। সে সময়ে এমত এক দিনও ছিল না, যে ইহা-
দিগের দ্বারা কোন না কোন দেশ ব্যতিব্যস্ত না হইত। ইনি সমর-দক্ষতায়
শিবাজীর সদৃশ লোক ছিলেন। এরূপ পুরুষের কি রূপ আকার হয় অনেকেই
অনুমান করিতে পারেন বটে; কিন্তু এক এক বীরপুরুষের অবয়ব নিতান্ত
শান্ত চিহ্ন শূন্য, ইহার সে রূপ ছিল না। ইহার গঠন নাতি-দীর্ঘ নাতি-
ধ্বংস; বর্ণ গোলাপফুলের সদৃশ বটে, কিন্তু কপোলদেশ নিরন্তর রৌদ্র
তাপে দীপ্ত কৃষ্ণাভায় বিভূষিত। তাঁহার মুখের আকৃতি ক্ষণে ক্ষণে বিভিন্ন
ভাব ধারণ করিত। কখন অহঙ্কারের, কখন ক্রোধের, কখন চিন্তার, কখন
বা প্রেমের চিহ্ন উপলব্ধি হইত। তিনি অধীনদিগের নিকট এমনি তেজীরান্
ছিলেন, যে তাঁহার মুখের দিকে কেহই দৃষ্টিপাত করিতে পারিত না।
তাঁহার দৃষ্টি উজ্জ্বল ও সঙ্গা, নয়ন সুদীর্ঘ, আরক্ত ও সমবিন্যস্ত পক্ষরাজি
সুশোভিত। ভ্রুদ্বয় চক্ষুর নিরতিশয় শোভা ব্যঞ্জক, নাসিকা দেখিলে বোধ
হয় তদ্বারাই মুখের এত শোভা! কর্ণ বীরবালায় ভূষিত। মস্তকে উষ্ণীষ,
তাহাতে এক খণ্ড প্রশস্ত, উজ্জ্বল ও বহুমূল্য হীরক সংস্থাপিত ও এক ছড়া
গজমতি দ্বারা বেষ্টিত। বীরোচিত বহুমূল্য সজ্জা তাঁহার শরীরকে
আচ্ছাদন করিয়াছিল। অবয়ব অধিক স্থূলও ছিল না, অধিক কৃশও
ছিল না, কিন্তু কোন স্থানের অস্থি দেখা যায় না। ত্রু অকুণ্ঠিত, কিন্তু
উদরের ত্রু কথঞ্চিৎ লোল থাকায় তিনটি বলি ও নিরন্তর চিন্তাসত্ত
হেতু চক্ষু কোণস্থ চর্ম কথঞ্চিৎ কুণ্ঠিত ছিল। বাহুদ্বয় আজানু-
লম্বিত নয় বটে, কিন্তু অপেক্ষাকৃত দীর্ঘ আর দুই অঙ্গুলি দীর্ঘ
হইলে জাম্পর্শ করিত। উক্সুগোল; ইহা বলিলেই যথেষ্ট হইবে কোন
অঙ্গ কোন অঙ্গকে পরাজয় করিতে পারে নাই। ইহার নাম রণজয় সিংহ;
বয়স ৩০।৩১ বৎসর।

যুবক সেই এক ভাবেই উপবেশন করিয়া আছেন, হঠাৎ গবাক্ষে দৃষ্টি-
পাত করিলেন; দেখিলেন—তাঁহার আজ্ঞাবাহক অনুচর দ্রুতপদ অশ্বা-
রোহণে দৃষ্টিপথ অতিক্রম করিল। তিনি পুনর্বার পত্র কয়েকখানির
আদ্যোপান্ত পাঠ করিয়া অধোবদন হইয়া সেই ঘটির উপর চিবুক অর্পণ
করিয়া পূর্বভাব ধারণ করিলেন।

তাঁহার মুখে বিষম, ভয়, সাহস, চিন্তা, ক্রোধ ও দুঃখ ক্রমান্বয়ে ক্রীড়া

করিতে লাগিল। “এ পত্র কি যথার্থ বাদী—হইতেও পারে, আমার কি
দুঃসাহস! হঠাৎ শত্রু মধ্যে অল্প সংখ্যক সৈন্য লইয়া উপস্থিত হইব!”
ক্রমশঃ সবিচ্ছেদে এই কয়েকটি কথা উচ্চারণ করিলেন। আবার এক ভাব;
মুখে সাহসের সাহসের চিহ্ন বর্তমান। সগম্বীরে অক্ষুটস্বরে কি বলিতে
লাগিলেন—সেই স্বর ক্রমশঃ উচ্চভাব ধারণ করিল। “আমিতো চির-
কাল বাঞ্ছা করি—অল্প সৈন্য লইয়া বহু সংখ্যক শত্রুর সহিত সমরে
প্রবৃত্ত হইব, তাহাতো কতবার করিয়া জয়লাভও করিয়াছি, আমার কি
ক্ষণ-বিনশ্বর দেহের নাশাশঙ্কা? না—আমার অনুচরবর্গ কি বিদেশে
প্রাণত্যাগ করিবে? তাহারা কি প্রভু বিহীন হইয়া পলাইতেও সমর্থ হইবে
না?—এতো অমঙ্গল চিন্তাই বা করি কেন?—যে যুক্তি স্থির করি-
য়াছি, তাহাতে তো অচিরেই জয়ের সম্ভাবনা।”

পাঠক মহাশয়! একবার যুবকের মুখাবলোকন করুন; তাঁহার হৃদয়তন্ত্রী
কাঁপিতেছে, মুখে নিরাশ্বাস চিহ্ন প্রকাশমান। চক্ষু আক্রন্দনোগ্রুখ। একি
ভাব,—আপনি কি বুঝিয়াছেন? যদি আপনি সেই দুঃখে কখন নিমগ্ন
হইয়া থাকেন, যদি আপনি সে ভাবের ভাবুক হয়েন, তবেই যুবকের মনের
ভাব সহজে বুঝিতে পারিবেন। এতো সাহসী পুরুষের কেবল সমর চিন্তার
ভাব নয়। যদি কখন আপনি প্রাণ প্রতিমা সহধর্মিণীকে দেশে রাখিয়া
বিদেশে কর্ম করিতে গিয়া থাকেন, যদি কখন তাঁহার সহবাসেচ্ছার কহ-
কাল পরে আসিয়া প্রভুর ত্বরিত আহ্বান বার্তা পাইয়া থাকেন, তবেই এ
ভাবের ভাবুক হইবেন।

“আমি কি সমর চিন্তায় এতো কাতর? না—প্রিয়তমার মুখের কমনীয়
কান্তিই আমার ক্লেশের কারণ। মন!—সমুদ্র যাত্রাপেক্ষা প্রিয়ার সহবাসই
কি তোমার অভিমত? আমি অনুচরবর্গের রক্ষা নিমিত্ত যত্নবান হইব না?—
অবাশই হইব। কিন্তু প্রিয়ার নিকট বিদায় লইয়া আসা উচিত, হয় তো এই
বিদায়ই আমার শেষ বিদায়। মনে ছিল—এক্ষণে স্বয়ং সমুদ্র যাত্রা না
করিয়া কিছু দিন প্রিয়ার অতিলাষিত কার্য সম্পন্ন করিব। সময় এক্ষণে তাহার
প্রতিবন্ধক। আর অধিক বিলম্ব করা উচিত নয়, একবার প্রিয়ার নিকটে
যাই।”

যুবক উঠিলেন, ও স্বীয় কক্ষস্থ তরবারির প্রতি লক্ষ্য করিয়া কহিলেন—

“অসি!—তুমিই আমার পরম মিত্র—তুমিই আমার পরম শত্রু—যদি আমি তোমার বশীভূত না হইতাম, তবে কি একটু ভোগ করিতে হইত? প্রেমসী এক্ষণে কি ভাবিতেছেন?—কে জানে?—হয় তো আমার আগমন বার্তা প্রবণে নিরতিশয় আত্মদিতা আছেন। না—তাহার ও আমার একমন। তিনিও আমার ন্যায় অস্থির”। আর অপেক্ষা করিলেন না, গৃহের দ্বার অতিক্রম করিলেন। শেষে এই কথাটি শুনা গেল— “এই কি আমার শেষ প্রণয়?”

ক্রমশঃ ।

কাঁচরাপাড়া ।

কাঁচরাপাড়া একটি প্রসিদ্ধ গও গ্রাম, বাসস্থানের যাহা থাকিতে হয় তাহার কিছুই অভাব ছিল না, প্রোতস্বতী গঙ্গা কটিদেশে মেথলার ন্যায় শোভা পাইতেন, প্রসিদ্ধ প্রাচীন চিকিৎসকগণের আকর, পণ্ডিত শ্রেষ্ঠ নিমচাঁদ শীরোয়নি প্রভৃতির গর্ভধারিণী, কবির ঈশ্বরচন্দ্র গুপ্তের জন্ম-ভূমি, কিন্তু হায়!—

“চক্রবৎ পরিবর্তন্তে হুঃখানিচ সুখানিচ ।”

কালক্রমে আমাদের জন্ম ভূমির কি শোচনীয় দশাই উপস্থিত। যে পল্লী এক কালে স্বাস্থ্য রক্ষার প্রধান স্থান বলিয়া গণনীয় ছিল এখন তাহা ছরন্ত জ্ববে নরশূন্য প্রায় হইয়া উঠিয়াছে। চারিদিকে ভয়াল বন, হিংস্র শস্যনাশক বন্য শূকর দেশ অধিকার করিয়াছে, দস্যু ও তস্করের সংখ্যা দিন দিন বৃদ্ধি হইতেছে, সুসন্তান সকল দেশ পরিত্যাগ করিয়া স্থানান্তরে বাস করিতেছেন, আবার সময় গুণে যাঁহারা কৃতবিদ্যা অর্থোপার্জন কম হন, যাঁহাদের দ্বারা পুনঃ উন্নতির সম্ভাবনা, তাঁহারাই জন্ম ভূমির মায়ায় চির বিসর্জন দিতেছেন।

যে অনৈক্যতা ভারতবর্ষকে পরাধীনতা শৃঙ্খলে বদ্ধ করিয়াছে, সেই অনৈক্যতাই আমাদের দেশের অধঃপাতের কারণ। পরজী কাতরতা, অহঙ্কার ও পিস্থনতা প্রভৃতির দ্বারা সকলের মন কলুষিত, সুতরাং সুখ গ্রাম হইতে একেবারে অন্তর্হিত হইয়াছে। আবার সময়ে সকলি ঘটে। ভাগিরথীও স্বসখীর মায়ায় বিসর্জন দিয়া বহুদূরে অবস্থিতি করিতেছেন, চিকিৎসকের মধ্যে যাঁহারা

প্রসিদ্ধ, তাঁহারা প্রায়ই অন্যত্র বাস করেন, যাঁহারা কবিত্ব শক্তিতে কথঞ্চিৎ ভূষিত, তাঁহারা উৎসাহ সলিলাভাবে মলিন হইয়া আছেন। অধিক কি যে কাঁচরাপাড়া এককালে কাঞ্চনপল্লী নাম ধারণ করিয়া তদর্থক স্বার্থকতা সম্পাদন করিয়াছিল, সেই কাঁচরাপাড়া একেবারে স্বনাম হারাইয়াছে; কিন্তু এখনও কাঁচরাপাড়া রত্ন শূন্য হয় নাই, এখনও ইহার এক এক সন্তান বঙ্গ মুখোজ্জ্বলকারী, কেবল অনৈক্যতা ও জন্মভূমির প্রতি হিংসানিবন্ধন ইহা আর যে কখন উন্নতি সোপানে আরোহণ করিবে অনুভব হয় না।

“জননী জন্মভূমিচ সর্গাদপি গরীয়সী” এই কবিতার আর অধুনা গৌরব নাই। কত ব্যক্তি স্বীয় জননীর নিরন্তর অশ্রু পতনের কারণ হইতেছেন, জন্মভূমির প্রতি কিছু মাত্র স্নেহ নাই, দেশের হিতসাধনে যত্ন নাই, বরং পরজীতে কাতরই দেখিতে পাওয়া যায়।

হে ভ্রাতঃ কাঁচরাপাড়া বাসিগণ! একবার স্বজন্ম ভূমির দূরবস্থা দর্শন করিয়া আমাদের সহিত বিলাপ ককন, ছুরাচারিণী অনৈক্যতার হস্ত হইতে রক্ষা লাভ ককন, ভ্রাতৃত্ব শব্দের রস গ্রহণ ককন, দেখুন ভ্রাতৃত্ব পরিণামে কত সুখকর বস্তু হইয়া উঠে; এই ভ্রাতৃত্ব বিরাজমান থাকিতেই আমাদের মাতৃ ভূমির এতো উন্নতি হইয়াছিল। আপনারা যদি অনৈক্যতাকে দূর করেন, তবে তৎসহায় পরজী কাতরতা, অহঙ্কার প্রভৃতি আপনা আপনিই পলায়ন করিবে।

পরিমিত ব্যয় ।

আমাদের দেশের যতই কাল গত হইতেছে, ততই কৃতবিদ্যের ও পরিমিত ব্যয়ীর সংখ্যা বৃদ্ধি হইতেছে। পূর্বকালের কত অপরিমিত ব্যয়ের কথাই শুনা যায়,—কেহ কুকুরের বিবাহে টাকার প্রাদ দিয়াছেন, কেহ গাত্র বস্ত্র পর্যন্ত দান করিয়া নিজে ফকির হইয়াছেন, কেহ অসংখ্য মুদ্রা ব্যয় করিয়া ইন্দ্রিয় সুখ সাধন করিয়াছেন, কেহ প্রতি বৎসর পূজার সময় দাতৃত্বের পরাকাষ্ঠা প্রদর্শন করিয়া পৈত্রিক ধন পর্যন্ত নষ্ট করিয়াছেন, এখন কি আর সে সকল অপরিমিত ব্যয় আছে?

কাহাকে পরিমিত কাহাকেই বা অপরিমিত বলে, তাহার বিচার করা কঠিন। সামান্যতঃ সাধ্যাতীত ব্যয়ের নামই অপরিমিত ব্যয়। কিং গহিত

কার্যে এক পয়সা ব্যয়কেও লোকে অপরিমিত ব্যয় বলিয়া থাকে। ইন্দ্রিয় সুখ সাধনার্থ ব্যয় প্রভৃতি কতকগুলি কার্য সাধারণতঃ গহিত কার্য বলিয়া উক্ত আছে। আর আজ কাল হিন্দুধর্মের বিপর্যয়ের হেতু, কলির মাহাত্ম্যেই হউক কিম্বা যে কোন কারণেই হউক, শ্রাদ্ধ পূজা প্রভৃতির ব্যয়কেও অনেকে গহিত ব্যয় বলিয়া থাকেন। এই সংস্কার দিন দিন বর্দ্ধিত হওয়ায় প্রতি-বৎসরই পূজার সংখ্যার ন্যূনতা দৃষ্টিগোচর হইতেছে।

আমাদের মতে কতকগুলি ব্যয় কখনই নিন্দনীয় নহে। তামসিক ব্যয় কতক মন্দ বটে, কিন্তু সাত্ত্বিক ব্যয় কখনই গহিত নয়। দান সকল শাস্ত্রেই কর্তব্য বলিয়া উক্ত আছে। আপন উদর পূরণ কে না করিয়া থাকে? পশু ক্ষপীতেও আপন উদর পূর্ণ করে, কিন্তু ধন থাকিতে যে না ব্যয় করে সে কখনই মনুষ্য পদ বাচ্যের যোগ্য নহে।

কালে কালে কতই দৃষ্টি গোচর হইবে; সে দিন এক জন ধনির মুখে শুনিলাম এক পয়সায় বৃথা একখানি সংবাদপত্র ক্রয় করিয়া কি হইবে, সে পয়সায় বাজার খরচ করিলে কার্য হইতে পারে; ইহার নাম কি পরিমিত ব্যয়?

জানকী হরণ কাব্য * ।

“পবিত্র মজ্জাতম্মতে জগদ্যুগে, অতঃ রসক্ষালন এব যৎ কথ্য।
কথং নসামদিগার মা বিলামপি, স্বসেবিনীমেব পবিত্রয়িষ্যতি।”

প্রথম সর্গ।

মহামুনি আদি কবি বাল্মীকি যতনে,
রচিলেন যাহা হায় জানকী হরণে!
তাহা রচিবারে আজি আমার মনন।
আশা যথা বিধু আশে উদ্ধাহ বামন।
যদ্যপি সাধন আশা না হয় যতনে,
তাহে দুঃখ নাহি গণে কতু নরগণে!
যদি উপহাসে জনে তাহে কিবা ভয়,
দিগম্বর মহেশের স্তব মধ্যে হয়।

* আগামীতে পয়ার দুই কলমে মুদ্রিত হইবে।

মুচাক কবিতা তবে দুর্লভ রতন,
তাহা রচিবারে শক্তি লভে সাধু জন;
আমি মুঢ় না বুঝিয়া ধরেছি লেখনী,
আপনারে এমং সারে লজ্জাহীন গনি।
অভ্যাসেতে বিদ্যাদেবী প্রসন্ন নিয়ত,*
সেই বাক্যে মম এই দীর্ঘ আশা যত,
ক্রমশঃ উন্নতি লোক পারে লভিবারে,
এই মধু চক্রে তাই মন রচিবারে।
ভরসা আছে মনে পূর্ন কবি চয়,
বিরচিত কবিতা-কুসুম রসময়;
মধুমক্ষিকার রক্তি করিয়া ধারণ,
তাহা হতে নানা রস করিব চয়ন।
তাই নমি কবি গুরু বাল্মীকি চরণে,
রুদ্ধ মুনি আদি কবি বিখ্যাত ভুবনে;
তঁার পদ রজঃ মম মস্তক ভূষণ,
যাঁর রামায়ণ যশঃ ব্যাপিত ভুবন।
আর যত কবিকুল কে করে গণনা,
সৃষ্টি কর্তা রূপে তাঁরা এক এক জনা,
যাঁহার প্রসাদে, সেই মাতা সরস্বতী,
বন্দিতে মানসে এবে করিষু যুক্তি।
যাঁর রূপাকণা বলে জীহ্বা তারবি,
মাঘ কালিদাস আদি খ্যাত মহা কবি,
মৃত হয়ে যশো বলে সজীব পৃথ্বীতে,
সর্বহর কাল যারে না পারে নাশিতে।
মাতঃ অনুমানি তব হেরি ও বরণ,
নিষ্কলঙ্ক বিধু লাজে ধরিল চরণ,
নখ সহ তুলনায় মানিলেক হার,
তাই স্বর্গে আদেশিল বাস ভূমি তার।

* “বিদ্যাভ্যাসেনৈব প্রসাদয়তি মহতি।”

মহত নিকটে জানি করিলে বিনয়,
অবশ্যই তার আশু উচ্চ পদ হয়,
ভগবান নিকটেতে বলি দৈত্যপতি,
বিনয়ে লভিল দ্বারী শ্রীপতি যেমতি।
তব রূপ বর্ণিবারে কি মম শক্তি।
নাহি দোষ তাহে তুমি বাম মম প্রতি।
তব রূপা গুণে মম যদি পূরে আশ,
তবে জানি সন্তানেরে করুণা প্রকাশ।
সন্তানেরে তব স্নেহ সমান কেমন,
জানিবারে মম নব পরীক্ষা এখন,
এই আশা যদি নাই হইবে পূরণ,
দয়াময়ী নাম তব অন্ত বচন,
যেই ভাবে রত্নাকর কালিদাসোপরে,
তব রূপা দৃষ্টি পড়ে ছিল দয়া ভরে,
সেই রূপা দৃষ্টি কণা মাগে মৃত জন,
না দিলে হইবে তব কলঙ্ক রটন।
কহিবে জগতে সবে রূপাহীনা বাণী,
রত্নাকর কালি দাসে রূপা রুখা মানি,
ক্ষুদ্র কাব্য রচিবারে করিল মনন,
স্মরিল মাতারে নাহি হইল পূরণ।

বল মাতঃ ! দুষ্ক-বুদ্ধি-মনুহা বচনে,
কৈকেয়ী ছলিয়া-যবে জীবন রাজনে,
সলক্ষ্মণ সীতা রামে পাঠাইলা বন,
স্বমন্ত্র রথেতে লয়ে করিল গমন।
রাখিয়া বিজন বনে নৃপের আদেশে,
সুধীর সারথি যবে নৃপে তাহা ভাবে,
শুনিয়া কি করিলেন দশরথ রাজ ?
এই স্থলে দেহ সেই করুণার সাজ।

একেতো অযোদ্ধাপুরি অপকৃপ শোভা,
সুচাক কাক রচিত জন মন-লোভা,
তাহে নানা সাজে আজি করিয়া সাজন,
কেন বল নাহি হয় মানস রঞ্জন ?
ওই যে কোষেয় ধ্বজ রতনে খচিত,
বায়ু যোগে উড়িতেছে পুরী-চারিভিত,
কেন আজি ওই শোভা নয়নে হেরিয়া।
প্রজাকুল কান্দিতেছে নৃপেরে নিদ্দিয়া ?
মঙ্গলের সাজ যত অমঙ্গলময়,
চাহিলে তাহার দিকে হয় দুখোদয়,
সন্নিপাত বিকারীর সুস্বিক্ত শরীর,
হেরিলে যেমত মাত্র চক্ষে বহে নীর।
আর নাহি অযোদ্ধা-বাসীর সেই ভাব,
সকলে স্মরিছে চাক শ্রীরাম স্মভাব,
সুজনের গুণে বদ্ধ জগত যে হয়,
এভাব ভাবিলে তাহা হইবে নিশ্চয়।
অযোধ্যা নগরবাসী মলিন বদন,
নিরব অচল সবে সজল নয়ন,
আর্তনাদে ক্ষণে ক্ষণে দিক্ নৃপে দিক্,
এই তবে কেবা পাপী ইঁহার অধিক।
রঘুবংশ ভুজঙ্গিনী কৈকেয়ী দুর্ঘতি,
বিনা দোষে রামে করে এতেক দুর্ঘতি।
হেন নারী বশ নৃপ নাহি বিবেচনা,
যুদ্ধ বদ্ধকালে হেরি তরুণ ঘোবনা।
হা রাম লক্ষ্মণ সীতে ! অবরোধে ধনি,
করে যত পুরবাসী পিকধনি ধনী,
হায়রে শুনিলে সেই করুণ বচন !
কাহার উপল মন করে না রোদন ?

কাঁচরাপাড়া প্রকাশিকা।

ভীষণ আরবি পুনঃ হইল রোদনে,
সবে বলে এল রথ রামে দিয়া বনে,
আরে নৃশংস নৃপ ধিক্ তোরা প্রাণে,
রঘুবর রামে বনে দিল। কোন জানে।
হইলেও দোষি পুত্র বন বিসর্জন,
কখন করিতে নারে সাধু নরগণ,
স্ত্রী-বশ দূর্য্যতি নৃপ নির্দোষ সন্তানে,
দিল। বন, রাজ নীতি কিছু নাহি মানে।
অমন্ত সারথি যবে রামে দিয়া বন,
নগরে প্রবেশে ধীরে লইয়া সান্দন,
যুগল নয়নে বারি ঝরে অবিরত,
অদীঘ নিঃশ্বাস বহে, ভূমে শীর নত।
নৃপ হর্ষদ্বারে রথ আইল ক্রমশঃ,
নামিতে সারথি অঙ্গ হইল অবশ,
মূচ্ছিত হইয়া ভূমে পড়েন তখন,
ব্যস্ত ভাবে ধার যত দ্বারবানগণ।
মুখেতে করিল সবে সলিল সিঞ্চন,
জ্ঞান লাভ করি চলে সারথি তখন,
প্রবেশিতে অবরোধে যত পরিজন,
হাহাকার করি সবে করিল রোদন,
হা রাম লক্ষ্মণ সীতে এই মাত্র ধনি।
সবে বলে পাপী মধ্যে নৃপে শ্রেষ্ঠগণি।
কৌশল্য। মহিষী যেন পাগলিনী মত,
সজল নয়নে চাহে যেন চিত্রগত।
অমন্ত রামেরে বল রাখিলে কোথায় ?
কোন প্রাণে ভাসাইল। সলিলে আমার,
স্ত্রী-বশ নৃপতি আজ্ঞা করিতে পালন,
নারীবধ ভয় নাহি করিলে গণন ?

ক্রমশঃ।

কাঁচরাপাড়া প্রকাশিকা।

মাসিক পত্রিকা।

“মির্জাসরাঃ মুকুতিনঃ খলুযে বিবিচ্য, কল্পে গুণস্য কণমপ্যবতঃসয়ন্তি।
যেষাং মনো ন রমতে পরদোষবাদে, তে কেচিদেব বিরলা ভূবিসংস্রস্তি ॥”

১ম খণ্ড।

১২৮০ সাল পৌষ।

২য় সংখ্যা।

কুমুদিকা।

প্রণয়ে কি না হয়।

দ্বিতীয় পরিচ্ছেদ।

তবে — বিদায়।

প্রণয় সকলের প্রতিই সমান অধিকার করিতে পারে। রণজয়ী সমরশীল পুরুষও প্রণয়ের বশীভূত। যিনি প্রণয়ী, তিনিই প্রণয়ের যথার্থ মর্ম্ম অবগত আছেন। আমাদের প্রধান নায়ক রণজয় সিংহও সেই প্রণয়ের বশীভূত; সৈনিক পুরুষের হৃদয় প্যাষণ হইতে কঠিন হইলেও প্রণয় কালীন নবনীত-বৎ কোমল ভাব ধারণ করে। রণজয় সিংহ পূর্ব গৃহ হইতে নির্গত হইলেন। দ্বারে দ্বারপালগণ নত মস্তকে দণ্ডায়মান হইল। একটি সুসজ্জিত অশ্বে আরোহণ করিয়া ক্রমশঃ পশ্চিমদিকের প্রশস্ত পথ দিয়া যাইতে লাগিলেন। যদিচ পার্শ্বতীয় পথ সকল অসম, কিন্তু এ পথটি সে রূপ নহে; ইহা প্রশস্ত, পরিস্কৃত ও দ্বিপাশ্বে পল্লববিশিষ্ট বৃক্ষপঞ্জি বিরাজিত ও ক্রমশঃ অপেক্ষাকৃত উচ্চ, অনতিদূরেই একটি সুদৃশ্য হর্ম্ম, সেটি পূর্বটির অপেক্ষা সুন্দর এবং পূর্বের ন্যায় গ্রহণি বেষ্টিত। চারিদিকে কুমুদভর স্মরণোত্তম উপবন। স্থানটি অতি রমণীয়! বাটটি যত নিকটবর্তী হইল, রণজয়ের মুখ

ততই স্নানভাবাপন্ন হইতে লাগিল। ক্রমশঃ অশ্রু দ্বারদেশে উপস্থিত হইলে যুবক লক্ষ্য প্রদান করিয়া নিম্নে অবরোহণ করিলেন; দ্বারস্থ সকলে সমস্ত্রমে উঠিয়া অভিবাদন করিল, যুবক প্রথম প্রশস্ত প্রকোষ্ঠ পার হইয়া দ্বিতীয় প্রকোষ্ঠে পদার্পণ করিলেই একটি করুণারসোদ্দীপক বামা-গীত শুনিয়া দাঁড়াইলেন, বোধ হয় তাঁহার গতিরোধ হইল। গীতটি ক্রমশঃ তাঁহার নিশ্বাসের প্রবলতা ও নয়নের সজলতা সম্পাদন করিল। তিনি ক্ষণেক অচলের ন্যায় থাকিয়া সেই মূল-লিত গীতকারিণী রমণীর গৃহে প্রবেশ করিলেন। কামিনী বহুমূল্য শয্যা-ব্যাপ্ত আসনে উপবেশন করিয়া রহিয়াছেন,—কপোলে ন্যস্ত হস্তা!—বোধ হইতেছিল যেন শোক, দুঃখ ও চিন্তা তাঁহাকে এক কালে আশ্রয় করিয়াছে! যদিও রমণীর চক্ষু অনবরত অশ্রুপাতে অশ্রু ফুলিয়াছে, আরক্তিম বদন কলুষিত; কিন্তু ইহাতে কি তাঁহার মুখের কমনীয় কান্তির হাস হইয়াছে?

সকল গ্রন্থকর্তাই নায়ক নায়িকা বর্ণনে স্বলেখনাকে পরিশ্রান্ত ও মস্তিস্কের আলোড়ন করেন; কিন্তু আমরা কি তাঁহাদিগের প্রদর্শিত পথ অতিক্রম করিব?—কখনই নহে!—তবে আমাদিগের মস্তিস্ক সঞ্চালন করিতে হইবে না, কারণ নায়িকা স্বভাব-সুন্দরী!!!

“ভিন্নরুচির্হিলোকঃ”—সকলেরই রুচি ভিন্ন ভিন্ন। কিন্তু সকল গ্রন্থকর্তাই স্বনায়িকাকে জগতমনোহারিণী করিবার চেষ্টা পান, তাহাতে কৃতকার্য হন কি না হন, তাহা উক্ত কবিতাংশে প্রকাশ পাইতেছে, সুতরাং আমাদিগের নায়িকার মন্দ গঠন ভাঙ্গিয়া ভাল করিতে চাহি না, যথার্থ্যের প্রতিই লক্ষ্য!—তাহাতে যাহার মনোহারিণী হন বা না হন!

রমণীটির বর্ণ দুখে-আলতার ন্যায়, কিন্তু সকল স্থল এক রূপ নয়—কপোল, করতল, পদতল, ও অধরৌষ্ঠ প্রভৃতিই তাহার প্রমাণ। ইহা সামান্য দৃষ্টিতেই অনুমিত হইবে, তাঁহার সর্বাঙ্গাপেক্ষা কপোল প্রভৃতিতে অলঙ্কারের অংশ অনেক অধিক। দ্বিকপোলে কতকগুলি কুন্তল অযত্রে সংস্থাপিত। নয়ন আকর্ষণ নয় বটে, কিন্তু আমাদের দেশে স্ত্রীলোকেরা যাহাকে “পটোলচেরা” বলিয়া প্রশংসা করে তদপেক্ষা অনেক প্রশস্ত; নয়নের অভ্যন্তরস্থ শিরা সমূহ আরক্ত বর্ণ, পক্ষ্মরাজি সমবিন্যস্ত ও কৃষ্ণবর্ণ, ক্রমশঃ অতি প্রশংসনীয়—ধনুর-সোদর, কিন্তু মধ্যস্থল মিলিত নয়, দৃষ্টি সরলতা ব্যঞ্জক, নাসিকা বিলক্ষণ টিকল বলিলেই বর্ণনের শেষ হয়, কিন্তু এক এক ‘টিকল নাকে’ যে রূপ গাঁইট

থাকে ইহাতে তাহা নাই; দন্ত পংক্তি মুক্তার অনুকরণ, কিন্তু পরস্পর সমান, গজমতির অনুকরণ, সামান্য মুক্তাপেক্ষা অনেক বড়; ওষ্ঠাধর নব সহকার পত্রের ন্যায়, বোধ হয় সততই হাসিতেছেন, সর্ব শরীরে ঘোর চিন্তা ও দুঃখ চিহ্ন প্রকাশ পাইলেও ওষ্ঠাধর বিকসিত কোকনদের ন্যায় নয়ন প্রীতিপ্রদ; কুন্তল কৃষ্ণবর্ণ ও সুদীর্ঘ, কবরী বন্ধনে কয়েকটি সুবর্ণ পুষ্প, তাতেই কত শোভা। সকল কাব্যকারেই সুন্দরী রমণীকে সুদীর্ঘ বলেন, কিন্তু আমাদিগের নায়িকা সে রূপ নয়, স্তূলাঙ্গীও নয়, গঠন অস্বাভাবিক জড়িত সুগোল, সুকোমল, প্রায় কোন স্থানেরই অঙ্কি দেখা যায় না। ইহাকে যদি ক্ষীণাঙ্গী বলেন, বলুন; কিন্তু লতার সঙ্গে উপমা দিবেন না। তবে “কুন্তলরামিতাঙ্গী” বটে। অস্বাভাবিক স্ত্রীবৃন্দে যাহাকে “খোড় খোড়” গঠন বলে, তাই এই। কতিদেশ অতি ক্ষীণাঙ্গীর ন্যায়, কিন্তু নিতম্ব দেখিলে সেটি ভ্রান্তি বোধ হয়; হস্ত পদ যথার্থ সুর্ডোল; নাম—কুমুমিকা; বয়স ২০।২১ বৎসর, কিন্তু দেখিতে ষোড়শী অপেক্ষাও নূন বয়স্কা।

রাজয় তাঁহার পশ্চাত্তানে খট্টার নিকট দাঁড়াইলেন; কিন্তু এ পর্য্যন্ত যুগতীর লক্ষ্য নাই। তিনি পুনরায় একটি গীত গাইলেন, এবার স্বর কিছু অস্পষ্ট, শোক-জড়িত, চির-দুঃখ ব্যঞ্জক। যুবক ক্রমশঃ তাঁহার সম্মুখে উপস্থিত, তথাপি লক্ষ্য নাই। “প্রিয়ে”—এই সম্বোধনে কুমুমিকার চৈতন্য হইল। তিনি উঠিলেন ও চক্ষু হইতে জলধারা নির্গত হইতে লাগিল।

রাজয় কহিলেন—“প্রিয়ে, কাদিতেছ?—তোমার গীতগুলি অতিশয় দুঃখসূচক”। “নাথ”—কুমুমিকার রসনা আর বলিতে পারিল না। ক্ষণেক পরে রাজয়ের মুখে দৃষ্টি-নিষ্ক্রেপ করিয়া একটি সুদীর্ঘ নিঃশ্বাস ত্যাগ করিলেন। পুনরায় জড়িত স্বরে বলিলেন “নাথ,—তোমার বিরহে আমার হৃদয় কোথায়? তুমি কি বিবেচনা কর আমি মুখী? কেবল গীতে আমার আন্তরিক ভাব প্রকাশ পায়, নচেৎ আমি ধৈর্য্যাবরণে আবৃত হইয়া দুঃখ গোপন করি, আপনি নিশ্চয় জানিবেন, আমার চিরদক্ষ অন্তরে দুঃখের দীপ নিরন্তর জ্বলিতেছে, আপনি কি শান্তি কি পদার্থ জানিবেন না? দেখুন—আপনার এখানে কোন অভাব নাই, অনায়াসে লৌকিক সুখে কাল যাপন করিতে পারেন, তবে কেন নিরন্তর যুদ্ধে নিযুক্ত থাকেন? স্বাধীনতা রত্ন রক্ষা করিতে সমর্থ হওয়া বীরপুরুষের কর্তব্য বটে, কিন্তু যথা যুদ্ধে লিপ্ত থাকিয়া

পৃথিবীকে নর-শোণিতে সিক্ত করা কখনই কর্তব্য নয়? নাথ,—আমি আপনাকে উপদেশ দিতেছি না, আমার অন্তর এত দিনের পর চিরসহচর ধৈর্যকে পরিত্যাগ করিয়াছে, তাই আমার আজ শেষ নিবেদন। আমার যেমন কপাল! আপনি আন্তরিক ভালবাসিলেও অসহ্য বিরহ-যন্ত্রণা ভোগ করিতে হইতেছে। যিনি আমার নয়নের অন্তর হইলে কষ্টের সীমা থাকে না, যিনি ব্যতীত আমার অন্য আশ্রয় নাই, তিনি নিরন্তর যুদ্ধ-বিগ্রহে রত! আপনার হৃদয় পাষণাপেক্ষাও কঠিন! কিন্তু আর যে এই অবলা আপনার বিরহ-যন্ত্রণা সহ্য করিবে ইহা একবারও মনে করিবেন না। নাথ!—রণজয় আর বলিতে দিলেন না, তিনি মুখাকৃতির বিভিন্ন ভাব, চক্ষুর বহির্গমনোন্মুখ জল কতক গোপন করিয়া অপেক্ষাকৃত অপরিষ্কৃত স্বরে বলিলেন,—“প্রিয়ে, ইহা নিশ্চয় জেন আমার অন্তর যেমন শত্রুবর্গের কাতরোল্লি-বিমিশ্রিত পরি-ত্রাণ প্রার্থনায় অধিকতর নিষ্ঠুরতা প্রকাশ করে, তেমনি তোমার মলিন বদন দেখিলেই ব্যথিত হয়। ইহা নিশ্চয় জেন তোমার বিরহে আমার অন্তরে এক নিমেষও সুখোদয় হয় না, আমি কি আমার বশীভূত?—কিন্তু এখন বোপ হইতেছে তোমায় বিচ্ছেদ-ক্লেশ আর অধিক দিন সহ্য করিতে হইবে না, তুমি সাহস অবলম্বন কর, আমি এক্ষণে কিছু দিনের জন্য বিদায় লইব।”

পিড়িত অপত্যের সমাচার-প্রাপ্তি ব্যাকুলহৃদয়া রমণী পুত্র নিধন সম্বাদে যেমন স্তম্ভিত হয়েন, আমাদের কুম্মিকাও সেই বিদায় সংবাদে সেই রূপ হইলেন। তাঁহার মুখমণ্ডলে যে একটু উজ্জ্বলতা লক্ষিত হইয়াছিল তাহা অন্তর্হিত হইল, দেহ থরথর কাঁপিয়া উঠিল, স্বীয় প্রাণেশ্বর হস্ত গ্রহণ করিলে, বাস্পাকুলবিষ্কারিত-লোচনে রণজয়ের মুখে দৃষ্টিপাত করিলেন, এবং সাতিশয় কষ্টে অশ্রুট গদগদ স্বরে বলিলেন,—“আমি পূর্বেই বুঝিয়াছি!” রণজয় তাঁহাকে স্বীয় ক্রোড়দেশে বসাইলেন, কুম্মিকার অবশ্য রসনা পুনরায় বলিতে লাগিল;—“আমার কপাল অতি মন্দ, আমার মুখের-স্বপ্ন দুখে শেষ হয়।” তাঁহার নয়ন অজস্র অশ্রু বর্ষণ করিতে লাগিল, কণ্ঠবাস্প বেগে বদ্ধ হইল ও অনেক কষ্টে বলিলেন,—“আচ্ছা, এখনো যুদ্ধতরি সুসজ্জিত হয় নাই, ক্ষণকাল বিশ্রাম করুন, আমি জন্মের মত কিছু বলিয়া লই।”

“প্রিয়ে, আমায় সাহসাদে বিদায় দেও!” তুমি ভীতা হইও না, ইহার প্রবল শত্রু নহে, আমি স্বরায় তোমার প্রণয়রত্ন ভোগ করিব। এই শুন, যুদ্ধ-

যাত্রার সময়সূচক শব্দ হইতেছে, তোমাকে এক্ষণে একাকিনী থাকিতে হইবে না, তোমার স্বামী নিকটে থাকিবে না বটে, কিন্তু নিরন্তর অনুচরবর্গ তোমাকে রক্ষা করিবে, তোমার ভগ্নী, বাৎসল্য-ভাগিনী-চপলা অনবরত নিকটে থাকিবে, আর তোমার সহচরীগণ ভিন্ন কতকগুলি বৃদ্ধা রমণী রাখিয়া যাইব, বাহার নিরন্তর নব নব উপন্যাসে তোমার মনোরঞ্জন করিবে। প্রিয়ে! আমি আর অধিক বিলম্ব করিতে পারি না।” কুম্মিকা কর-লতায় জীবন-বল্লভের গলদেশ বন্ধন করিয়া অনবরত অশ্রু বর্ষণ করিতে লাগিলেন। তাঁহার জড়স্বভাব-প্রাপ্তা রসনা মধো মধো অশ্রুটি কি শব্দ করিল কেহই বুঝিতে পারিল না।

পাঠক মহাশয়! দেখুন বীরপুরুষের হৃদয়ও প্রণয়ে অবিভূত হয়। বোধ হয় রণজয় সিংহ আর যুদ্ধে যাইতে পারিলেন না, রণজয় কুম্মিকার মুখে মুখ দিয়া আছেন, কুম্মিকার সকল শরীর অবশ, রণজয়েরও শরীর কতক অবসন্ন! হঠাৎ কামানের শব্দ হইল, এশব্দে অমরসিংহ সমুদ্র-বান হইতে রণজয় সিংহের আদেশমত সময় জানাইলেন,—পুনরায় বংশীধ্বনি! রণজয় চম্কাইয়া উঠিলেন! তিনি যে কি করিতেছেন এতক্ষণে তাঁহার জ্ঞান হইল। কুম্মিকাকে চুষন করিয়া দৃঢ়বাহু দ্বারা আলিঙ্গন করিলেন। “হৃদয়েশ্বর! এতো অধৈর্য হইও না, বিদায় দাও!” কুম্মিকার বাক্য হত হইয়াছে, তাহা মুখ চিহ্নে স্পষ্ট প্রতীয়মান হইল, তিনি কিছু বলিতে ইচ্ছুক, কিন্তু সামর্থ্য হীন। তাঁহার আলুলায়িত কেশগুচ্ছ রণজয়ের হস্তে স্থাপিত। হঠাৎ বোধ হয়, প্রাণ বায়ু বহির্গত হইয়াছে, কিন্তু অশ্রুনিশ্বাসেও নয়ন বারিধারায় সে সন্দেহ দূরবর্তী। পুনরায় রণতরীতে ভীষণ আগ্নেয়াস্ত্র-ধ্বনি হইল। রণজয় আর অপেক্ষা করিতে পারিলেন না, তিনি পুনঃ পুনঃ আলিঙ্গন করিয়া সেই খটায় কুম্মিকাকে শয়ন করাইলেন, একবার তাঁহার মুখাকৃতি দেখিলেন, এবং মনে করিলেন, এই আমার শেষ দেখা!—ক্রমশঃ তাঁহার স্কন্ধ-স্থাপিত কুম্মিকার অবশ হস্ত অপসারণ করিলেন। পুনরায় যুদ্ধ-পোতের ধ্বনি হইল। রণজয় অস্থির হৃদয়ে প্রেমসীর মুখচুষন করিয়া বাস্প-সেকে তাঁহার নয়ন জল বৃদ্ধি ও কপোল কলঙ্কিত করিয়া অশ্রুট গদগদস্বরে “তবে—বিদায়” এই বলিয়া প্রস্থান করিলেন।

উচিত বটে নাটক ।

পুরুষ ।

সুরেশ চট্টোপাধ্যায়—মহেশের প্রথম জামাতা ।

মথুরানাথ চক্রবর্তী—মহেশের দ্বিতীয় জামাতা ।

মহেশচন্দ্র ঠাকুর—উভয়ের স্বশুর ।

গদাধর ঘোষাল—ঘটক ।

রামচন্দ্র দে

হরিনাথ বন্দ্যোপাধ্যায়

মেজেষ্টার, মোক্তার প্রভৃতি ।

মহেশের
প্রতিবাসী ।

স্ত্রী ।

উজ্জ্বলা—সুরেশের মাতা ।

গোলাপমোহিনী—

মহেশের কন্যা ।

প্রতিবাসিনী প্রভৃতি ।

প্রথম অঙ্ক ।

প্রথম গর্ভাঙ্ক ।

হরিহরপুর । মহেশের বাটীর চণ্ডী মণ্ডপ ।

মহেশ আসীন ।

মহেশ । (স্বগত) আমার আর কি রিয়া হবে? বয়স প্রায় পঞ্চাশ বৎসর উদ্ভীর্ণ হয়েছে! কে আর এদেখে বিয়া দেবে, এমন সংসারটা একেবারে গেল! একটা মেয়ে, তাবতো স্বামী মরেছে কি বেঁচে আছে তাও জানি না! এই এবার চল্লিশ বিঘা আগনের চাষ করেছি, তাতে কিছুই জন্মায়নি, ৫০০ শত টাকা যে পণ দি, তারতো সঙ্গতি দেখি না, মেয়েটাকে অল্প বয়সে ২০০ শত টাকায় বিক্রয় করেছিলাম, তাই এক মুঠা খেতে পাই! হা!—অদৃষ্ট!—যাদের টাকা আছে, তাদের কেন দশটা স্ত্রী মরুক না, নিত্য নূতন বিয়া করুক। তাই যদি আর একটা মেয়ে থাকতো, তবু বিয়াটা হবার সম্ভব!

(গদাধর ঘোষালের প্রবেশ) (দেখিয়া)

মহেশ । তা দাদা আমার এক ভয়, গাঁর লোকে কি বলবে?

গদা । তাতে আর কি? কতলোকের ঘরে কত কাষ হচ্ছে, এই যে ব্রাহ্ম হয়ে লোকে সাত জেতের সঙ্গে আহাৰ ব্যবহার করে তরে যাচ্ছে।

মহেশ । দাদা তুমি বললেই হয়—দেখ দেখিন, যদি এমত সুযোগ হয়, তবে একটা ব্রাহ্মণের ঘর বজায় থাকে, তাতে কিছু বাটা লাগলো হানি কি?

গদা । তার আর কি, আজই আমি ভবানীপুরের পাত্রিটির সঙ্গে বিয়া দিতে পারি, কিন্তু কিছু বাটা চাই, যাহক তোমার যদিও বয়স তত হয় নাই, কিন্তু দেখতে বেশী বয়স বোধ হয় কি না।

মহেশ । দাদা রোগে শোকে তো প্রায় বুড়র মতই হয়েছি! তা আমি একশ টাকা পর্যন্ত খরচ কর্তে পারি?

গদা । তবে আমি আজই যাই,—না, এখন তো ভাই খরচের সুবিধা দেখছি না, বিশেষ আমার আবার কালকের চাউল নাই, তার যোগাড় কর্তে হবে!

মহেশ । তার ভাবনা কি, আমি রাহা খরচ দেব এখন, আর মর্যাই থেকে কিছু ধান লয়ে গেলেই হবে! বলি কি, আপুনি স্নান আহাৰ করে এইখান দিয়ে যাবেন, রাহা খরচ দেব এখন, আর মতির মাকে বল্লেবন, যেন একটা ধামা করে কিছু ধান লয়ে যায়।

গদা । সেই ভাল—

(তৈল ও গমচা হস্তে গোলাপ মোহিনীর প্রবেশ ও রাখিয়া)

গোলাপ । বাবা বেলা হয়েছে, নাইতে যাও।

মহেশ । এই যাই,— (উভয়ের তৈল নাখিতে মাখিতে)

মহেশ । একথা যেন প্রকাশ না হয়, গ্রামের আমি কারো মন্দকারী নহি, কিন্তু অনেকেই আমার মন্দকারী।

গদা । তা আর বলতে হবে কেন? ষত দিন কর্ম সমাধা না হচ্ছে, কাকেও জানতে পার্কেনা, কিন্তু তারা তো এক দিন। (প্রস্থান।)

দ্বিতীয় গর্ভাঙ্ক ।

হরিহরপুর ।

মহেশের বাটীর চণ্ডীমণ্ডপ ।

মহেশ আসীন ।

মহেশ । কেও দাদা!—এস।

গদা । ভাই! কি ভা বহো!—ভাববারও কথা,—গৃহশূন্য—

মহেশ । আর দাদা—আমার মরণ হইলেই বাঁচি ! এই দুঃখ, বংশটা গেল ।
গদা । তা ভাই ! আজ কালকার যে বাজার, পাঁচ শত টাকার কমে তো
একটি মেয়ে মেলে না । তা তোমার যে অবস্থা তাতে যে আর
বিয়াও হয় সুবিধা দেখি না । যদি একটি মেয়ে থাকতো, তবু একটি
যোগাড় হত । সে দিন আমি ঐ ভবানীপুরে গিয়াছিলাম, একটি
দিক্খ সুন্দরী মেয়ে দেখেলাম ; বয়সও প্রায় ১০।১১ হবে, তার একটি
ভাই আছে, তার সঙ্গে পরিবর্ত্ত করে সম্বন্ধ করবার চেষ্টা কর্চে,
আমায়ও বলে । তা ভাই,—যদি তোমার একটি মেয়ে থাকতো তবু
চেষ্টা কর্তাম । (গোলাপ মোহিনীর প্রবেশ ।)

গোলাপ । বাবা ! বেলা হয়েছে, নাইতে যাবেনা ?—আমি মাচের ঝোল
করেছি,—ভাতের তোল কে নামাবে ?

মহেশ । মা !—যাচ্ছি,—একটু তেল আর আমার গামছাখানা এনে দেও !
(গোলাপের প্রস্থান ।)

গদা । মহেশ, গোলাপের স্বামীর কোন সংবাদ পাও ?

মহেশ । না—এই ছবৎসর আর কোন খবর নাই ।

গদা । বাটীতেও লেখেনা ?

মহেশ । না ? তার মা কেবল আছে । বছর দুই হল একবার সন্ধান নিয়া-
ছিলাম—কোন খবর লেখে নাই । আমার বোধ হয় সুরেশ বাঁচে
নাই ।

গদা । তাই বোধ হয় আচ্ছা বলি, এক কর্ম্ম কল্লে হয় না, গোলাপের
তো সেই কবে বিয়ে হয়েছে, কেউ জানে না, আর সে তো তল্লাসও
করে না, ওর সঙ্গে পরিবর্ত্ত করে বিবাহ কল্লে হয় না ?

মহেশ । বিধবার বিয়াও তো শাস্ত্রে আছে, আর টাকা লয়ে কন্যা সম্প্রদান
কল্লে সে বিয়াও মিথ্যা !

গদা । তা হলে কিন্তু আমি এখনি পারি এক শত টাকা আর ব্যয় করি-
লেই একাধি সিদ্ধ হয় ।
দেখতে আসবে । তা বলি কি আমি সঙ্গে করে লয়ে আসব ?

মহেশ । তা আপনি সন্ধ্যা করে আসবেন, অন্য কেউ না টের পায় ! মেয়ে-
টিকে বলব তোমাদের বাড়ি যায় ।

গদা । তা যা হয় হবে । এখন চল, স্নানে যাই, তোমার আবার সকাল
সকাল খাওয়া চাই । (প্রস্থান ।) (ক্রমশঃ)

বড় দিন ।

আজ কাল সহরে এত ধুম কেন ?—সুরাব্যবসায়ীরা আছাদে আস্থান !
“হোটেলওয়ালারা” ব্যতিব্যস্ত !—চারিদিক হইতে মোহিনী কলার আমদানী !
আবার কি দুর্গোৎসব ?—নতুবা ভারতের সকল স্থানে আছাদের ঢেউ কেন !
একি !—পৌষমাসে দুর্গোৎসব ?—কালের গতিক নাকি ? হতে ও পারে ! এখন-
কার সবই বিপরীত ! যাঁরা জাতিভেদ কিছুমাত্র মানেন না, অনায়াসে অভক্ষ্য
ভোজন করেন—তাঁহারা তো হিন্দুদের চুড়ামণি ? না না,—আরে আমাদের
ভ্রান্তি ! এষে বড় দিন, প্রভুশিখরীক্টের জন্ম দিন !—তাই দেখ না সহরের ইংরেজ
পল্লী নানা শোভায় শোভিত !—কৈ—আমাদের শ্রীকৃষ্ণের জন্মদিনে তো
এত ধুম হয় না ? দু একটি বিধবা মাগী কেবল উপোস করে মরে, দু একটি বৈ-
ষ্ণব হরিদ্রার গোলা লয়ে আমোদ করে !—এতো ভাল—খালি খাও—উপোস
নাই, কোন উপাত নাই ! তবে এতে বাঙ্গালির উৎসব কেন ?—এখন কি আর
সহরের বড় মানুষরা হিন্দু আছেন,—কত মজা ! বাগানে যাবেন ! বেশ্যার বাজার
মাঘ কর্কেন !—ফচুকে ছোঁড়াদের তো আরো আমোদ—কমলার রসে মুখমিষ্ট,
ছুরছাই-সুতার কর্কে, সুরেশ্বরীর পূজা কর্কে—সেটা বুঝি ওর অঙ্গ !

আচ্ছা—এখনো হিন্দুরমণীরা অনেকেই তো অভক্ষ্য ভোজন করেন না,
শ্রীকৃষ্ণকে মানেন না, তাঁদের এতে আমোদ কেন ? উত্তর—ওহে আমরা যে পরা-
ধীন, ইংলণ্ডীয়দিগের ক্রীত দাস ! আমাদের এই একটি অবকাশের দিন, আজকাল
সরস্বতী পূজাতেও কলম চালাতে হয়—তবে কি না, এটিতে অবকাশ পাবার
বিলক্ষণ সম্ভাবনা । স্বামী বাটী আসিবেন সেই আছাদে রমণীরা সুখে ভাসুছে ।
কেহ বা সন্তানের মুখ দেখবেন, স্বদেশে গমন কর্কেন, স্বরমণীর প্রণয়রত্ন
উপভোগ কর্কেন, বন্ধুকুলের সহিত সাক্ষাত কর্কেন, মাতার স্নেহগর্ভ বচন
শুনবেন বলে আছাদে মত্ত হচ্ছেন । রেলওয়ে আমাদের মনিব বলেও হয়,
অধম তারণ বলেও হয় ; যে বালক লেখা পড়াকে বাঘ জ্ঞান করে, পিতা মাতার
অবাধ্য—তাঁহারা রেলওয়ের বাবু হন ; তাঁদের মধ্যে ফাঁরা রেলওয়ের আফিসে

কর্ম করেন, তাঁদের এতে আছাদ কেন? না-একবার সাহেবের গুঁতো-হাত এড়াবেন! আর যাঁরা আড়ডায় থাকেন তাঁদের চিরকালই সমান। বিধাতা যেটেরা পূজার দিন তাঁদের কপালে “হতভাগা” অক্ষর কয়েকটি যেন স্পষ্টাক্ষরে লিখে দিয়েছেন। তাঁদের মধ্যে আবার যাঁদের কপালে এককয়েকটি অক্ষর বৃহদক্ষরে লিখিত, তাঁহারা যা কিছু পান বেশ্যার ত্রিচরণে আর সুরেশ্বরীর পূজাতেই ব্যয় করেন। বাটীতে চালে খড় নাই, জননী অম্মের জন্য লালায়িত, (যদি থাকে) পতিপ্রাণা সরল। অহর্নিশি অশ্রুবর্ষণ করিতেছে, কিন্তু তাঁদের আমোদের সীমা নাই—মস্তবাবু! কথা নবাবের মত! আমাদের জন্মাক্ষমীতে যেমন নেড়ানেড়ীদের আমোদ গড়ায় এতেও তেমনি ফিরিঙ্গি বাবু,—না—ফিরিঙ্গি সাহেবদের বড় আমোদ! কলার আন্ধ কর্ণেন, কমলা লেবুর খোলায় দেশ আচ্ছন্ন কর্ণেন, লম্ফে বান্ধে পৃথিবীকে সরার ন্যায় দেখবেন! বলি—আমাদের বিষ্ণুচাকুর কি বুড় হয়েছে?—তিনি কি কানে কম শুন্তে পান?—পৃথিবীর বোদন শোনে নাকি কেন?—এখনো কি কল্কী অবতারের বিলম্ব আছে?

ভারত মাতা ।

আমাদের রত্নগর্ভা ভারতভূমির সহিত অন্য ভূমির তুলনা করিতে গেলে অনেকে অনেক কথা বলিতে পারেন। এখন অনেকেই ভারতভূমিকে আপনাদিগের জন্মস্থান বলিতে লজ্জিত হন,—যদি ইংলণ্ড অর্থ-ব্যয়সাধ্য সুদূর পথ না হইত, তবে আমরা প্রত্যহই ইংরাজি-বিদ্যাভিজ্ঞ শত শত ব্যক্তিকে ভারত-ত্যাগী দেখিতে পাইতাম। কেবল যে বিলাত যাইলে বিদ্যোপার্জন হয়, তাঁহাদিগের তাহা অভিপ্রায় নহে। তাঁহারা এই ভারত মাতার প্রতি চির-কুপিত হইয়া আর এখানে বাস করিতে ইচ্ছুক নহেন।—কেন?—ইহার উত্তর—ভারতের অন্তিমকাল উপস্থিত!

এক কালে সকল জাতির অন্তঃকরণে ভারতভূমি রত্নগর্ভা বলিয়া চির-বিশ্বাস ছিল, তজ্জন্যই ভিন্ন ভূমি স্ব স্ব সকলের ভারত লাভেচ্ছা প্রবল হইয়া উঠিত, কিন্তু ভারত সন্তানদিগের অসাধারণ বীরত্ব ও বুদ্ধি কোশল শ্রবণে কম্পমান হইত। এখনও কি ভারতের রত্নময়ী নাম গিয়াছে? সে নাম কখনই যাইবার নহে, ভিন্নদেশ বাসীরা তাহা বিলক্ষণ অবগত আছেন, তবে ভারত মাতার সহিত

অন্য ভূমির তুলনায় কাহার উৎকর্ষতা হয়? এ প্রশ্নোত্তর প্রদানে লেখনী কম্পিত হইতেছে, কারণ—আমরা আমাদের অন্তরস্থ সকল সঙ্গুকে ভারত হইতে নিঃসারিত করিয়া দিয়া তৎপরিবর্তে দেশের অধঃপাতের কারণ-সমষ্টিকে গ্রহণ করিয়াছি। বীরতা শব্দই এই ভারত হইতে অন্তর্হিত হইয়াছে; তৎপরিবর্তে ভীকৃত। বাক্সমী ভারতবাসীর অন্তরকে মায়াজালে আচ্ছন্ন করিয়া রাখিয়াছে। যে পরাধীনতা শ্রবণে ভারতবাসীর। ক্রোধে অধীর হইত, তাহাই এক্ষণে অলক্ষ্যরূপে গ্রহণ করিতেছে। মাতৃভূমিমাত্রেরই উন্নতি সন্তান দ্বারা সম্ভবিত হয়, সেই সন্তানদিগের ছুরাবস্থা, ভারত আর কতকাল স্বর্গোরব রক্ষা করিবেন?—সুতরাং ভারতের অন্তিমকাল উপস্থিত!

কেন গো ভারত মাতা করিছ রোদন?
কি অভাব হইয়াছে তোমার এখন?
কোন কালে ছিল তব এসব বিভব?
তার বাস্তবাহ বান্ধপরথ মনোযব।
যন্ত্রোদ্ধৃত স্বচ্ছজল কিবা স্বাস্থ্য কর,
যাহে ব্যাধিহীন হল সুচারু সহর।
অপরূপ আলো দেখ পথে পথে কত,
ধনীর গৃহেতে শোভে সূর্য্যকান্ত মত।
ইহাতে তোমার কি গো না উঠিল মন,
বৃদ্ধ কালে সুখ আশা এত কি কারণ?
সন্তানের মুখ দেখি হর্ম যুক্ত নও,
কি কারণে অহর্নিশি কাদিতেছ কও?

ওরে বাছা হীন বুদ্ধি অবোধ সন্তান!
কি দেখিয়া কর তুমি মম সুখ জ্ঞান?
স্বসন্তানগণে এবে হয়ে আমি হারা,
নিরবধি বহিতেছে নেত্রে নীর ধারা।
কোথায় অর্জুন বীর হৃদয় রতন,
কোথায় প্রবীর ভীষ্ম শাস্ত্রনু নন্দন।
কোথায় সে রঘুরাজ বীর চুড়ামণি,
এক ছত্রে যেই মোরে পালিল আপনি।

কোথা ক্ষত্র সূতচয় আমার রক্ষক,
সপত্নী-সন্তান-কুল-দর্প-সংহারক।
আর কে আমারে বল করিবে রক্ষণ?
বৃদ্ধ কালে মান ধর্ম দিনু বিসর্জন!
আমার সন্তান-যশে পূরিত জগত,
কে জানে যে শেষ দশা হইবে এমত।
স্বাধীনতা-রত্ন মম করিল হরণ,
যত্নে রক্ষা না করিল কুসন্তানগণ।
বাহ শোভা হেরি কর আনন্দ অবোধ,
জাননা গিয়েছে সুখ এজন্মের সোধ।
স্বপত্নী সন্তানগণ করিছে পালন,
অহর্নিশি করিতেছে মোরে জ্বালাতন।
আমার সকল ধন করিল হরণ,
দুখেতে ভাসিছে সদা আমার নয়ন।
তবু ওরে নরাধম না দেখ কখন,
বৃদ্ধ কালে মান ধর্ম দিনু বিসর্জন!
'কোহিনুর' পুত্র যবে হল দ্বীপান্তর,
কত যে কাঁদিল-বাছা বিদরি অন্তর।
জন্মের মতন যবে লইল বিদায়,
কত যে কাঁদিল দুখে ধরি মম পায়।

তার। তে। ি। ারে যথা চোরের মতন,
পাড়া মুখে কারিলেনা কতুরে বারণ।
আমার যে পুত্র ছিল কত বীরবর,
বিশ্বাস নাহয় হেরি তোদের অন্তর।
মার্য্য বলি খ্যাত ছিল যাহার সম্ভান,
'দাসত্ব' তাহারা এবে সদা ভাবে মান।
সখীনতা অলঙ্কার করিলি ভূষণ;
ঈ কালে মান ধর্ম দিহু বিসর্জন।
যত্ন করি ভৃত্য হব সদা ভাব মনে,
কি কাষ তোদের তবে বিদ্যাউপার্জনে,
চর প্রচলিত ধর্ম করিয়া হেলন,
চন্দ্রভৃত্য হব বলি বিলাত গমন।
কেন হাস তাহা আমি বুঝিতে না পারি,
আমার গর্ভেতে কেন হেন ছুরাচারী।
কি পাপ করিহু আমি না জানি কারণ,
তোদের সম্ভান রূপে করেছি ধারণ।
মাহসেরে পাঠাইলে জলধির পার,
তার মুখ কখন কি দেখিবরে আর।
দকলি আমার এই কপাল লিখন,
বুদ্ধ কালে মান ধর্ম দিহু বিসর্জন ॥

কারাবানীর খেদ ।

ল্যে ধর্ম উপার্জনে, ত্যজি মায়া গৃহজনে,
সন্ন্যাসী হইনু মনঃ দুখে;
জানে ছিল কপালে, থাকিব রাজার হালে,
পুনঃমগ্ন হব নানা মুখে?
পীণ দড়া কষল, আছিল মম সখল,
তৈজসের মধ্যে এক লোটা;

অমিতাম নানা স্থানে, তীর্থে তীর্থে সাধুজ্ঞানে,
বিশ্রাম আছিল ভূমি লোটা।
গায়ে মাখিতাম ছাই, মুখী ছিনু সর্দদাই,
কত স্থানে হেরি সাধুগণ;
নানা কথা আলাপনে, অমুখী না ছিনু মনে,
রিপুবশ হইনি তখন।
কতু যাই বারণসী, কতু চন্দ্রনাথে বসি,
কতু বৈদ্যনাথে ছিল ডেরা;
সিদ্ধি আশে সিদ্ধিখাই, কতুনাহি ছিল খাঁই,
প্রশংসিত যত সূজনেরা।
ভিক্ষামাত্র ছিল আয়, না পড়িত কোন দায়,
কি দুর্ভিক্ষ শেষে এক স্থানে!
শুনিয়া জাগ্রক শিব, করিতে আপন শিব,
আনন্দে যাইনু ভক্তি জ্ঞানে।
তথাকার কর্ত্তা যিনি, কি ক্ষণে হেরিয়া তিনি,
আদরে দিলেন থাকিবারে;
দেখি মম শুদ্ধাচার, সদা সেরা করি তাঁর,
চেলা করিলেন গো আমারে।
ক্রমশঃ হইনু প্রিয়, সংযত করি ইন্দ্রিয়,
পুত্র সম ছিলাম তাঁহার;
কে জানে এই কপালে, ঘটবে যে সেইকালে,
নানা ভোগ সমান রাজার!
কালবশে সদাশয়, পাশিলেন স্বর্গালয়,
তাঁর পদে হই অধিকারী,
না ছিল মুখের লেশ, না ঘটিল কতু ক্লেশ,
যদি থাকিতাম শুদ্ধাচারী।
দুরাচার রিপুচয়ে, ক্রমেতে প্রবল হয়ে,
দেখাইল আশু সুখ ধাম।
করিতে রিপু তোষণ, করি কত আয়োজন,
না ভাবিয়া এই পরিণাম।

প্রত্যহ সে দেবালয়ে, সুন্দরী অবলাচয়ে, শেষেতে হলে বিচার, গেল সব অধিকার,
ধর্ম আশে করে আগমন, হল বাস অধুনা শ্রীঘর।
তাহা হেরি কামে মত্ত, না ভাবিয়া ধর্ম তত্ত্ব, পশুবাণ ঘানিটানি, তাহে নাহি দুখ মানি,
তাহাদের প্রতি হল মন। কতলোক আসে দেখিবারে,
কত করিতাম রঙ্গ, কত রমণীর সঙ্গ, মন্দ হইলে সময়, সকলেই কটু কয়,
শেষে এক অবলা সরলা, মম দুখ বলিব বা কারে।
নয়নে লাগিল মম, গেল সকল সরম, ওরে কাম দুরাচার, একি তোর ব্যবহার,
সেই কথা নাহি যায় বলা। কি নাকাল কবিলি আমার,
বরি দূতীপদে তায়, এক নষ্টা কুলটায়, ছিনু আমি রাজহালে, কি হইল শেষ কালে,
ধনে তার পিতারে ভূষিয়া, অনুক্ষণ করে মার মার।
করিলাম অর্থ বলে, আর কতেক কৌশলে, টানি ঘানি সর্দক্ষণ, স্থির করিলে চরণ,
ধর্ম নষ্ট মম তুষ্ট হিয়া। তখনি পিঠেতে পড়ে ঘা,
হায়রে অবলা বালা, সহিল কতেক জ্বালা, বমি করে প্রাণ যায়, কি করিব হায় হায়,
করিল কতেক অনুযোগ, দাড়াতে না দেয় এক পা!
সতী ধর্ম নাশ পাপে, মহেশ রুষিয়া তাপে, এই কর্ম মম ভার, দেখি শেষে দিল ভার,
আমারে দিলেন কষ্ট ভোগ। আনিবারে কলসীতে জল,
তার স্বামী রৌষতরে, অবলারে নষ্ট করে, করিলাম প্রাণপণ, করে কলসী পূরণ,
ভারত কুপিল মম প্রতি, আনিতে না হল মম বল।
করি কত ব্যয় অর্থ, সকলি হইল ব্যর্থ, আরো কি আছে কপালে, মৃত্যু হবে কতকালে,
অতি ক্ষুদ্রতর ধর্মগতি! কি কটন আমারি জীবন,
কত জনে কত কয়, সব সহ্য এবে হয়, যাহা স্বপ্নে দেখি নাই, শেষেতে ঘটিল তাই,
ধন্য ওরে পাপিষ্ঠ অন্তর! বেঁচে আর কিবা প্রয়োজন!!

শ্রীবীরঙ্গনা কাব্যোত্তর কাব্য ।

প্রথম সর্গ ।

শকুন্তলার প্রতি দৃষ্ণন্ত ।

[কবিবর মাইকেল মধুসূদন দত্ত প্রণীত শ্রীবীরঙ্গনা কাব্যে শকুন্তলা-
পত্রিকা নাম প্রথম সর্গে দৃষ্ণন্ত ভূপতি প্রতি মূনি-পুত্র হস্তে শকুন্তলা যে পত্র

লিখিয়া ছিলেন, মহারাজ দুয়ান্ত দুর্দাশা শাপে সমস্ত পূর্ব বৃত্তান্ত বিস্মরণ
হইয়া নিম্নলিখিত তৎপ্রত্যুত্তর পত্রিকা প্রেরণ করিয়াছিলেন। যদিচ
পুরাণাদিতে বা অভিজ্ঞান-শকুন্তল নাটকে বর্ণিত আছে, “মহামুনি কণ্ঠ
তপোবলে সমস্ত বৃত্তান্ত সবিশেষ অবগত হইয়া গৌতমীকে ও মুনিকুমার-
দ্বয়কে সঙ্গে দিয়া শকুন্তলাকে নৃপ সন্নিধানে পাঠাইয়া দেন ইত্যাদি” পত্রিকা
দ্বারা পরম্পরের মনের ভাব ব্যক্ত করার কোন চিকুই পাওয়া যায় না, তাহা
সকলেই জ্ঞাত আছেন; কিন্তু মহাকবি * অলঙ্কারের—

“লেখ্যপ্রস্তাপনৈঃ স্নিকৈর্বাঙ্কিতৈ মূহুভাষিতৈঃ ।

দূতীসংপ্রেষণৈ নার্যা ভাবাভিব্যক্তি রিষ্যতে ॥”

এই বচনের প্রতি লক্ষ্য করিয়া কল্পনাভূষিত নূতন কাব্য রচনা করিয়া-
ছেন, তাহাতে যে রূপ চিত্তমনোহারিণী রচনা হইয়াছে, তাহার লেশও
এনব লেখনী হইতে নির্গত হইবার সম্ভাবনা নাই। তথাপি সেই গ্রন্থের প্রতি
নির্ভর করিয়াই শকুন্তলা রাজ সন্নিধানে যে রূপ অপমানিতা হইয়াছিলেন,
সেই ভাবেই প্রত্যুত্তর লেখা হইল ॥

অবদাত-পদ্মাসনা-নারায়ণ বাঙা—
বাগ্‌দেবী-বৈকুণ্ঠেশ্বরী, রসমাক্রাসনে
উরি পূরাহ কামনা! ইচ্ছা করিয়াছি
উষ্টিব কাব্যপ্রাসাদে, তোমার প্রসাদে
মাতঃ! মধুর নির্মিত সুশোভিত নব
সোপান মার্গেতে, যথা বহুমূল্য দ্রু
মণি, হীরা দিয়া ছেদ করি তাহা দিয়া
সুতা অমায়াসে দেয়, তথা মুকটিন
কাব্য বিরচনে, মধু-কবি-প্রদর্শিত
পথে প্রবেশিব। আরো এসাহস আছে
মনে, সাধুনরগণ তেজি দোষ, গুণ
করে গ্রহণ স্বর্পরৎ, কিন্তু অসাধুরা

বটে তিতউর মত, অসারাংশ লয়।
তাহে নাহি ডরি, যারা কাব্য মেঘনাদ
বধে, ধরে দোষ, তার বাক্যে রোষ কিবা
করে কবিকুল-গুরু-মধু? “রঘু রপি
কাব্যং তদপিচ পাঠ্যং” বলিয়াছে খল
তাহা বলি মহাকাব্য রঘু-কিণো কাব্য—
শ্রেষ্ঠ নয়? এবে মাতঃ! তব দয়া পুত্র
কাব্য-মধু-কোষকর মক্ষিকা যে মধু
তাঁর কাছে সবিনয়ে মাগি পরিহার,
সেই কোষ হতে আমি পিপীলিকা হয়ে
লোভে মস্ত পিতে এবে যত্ন করিতেছি।

* কবিরূপে আমাদিগের এই কাব্য দেখান হইয়াছিল, তাহাতে তিনি
উৎসাহ দিয়া ইহা প্রচারে অনুমতি করায় আমরা সাধারণের সমীপে প্রকাশ
করিতে বাধ্য হইলাম, দুঃখের বিষয় এই যে তিনি এসময় জীবিত নাই।

কিভাবে লিখেছি লিপি ধন্যতব আশা!
কুলটার রীতি কত বোঝা নাহি যায়,
নানা ছাঁদে কয় কথা, চির প্রনয়িনী
যেন। তুমি মুনিবালা কেমনে একথা
লিখিলে না বুঝি; ধন্য, হরিণী সিংহেরে
চাহে করিতে বরণ! কতকি সম্ভবে
হইয়ে বনবাসিনী লভিবারে পতি
রাজা? চন্দ্রবংশে জন্ম মম; অন্য রাজা
বটে, স্মর-শর-বশে পরদারে নাহি
করে ভয়। কিবা কথা লিখিয়াছ হয়ে
প্রণয়ের দাসী। জানি হইবে এরূপ
চরিত্র তব (ভূতজ্ঞ মুনিকুল হন)
পিতামাতা কন্যা-স্নেহ হয়ে বিস্মরণ
তেজেছিল বনে, কেন তাঁহাদের দোষ
মিথ্যা দোষে? নাহি জান চন্দ্রবংশোদ্ভব
দুয়ান্ত কুলটা নারী নাশে অসি ধারে?
কি সাহসে হেন বাণী ইহারে লিখিলে?
তোরে কি আর কহিব, কুল কলঙ্কিনী
তুই। জিজ্ঞাসিয়া আজি গুনিলাম তোর
পরিচয়; জন্ম তব নটীর গর্ভেতে,
তাই মাতৃসম রীতি। মুনিবর কণ্ঠ
যদ্যপিও পুসেছেন তোরে, কিন্তু হিংস্র
ব্যাক্ত্রিশিঙ, লোকালয়ে যদি পালে কেহ,
সেকি কতু হিংস্রতাকে ছাড়ে? জাতিসম
তাই ও চরিত্র। তুকে! ভুবিবারে আশা
তব চন্দ্রবংশ ভূপে? ধন্য দীর্ঘ আশা!!
ছলিবে কি এই ইচ্ছা মদন সহায়ে?
সে মদন একবার হরকোপে হয়ে
ভস্ম, চিনেছে পুরুষে, জানে মৌর আছে

দম নিক্ষেপিত খড়্গ। পুষ্পশরে সেবা
কি করিতে পারে? ধৈর্যরূপ বর্মের ঢাকা
আমার শরীর। বলি মুনির পালিত
তোরে ক্ষমিলাম এবে, আর নারীজাতি
বধে পাপ ভয় বলি, বলি নাহি দিনু
এ কোদণ্ডে মম আজি। চাতুরি করো না
কতু আর, ক্ষমিলাম এবার তোমায়।
প্রাণনাথ বলি তব সম্বোধিতে মোরে
নাহি হল ব্রীড়া? এই ব্যবসা তোদের,
লজ্জা কিবা তায়। হায়, পবিত্র সতীত্ব
কারে বলে, তার রস নাহি পিলি তোরা।
ইচ্ছা সদা, যথা গাভী প্রতি দিন নব
নব তৃণ খাইবার আশে ভ্রমে, তথা
নব নব পুরুষেরে দিবি ও যৌবন
ডালী, কিন্তু সে পুরুষ এ দুয়ান্ত নয়;
সদা ভ্রমরের মত নাহি পুষ্প-মধু
করে অন্বেষণ, তাহা তাবি মন আশা
হও বিস্মরণ; যথা লম্পট যুবক
তথা কর বাস সদা, যারা সতী নারী
প্রেমরস তার জানে, ধর্ম করে ভয়,
দম অস্ত্র শোভে সদা, মানস মাঝারে,
তাদের নিকটে নাহি করিও গমন।
অনমুয়া প্রিয়বদা ভাল তুই সখী
পাইয়াছ তুমি, তারা বুঝি তব মত
হবে, তাই সাক্ষী রাখি করিছ চলনা।
অনমুয়া প্রিয়বদা এনাম কর্ণেতে
নাহি কতু জন্মাবধি গুনিয়াছি আমি।
আমি কি কামের বশ? তাই হেরে তব
কমল বদন, হব প্রণয়ের দাস!

ধিকরে তোরে, ছল করি লিখিয়াছ যেন
যথার্থ সকলি, তব সহ করিলাম
গাঙ্ক্ষ্য বিবাহ! কিন্তু বিশ্বাসিবে কেবা
এই কথা? জন্ম মম রাজ্যমি কুলে।
নাহি বলি মুনিবর কণ্ঠে বরিলাম—
এই কথা লিখিবারে নাহি হল ভয়?
কন্যা হয় পিতৃ বশ, আপনি যুবারে
হেরে সুন্দর শরীর বরমাল্য দিল,—
সতত্ৰা তেজিয়া লজ্জা বরিলেক ভূপে
হয়ে কামের অধীনা; নারী জাতি হায়,
এষে হাস্যান্দাদ কথা! সাধু কুলোদ্ভবা
হলে বটে, কিন্তু যারা বারাদনা জাতি,
তাদের দেখিয়া সজ্জা, লজ্জা অচিরেতে
পলায় নিশ্চয়। আর্য্য কুল কলুষিতে
পশিয়াছ তপোবনে? নির্লজ্জে ধিক তোরে!
পাপ কথা লিখিবারে কেমনে লেখনী
ধরিলি হস্তে, প্রকৃতি সংশোধন নাহি
হল কিছু কুলটার, থেকে জন্মাবধি
মুনিকুলে, করিতেছ ছল নানা, দিতে
জলাঞ্জলি সাধুকুলে! দুষীকরে সখী
তব মোরে, কিবা দোষ মম, কহিবে কি
তারা বিতথ বচন তবসখী বলি?
মিথ্যা বাক্যে মহা পাপ এই কথা সদা,
রেখ মনে। বৃথা আর ছল কথা বলি
দুখনা দুয়ান্ত ভূপে, করিবে বিশ্বাস।
নাহি এই কথা কেহ; কেবল হইবে
ভুমি কলুষিত। কণ্ঠ মুনি-শ্রেষ্ঠ এই
কথা করিলে শ্রবণ, তোরে করিবেন
অপমান, সত্য জেন; ধ্যান বলে তাঁরা
সর্বজ্ঞ হন। বিতথ বাক্য পাপাকর
শুনিলে কাহার নাহি হয় ক্রোধ বল?

মুনিকুল ক্রোধী হ'লে সর্ব দক্ষ হয়,
যথা স্বর্গকান্তমনি, শীতল স্পর্শেতে,
কিন্তু ভাস্কর ময়ূখে, দক্ষকরে তৃণ।

শকুন্তলা-এই নাম করিলে শ্রবণ
হয় পাপ, পাপবুদ্ধি তব হেরিতেছি।
রেকুলটে, রে হুর্কিত! এতরাশা মনে,
কখন করনা আর; এষে যথা পশু
বিহঙ্গম সম হায়, ইচ্ছে উড়িবারে
গগণ মার্গেতে! তাকি কখন সম্ভবে?
অসম্ভব আশা!! হবে পৌরব গৌরব
হীন তোরও কটাক্ষশরে? দুরাশয়ে,—
জগতে অভিমানিনী তোরা যার বলে!

কতু লিখনা লিখন, প্রণয়ের আর
করিয়ে ছলনা মোরে; তাহে পাবে কষ্ট
বহুতর, তুমি মনে রেখ এই কথা;—
এই করে নিক্ষেপিত অসি, যাহে ডরে
ক্ষত্রিয় নিচয়, জেন দুয়ান্ত নৃপতি
যথা শাস্ত, তথা হয় ভয়ানক রূপ,
যেমতি সিদ্ধিতে থাকে মুক্তা, কিন্তু তাহে
করে বাস নক্রে আদি ভয়ানক প্রাণী।
অপত্যও হলে দোষী ত্যজেয়ে যেমতি
অঙ্গুলি উরগক্ষতা। নাহি জানি মম
চরিত্র তুমি লিখেছ লিবি, তাই আমি
ক্ষমিলাম এবে, আর নাহিক ক্ষমিব।

আর কি লিখিব, দুষ্টে, মন্দ বুদ্ধি ত্যাজ
তাহা হ'লে মুনিবালা পূজিতা জগতে!
এই প্রণয়ের পুষ্প করিয়ে চয়ন,
গাঁথিয়া মালা, আগারে পুনঃ উপহার
দিলে, পাবে ঘোর শাস্তি জানিবে নিশ্চয়।
ইতি শ্রীবীরাদনা কাব্যোক্তর কাব্য শকু-
ন্তলা পত্রিকোক্তর নাম প্রথম সর্গ।

কাঁচরাপাড়া পুকাশিকা।

মাসিক পত্রিকা।

“নির্মলসরাঃ স্মৃতিনঃ খলুযে বিবিচ্য, কণ্ঠে গুণস্য কণমপ্যবতংসয়ন্তি।
সেবাং মনো ন রমতে পরদোষবাদে, তে কেচিদেব বিরলা ভূবি সঞ্চরন্তি ॥”

১ম ভাগ।

১৮৮০ সাল—মাঘ।

৩য় সংখ্যা।

কুসুমিকা।



প্রণয়ে কি না হয়?

তৃতীয় পরিচ্ছেদ।

যুদ্ধোৎসোগ—কুসুম-মালা বিসর্জন।

কুসুমিকার এখনো চৈতন্য নাই, নয়ন মুদ্রিত ও বাস্পবেগোদ্ভাসিত! হস্ত
অযত্নে সংস্থাপিত! কেশ-পাশ শয্যা-ব্যাপ্ত! হঠাৎ তাঁহার হস্তদ্বয় উদ্ধগামী
হইল, বোধ হয় প্রাণেশ্বরশ্রয়ই তাহার উদ্দেশ্য; কিন্তু পাষণ হৃদয় রণজয়
কোথায়? তাঁহার নয়ন উন্মীলিত হইল। দেখিলেন,—জীবনবল্লভ তথায় নাই।
তিনি সঙ্কল্প শরীরে উঠিলেন, গবাক্ষ নিকটে গেলেন, দেখেন,—রণজয় বক্র-গ্রীব
দ্রুতপদ অশ্বে সমুদ্রমুখে যাইতেছেন; রণজয়ের চক্ষু কুসুমিকার প্রতি পড়িল,
তিনি সতৃষ্ণ দৃষ্টি কষ্টে ফিরাইলেন,—আর দেখিলেন না। কুসুমিকার নিস্পন্দ নয়ন
রণজয়ের দিকে রহিয়াছে, কিন্তু আর দেখা যায় না। রণজয় বক্রপথে চলিলেন।
তখন একবার মুখ ফিরাইয়াছিলেন বটে, কিন্তু কুসুমিকা দর্শন ঘটিল না।

রণজয়ের অসামান্য ধৈর্য্যতার আশ্রয় সমক্ষে এই প্রথম পরিচয়; তাঁহার সেই
মলিন মুখ গম্ভীর ভাব ধারণ করিল, মুখে উৎসাহ, সাহস প্রভৃতি ক্রীড়া করিতে
লাগিল। এই তো বীর-পুরুষের চিহ্ন! কে দেখিলে বুঝিবে যে তাঁহার অন্তর
হুর্কিসহ বিরহ যাতনায় কাতর? তিনি সমুদ্র-যানের নিকটবর্তী হইয়া দেখি-
লেন,—সকলই প্রস্তুত। তাঁহাকে দেখিয়া সকলে মস্তকানমত করিল; তিনিও নম্রতা

দেখাইলেন; রণ-তরীতে পৌঁছবার জন্য একখানি ক্ষুদ্রতরী আরোহণ করিলেন এবং রণতরী অভ্যন্তরে প্রবেশ করিয়া কি লিখিয়া সম্মুখস্থ সমর সিংহকে বলিলেন—“শৈলেশ্বর কোথায়?—আহ্বান কর।” সমর নিকটস্থ দূতকে ইঙ্গিত করিলে সে আশু শৈলেশ্বরকে সঙ্গে করিয়া আসিল। শৈলেশ্বর মস্তকাবনত করিয়া অভিবাদন করিলেন, রণজয় মিত্র ভাবে তাঁহার হস্তে লিখিত অনুমতি পত্র দিলেন, এবং বলিলেন—“শৈলেশ! এই পত্রের মর্ম্মাবগত হইয়া যথা-কর্তব্য কার্য্য সতর্ক সম্পাদন করিবে, বীর সিংহের রক্ষিত তরী পৌঁছিলে তাঁহাকে এই পত্র দেখাইবে, এবং আমার আবাসে দ্বিগুণ রক্ষক নিযুক্ত করিবে, যদি বায়ু অনুকূল হয়, তবে আমি তিন দিবসের মধ্যেই পৌঁছিব,—এই তিন দিন সতর্কতার সহিত দ্বীপ রক্ষা করিবে, দেখ যেন রাজপুত্রকুলে কলঙ্ক না হয়। আর সময় নাই, ক্ষুদ্রতরী আরোহণ কর, দ্বীপের রক্ষা কার্য্যে আশু যত্নবান্ হও।” শৈলেশ্বর মস্তকাবনত করিয়া—“যথা অনুমতি” বাক্যে বিদায় লইলেন।

রণজয় নিকটস্থ পারিষদবর্গকে আপনার রণপরিচ্ছেদ আনিতে বলিলেন,—অনুজ্ঞা-মাত্র সম্মুখে উপস্থিত। যুদ্ধ বেশে আবৃত হইলেন এবং সগম্ভীরে বলিলেন—“সব প্রস্তুত?” “আজ্ঞামত দাস সকলই প্রস্তুত করিয়াছে”—এই কথা সমর সিংহ বলিলে রণজয় তরী চালাইতে আদেশ করিলেন। শেষ বিদায়স্থচক ভীষণ আগ্নেয়াস্ত্রধ্বনি হইল। রণজয় এই সময় একবার অধৈর্য্য হইবার মত হইয়াছিলেন, কিন্তু সে ভাব গোপন করিবার জন্য একটি ক্ষুদ্র কুটীরে প্রবেশ করিলেন। বহুকষ্টে ক্ষণ-কালেই আন্তরিক ভাব গোপন করিয়া সমর সিংহকে আহ্বান করিলেন। সমর সিংহ মস্তকাবনত করিয়া নিকটে উপস্থিত। রণজয় তাঁহার সহিত যুদ্ধ বিষয়ক পরামর্শ করিতে লাগিলেন। এদিকে প্রতিকূল বায়ু সেই অর্ণবপোতকে দ্রুতগামী করিল। সমুদ্রের ভীষণ তরঙ্গমালা বিদারিত করিয়া রজনী প্রভাত হইতে না হইতেই নির্দিষ্ট স্থানে সমরতরী পৌঁছিল। রণজয়ের শত্রু সায়েদরাজ কোরা নামক উপসাগর—তটস্থ কোরা নগরে বাস করিতেছিলেন, সেই নগরের অদূরে গ্যালো নামক অন্তরীপ,—অন্তরীপটি এমনি উচ্চ যে রণজয়ের রণতরী তাহার পাশ্বে অলক্ষিত ভাবে রহিল। রণজয়ের আদেশ ক্রমে সমরসিংহ বিপক্ষের রণতরীর সংখ্যা গণনা করিয়া দেখিলেন। বিপক্ষের রণতরীর দ্বারা সুস্পষ্ট অনুমিত হয়, সায়েদরাজের সৈন্য রণজয়ের সৈন্যাপেক্ষা বহুগুণে অধিক; কিন্তু রণজয় অসমসাহসী, তাহাতে তাঁহার কিছুমাত্র ভয় লক্ষিত হইল না। প্রধান প্রধান সৈনিক পুরুষদিগকে একত্র সমবেত করিয়া যুদ্ধের উপদেশ দিতে লাগিলেন; সকলে তাঁহার পরামর্শে দৃঢ়প্রতিজ্ঞ হইলে তিনি একটি গুপ্ত

কুটীরে প্রবেশ করিলেন। তখন তাঁহার অন্তর পুনরায় একবার প্রণয়িনীর নিকট যাইবার জন্য ব্যগ্র হইল,—স্বীয় নির্দয়তার আক্ষেপ করিতে লাগিলেন। কিন্তু পরক্ষণেই—যুদ্ধে প্রণয়!—এই ভাব অন্তরে উদ্ভিত হইলে তিনি সদীর্ঘ নিশ্বাসে বলিলেন—“প্রণয়িনি! তুমি যাকে আশ্রয় করেছিলে, সেই নিষ্ঠুর আজ তোমায় পরিত্যাগ করিল। যদি কখন রণজয়ী হই, তবেই তোমাকে আবার অন্তরে আনিব, এখন প্রেমময় নিষ্ঠুরাশ্রয়—কুসুমমালা—সিদ্ধন !!

চতুর্থ পরিচ্ছেদ।

চপলা—হৃদয় তুমি কার ?

আমাদের কুসুমকোমলা কুসুমিকা কোথায়?—তিনি কি জীবিতা আছেন? পাঠক মহাশয়। তাঁহাকে যে অবস্থায় রাখিয়া আসিয়াছেন, তাহা কি আপনার নির্দয়তার কার্য্য হয় নাই? আপনার সমক্ষে এক জন রমণী মৃত্যুপ্রায়া, আপনি অনায়াসে রাখিয়া আসিলেন!—একি আপনার কাপুরুষতা নহে?—হাঁ, আমাদিগকেও আপনার সহচর বলিতেছেন? কিন্তু আমাদিগেরই বা দোষ কি, আপনারই বা দোষ কি? যাহার কুসুমমালা তিনি যদি নির্দয়তা করিলেন আমরা আর কি বলিয়া প্রবোধ দিব? এখন চলুন একবার দেখিয়া আসি, সরলা অবলা পতিপ্রাণা কুসুমিকা কিরূপ আছেন!—বীরপত্নী ধৈর্য্যাবরণে মনের ভাব আবরণ করিতে পারিয়াছেন কি না! একে? এই কি কুসুমিকা? এক দিবসে এ অবস্থা ঘটয়াছে!—নির্ম্মল প্রেমে কি না হয়? আহা, আলুলায়িত কুন্তল! মুখ সূর্য্যকর-তপ্ত ছিন্ন প্রস্ফুটিত কমলের ন্যায়! চক্ষু অনবরত জনধারায় উদ্ভাসিত,—আরক্ত—বিস্ফারিত! পক্ষ্ম নিম্নে কৃষ্ণরেখা! হস্তোপরি গণ্ড সংস্থাপিত! এই এক দিনে বোধহয় কুসুমিকার বয়স প্রৌঢ়াবস্থায় পরিণত হইয়াছে! দুইজন মধ্য বয়স্থা রমণী ও এক জন নবীন কুসুমিকার নিকট উপবেশন করিয়া রহিয়াছে,—এরা বোধ হয় পরিচারিকা হবে!

প্রথম দ্বিতীয়কে সম্বোধন করিয়া বলিলেন,—“জয়াবতি, আমরা আর কি বলিব! সমস্ত দিন রাত গেল, মুখে একটু জলও দিলেন না! এতে আর কি শরীর বয়? তা ভাই, এতো কি ভাল? কত লোকের স্বামী যে চিরকাল বিদেশে থাকে, বৎসরান্তে একবার আসে তো ঢের! তারাও কি এই রকম করে?” দ্বিতীয় তদুত্তরে বলিলেন, “দিদি, দেখে শুনে আবাক হয়েছি, আমি তো ভাই বাপের পুরুষেও কখন এমন শুনিনি!” কুসুমিকা বিরক্ত স্বরে বলিলেন,—“তোমরা এখন যাও!” তাহার বলিল—“বলি উঠবেন না, থাকবেনও না?”—“এখনও বিলম্ব আছে,” এই উত্তর শুনিয়া পুত্রায় সবিনয় স্বরে বলিল,—“এমনি করে কি শরীরটা নষ্ট কর্বে! আর কি

বেলা আছে?—কালথেকেতো মুখে জল দিলেন না!”—“এখন তোমরা যাও।”
পুনরায় কুমুমিকার এই কথা শুনিয়া দ্বিরুক্তি না করিয়া তাহার। চলে যায়, কুমুমিকা তৃতীয়াটির দিকে দৃষ্টি নিষ্ক্ষেপ করিয়া বলিলেন,—“চপলা, তুমি বস!”

পাঠক মহাশয়, মনে রাখিবেন, তৃতীয়াটির নাম চপলা। চপলার সহিত আপনাদিগের অনেকবার সাক্ষাত হইবার সম্ভব,—রাজয় ইহারই নাম উল্লেখ করিয়াছিলেন। চপলা এক জন রাজপুত্র বংশীয় প্রধান লোকের কন্যা, বাল্য কালে তাঁহার পিতা মাতা পরলোক প্রাপ্তি হওয়ায় রাজয় পালন করেন, কুমুমিকা তাঁহাকে সোদরা ভগ্নীর ন্যায় জ্ঞান করিতেন, চপলাও নিরন্তর কুমুমিকার নিকট থাকিত। চপলা অতি সুরসিকা! তাঁহার স্বভাব নিরন্তর কোঁতুক প্রিয়! যদি এই দুঃখের সময়ে চপলার সহিত সাক্ষাত না হইত, তবে চপলার কথা শুনিয়া কত সন্তুষ্ট হইতেন! আমাদের কপাল, সুসময়ে সাক্ষাত করাতে পারিলাম না, আপনাদেরও কপাল! চপলা অতি চঞ্চল; যদি চপলার রূপ শুনিতে চাহেন,—শুনুন। চপলার মূর্তি দেখিলেই ভালবাসিতে ইচ্ছা করে। আপনি যদি আপনার স্ত্রীকে ভালবাসেন, তবে এই বলিলেই যথেষ্ট হইবে, চপলা আপনার স্ত্রীর ন্যায় সুন্দরী!—কিন্তু সে কথা আমরা বলিতে পারি না, কারণ আপনার স্ত্রী যদি কুৎসিতা হন, আমাদের চপলা তো সে রূপ নন, কেন না কুৎসিতা স্ত্রী যেমন আপনার নয়নানন্দদায়িনী, তেমতি অন্যের ঘৃণা ভাগিনী, আমাদের চপলা সেরূপ নন! একবার আমাদের সঙ্গে আসুন চপলার রূপ খানি দেখাই!

চপলা সুন্দরী!—পরমাসুন্দরী নয়, কোমল—কমল-নিভ বর্ণ নয়, তদপেক্ষা কিছু মলিন, সচরাচর যাহাকে উজ্জ্বল শ্যামবর্ণ বলে! কিন্তু বর্ণ স্নেহ মাখান! গঠন মুকোমল, একহারার অপেক্ষা কিছু স্থূল, সকল অস্থিই মাংসাস্থাদিত, মুখখানি সতত হাঁসি হাঁসি! অধরোষ্ঠ পাতলা, রক্তবর্ণ—স্বভাবতঃই যেন রক্তবর্ণে রঞ্জিত, কপোলটি পুরস্কৃত, কিন্তু “টেবো গালি” নয়! চক্ষু দুটি সচঞ্চল—সুদীর্ঘ! দৃষ্টি কামরসোদীপকও সতৃষ্ণ, চক্ষুর মধ্যস্থ শিরা সমূহ আরক্ত! ক্রম যেন চিত্র করা, পল্লব দুখানি সূক্ষ্ম পক্ষ্মরাজি সমবিন্যস্ত—সতত অস্থির! নাসিকা মুখের মানান সহ—ক্রমোন্নত—টিকল, অথচ বোধ হয় অস্থিশূন্য, মাঝখানে একটি নলক!—হেল্ছে!—দুল্ছে! মুখের শোভা দ্বিগুণ বদ্ধিত কছে!—কপোল ক্ষুদ্রায়তন!—দীর্ঘকেশ পদ গুল্ফ স্পর্শী, ঘনকৃষ্ণবর্ণ! কর্ণ ক্ষুদ্র, অবতংশ ভরে ঈষৎনমিত! গ্রীবা সুগোল—ক্রমশঃ স্থূল! স্তন দুটি যে “মনি-মেণ্টের” মত উচ্চ, তানয়!—এখনও সম্পূর্ণ বদ্ধিত হয় নাই বটে, কিন্তু সম্পূর্ণ বদ্ধিত হইলে বোধ হয় নাসিকার সহিত সাক্ষাত করিয়াই ক্ষান্ত হইবে,—ক্রমোন্নত, মুকটিন,—এইখানেই বিধাতা আর কোমলতা রক্ষা করিতে পারেন নাই, তন্নিম্নে তিনটি রেখা;

কটিদেশ অতি ক্ষীণ, তা বলে যে বোলুতার ন্যায়, তা নয়! নিতম্ব স্থূলাঙ্গিনীর ন্যায়, বোধ হয়, বিধাতা গঠিবার সময় যা মূর্ত্তিকা শেষ ছিল সকল গুলিই নিতম্বে রেখেছেন! অঙ্গুলি ক্ষুদ্র ক্ষুদ্র,—হস্ত পদ প্রকৃত সুন্দরীর ন্যায় বলিলেই বর্ণন শেষ হয়! প্রিয় পাঠক, দেখুন দেখি, এ মূর্ত্তিখানি মনোমত হয় কি না! বর্ণ কোমল—কমল-নিভ নয় বলে যদি মনোমত না হয়, তবে আমরা নাচার, কিন্তু যদি আপনি ভাবুক হন,—একবার হৃদয়ে কম্পনার সহযোগে এই মূর্ত্তিখানি চিত্র করুন; দেখুন আপনার চিত্রপাঠ হতে অন্তর হয় কি না।

চপলা কুমুমিকার নিকট উপবেশন করিলেন। কুমুমিকা চপলাকে সম্বোধন করিয়া দীর্ঘ নিশ্বাস ত্যাগ করতঃ বলিলেন,—“চপলে, আমি অনেক কাল হতে কষ্ট পাচ্ছি বটে, কিন্তু আমার মন এরূপ কখন হয় নাই!” চপলা বলিলেন,—“দিদি,—স্ত্রীলোকের অতো অধৈর্য্য হওয়া ভাল নয়, তাতে তিনি তো বোলে গিয়েছেন, এবার তিন দিনের মধ্যেই আসবেন!” “হাঁ বটে, কিন্তু আমার মন, নিয়তই অমঙ্গলাশঙ্কা কচ্ছে” কুমুমিকার মুখে এই কথা শুনে চপলা সবিময়ে বলিলেন,—“দিদি, লোকের স্বভাবই এই নিরন্তর আত্মীয়ের অমঙ্গল আশঙ্কা করে! দিদি, বেলা যায়, এখনও আপনি আহার করিলেন না, এতে শরীর থাকবে কেন?” কুমুমিকা তদুত্তরে কহিলেন,—“চপলে, আর আমার এ শরীরে কাষ কি? যদি চিরকালই এরূপ বিরহ যাতনা সহ্য কর্তে হইল, যদি তিনি ভালবেসে আমাকে ভালবাসা দেখাতে না পারেন, তবে আর বাঁচায় স্থখ কি? চপলে,—বলুতে কি, আমি তোমায় ভগ্নী ও প্রাণতুল্য সখীর ন্যায় জ্ঞান করি, তোমার কাছে বৈ অন্য কারু কাছে মনের কথা বলিনে;—এই দেখ আমার জীবনের শেষ উপস্থিতি!” চপলা করুণাস্বরে বলিলেন,—“ছি, এমন কথা কি মুখে আন্তে আছে? আমি এক বার শৈলেশ্বরকে জিজ্ঞাসা করে আসি, তাঁকে কি বলে গিয়েছেন!” কুমুমিকা বলিলেন—“তাই গিয়ে জিজ্ঞাসা করে শীঘ্র এস!” চপলা “তবে যাই” বলে চলে গেলেন।

কুমুমিকা অশ্রুবর্ষা কর্তে কর্তে একবার শয্যায় শয়ন করিলেন, পুনরায় উঠে একখানি পুস্তক হাতে করে একটি পাত উল্টালেন, এখানি কাদম্বরী, অজস্র চক্ষুধারায় দৃষ্টি আচ্ছন্ন হইল! সেই অশ্রুবারি পুস্তকের পত্র আদ্র করিল। তিনি পুস্তকখানি রাখিয়া,—“কাদম্বরী, তোমারই প্রণয়!” বলে দীর্ঘ নিশ্বাস ত্যাগ করিলেন। অনেকক্ষণ নিস্তব্ধ থেকে শোক, গাভীর্ঘ্য, বাস্প-রোধি কণ্ঠে বলিলেন,—“যে তোমায় কিছু মাত্র স্নেহ কর্ণ না, যে তোমার দুঃখের কারণ, তারই জন্য এত! হৃদয়—তুমি কার?”

উচিত বটে নাটক ।

তৃতীয় গর্ভাঙ্ক ।

হরিহরপুর পথ ।

(এক দিক হইতে হরিনাথ বন্দ্যোপাধ্যায়ের ও অপর দিক হইতে রামচন্দ্র দে প্রতিবাসীর প্রবেশ ।)

হরি । (স্মিত মুখে) আরে রাম ভায়া যে ?

রাম । দাদা, প্রণাম ; (প্রণাম ।) বলি আর শুনেছ ; মহেশ ঠাকুর মেয়েটাকে পরিবর্ত করে বিয়ে কর্লে !

হরি । (আশ্চর্য্যে) বল কি ! বুড় বয়সে কি পাগল হল ! জামাই থাকতে আবার মেয়ের বিয়েদেবে ! না,—এ সত্য নয় !

রাম । দাদা, আমি কি না জেনেই বলছি ? গদাধর এর আবার ঘটক হয়েছে ?

হরি । তবে হতে পারে, গদার অসাধ্য কিছুই নাই ! কোথায় সম্বন্ধ করেছে বলতে পার ?

রাম । তা তো কিছু শুনিনি ।

হরি । আমাদের দেশের জাত জন্ম সব গিয়েছে ! হিন্দুধর্ম লোপ হয়েছে, রায় বামুন অনায়াসে রামাদ বৈষ্ণবের মেয়ে বিয়ে করে চলছে, ওদিকে নাম লেখান বেশ্যার মেয়ে ! এদিকে জোয়ার ছেলে ব্রাহ্মণ, ওদিকে মুচি ডোমের ভাত খেয়ে আবার জাত্যতিমান, দেশটা যায়—উচ্ছন্ন যায় ! তাইতেইতো সকলের বাটীতে খাওয়া দাওয়া ছেড়েছি,—

(নেপথ্য পাশ্বে কলসী কক্ষে বিনোদিনী ও কামিনীর প্রবেশ) (দেখিয়া)

রাম । দাদা, চল, মেয়েরা ঘাটে যেতে পাচ্ছে না !

হরি । (দেখিয়া) হাঁ চল ! (উভয়ের প্রস্থান ।)

বিনোদিনী । কেমন ভাই, শুন্লিতো ! রাম দাদার কথাতেও কি তোর সন্দ আছে ? বুড় বামুনের আক্কেলটা কি ভাই ! ঘোর কলিকাল !

কামিনী । কদিন আর ছুঁড়ীকেও দেখছি না, মিসেকেও দেখছি না ! এ তো বিশ্বাস হয় না !

বিনোদিনী । আমি শুন্লাম, মিসে নাকি মেয়েটাকে নিয়ে বিয়ে কর্তে গেছে ! আচ্ছা বন, ছুড়ীতো আর কচিথুকী নয়, দশ এগার বৎসর বয়সে এখন তো লোকের ছেলে হচ্ছে ।—সে—কেমন করে গেল ?—বোধ হয় জানেনা !

কামিনী । তুইও যেমন বন, ছুঁড়ীর যে চাল চলন, বয়স হয়ে উঠল, তবুতো

লজ্জা সরম কিছুই নাই ! বলো না প্রত্যয় যাবে,—সে দিন যে বেহা-
য়াম কচ্ছিল ! (কলসী কক্ষে বামাসুন্দরীর প্রবেশ ।)

কামিনী । বামা দিদি নাকি ? এতো বেলা গেল যে ? আমরাই ভাবছিলাম, আমা-
দের বেলা গেছে ।

বামা । এই ভাই আসছিলাম, তার পর—আর শুনেছি ত,—মহেশ ঠাকুর এই বুড় বয়সে একটা বিয়ে করে এনেছে ! মেয়েটা মস্ত !—আবার শুন্ছি নাকি—ধর্ম জানেন,—গোলাপীকে পরীবর্ত করে এ বিয়ে হয়েছে !—দোপড়া মেয়ে !—স্বোয়ামী হয় তো বেঁচে আছে,—আবার বিয়ে দিলে ! তাই আমাদের বাড়ীর ঔরা বলছিলেন কি ওর বাড়ীতে আর খাওয়া দাওয়া হবে না !

বিনোদিনী । বটে ! আমরাও তাই বলা বলি কচ্ছিলাম, বুড়র কি মত্তে হবে মনে নেই,—এক রীত ভাই !

কামিনী । চল বেলা গেল, আমার আবার সাজ সলতে পর্যন্ত পাকান হয়নি ।
(সকলের প্রস্থান)

দ্বিতীয়াক্ষ ।

প্রথম গর্ভাঙ্ক ।

গোপালপুর,—সুরেশচন্দ্র চট্টোপাধ্যায়ের বাটী ।

(উজ্জ্বলা আসীন ।)

উজ্জ্বলা । (স্বগত)—কৈ,—কাল আসবার কথা ছিল, এখনওতো এলো না ! (সদীর্ঘ নিঃশ্বাসে) বোধ হয় সুরেশ আমার বেঁচে নাই !—ভগবতী—মিথ্যা করে বলেছিল,—আমাকে পত্র লিখেছেন ! (রোদন) এপোড়া কপালে আর কি সুরেশকে দেখতে পাব !—আর আমার খাওয়া দাওয়ায় কাষ কি,—মরাই ভাল !

নেপথ্যে । সুরেশ বাবু নাকি ? কখন এলেন ! এই আপনার মা কেঁদে কেঁদে সারা হচ্ছিলেন ।

উজ্জ্বলা । (সরোদনেও চকিতে) তবে কি আমার সুরেশ এসেছে ?—দেখিগে !
(দ্রুতপদে প্রস্থান ।)

(ক্ষণ বিলম্বে মোট মস্তকে এক জন মুটে, সুরেশ ও উজ্জ্বলার প্রবেশ)
মুটের মোট রাখন ।)

উজ্জ্বলা । আমাকে যদি মধ্যে মধ্যে একা এক খানা পত্র লিখতে তবু ভাল

থাক্তাম । পরশু ভগবতী বলেছিলেন, “খুড়ী মা, সুরেশ দাদা পত্র লিখেছেন,—কাল আসবেন,”—কাল এলেনা, আমি কাটা পাঁটার মত ছট্-ফট্ করেছি! (সরোদনে সুরেশের মুখ ধরিয়া) বাছা,—আমার আর কে আছে? আহা! বাছার আমার মুখ খানি মুকিয়ে নিয়েছে ।

মুটে । মশাই,—আমারে বিদেয় কর ।

সুরেশ । (পকেট হইতে রুমাল লইয়া পয়সা প্রদান ।) এই নেও !

মুটে । আর দুট পয়সা দিতে হবে ।

সুরেশ । কেন?—যা—এখন আর জ্বালাসুনে । তোদের এই দশা বটে ।

মুটে । আপনাদের হাত বাড়লে পার্বত মশাই—

সুরেশ । এখন আর খুজরো পয়সা নাই, যা পেয়েছি সু তাই নিয়ে সন্তুষ্ট হয়ে যা ! (মুটের প্রস্থান ।)

সুরেশ । মা হরিহরপুরের কি এর মধ্যে কোন সংবাদ পেয়েছ? আমি ক দিন হল এক খানা পত্র লিখেছিলাম, তার তো কোনই উত্তর পেলেন না ।

উজ্জ্বলা । আমিও অনেক দিন খবর পাইনি, তা—বলি কি, তুমি গিয়ে একটা ভাল দিন দেখে বোঁ মাকে নিয়ে এস ।

সুরেশ । আমিও তাই ভাবছি পশু যাব । বলি মা তোমারতো বড় কষ্ট হয়েছে ?

উজ্জ্বলা । তুমি যদি একখানি পত্র দিতে তা হলে আমার কোন কষ্ট হতনা । তোমার কোন খবর পাইনি সেই কষ্ট ! যাহক এখন কি নাবে ?

সুরেশ । গাড়িতে এসে শরীরটা বড় গরম হয়েছে, স্নান কর্তে হবে ।

উজ্জ্বলা । তবে আর দেরি করে কাষ নাই, আমিও সকাল সকাল রান্না চড়িয়ে দি ! আমি তেল আনিগে । (উজ্জ্বলার প্রস্থান ।)

সুরেশ । (স্বগত) হরিহরপুরের কোন সংবাদ না পেয়ে মনটা বড় অসুস্থ হল, সেখানে দুখানা পত্র লিখলাম তারতো কোন উত্তরই পেলান না ! এর কারণ কি ! (চিন্তা) অনেক দিন তল্লাস করিনি বলে কি চটেছে ? কিছুই তো ভাব বুঝতে পাচ্ছি না, না গেলে আর জানা যাবে না,—যদি কোন দুর্ঘটনা হত তাহলে ও কি কোন খবর দিত না?—দেবেইবা কারে ? আমি তো চিরকালই বিদেশী ! মা তো আমার—

নেপথ্যে । সুরেশ, তোমাকে তোমার ওবাড়ীর নুতন খুড়ী দেখতে এসেছেন,—একবার এঘরে এস !

সুরেশ । যাই— (প্রস্থান ।)

বাল্লল ভাষা ও বাল্লল সাহিত্য বিষয়ক প্রস্তাব ।

আমাদের এই পত্রিকার সমালোচনা একটি অবয়ব, “কি কি বিষয়ের সমালোচনা?” এ প্রশ্ন আপনা আপনি মনে হইলে শরীর রোমাঞ্চ ও হস্ত হইতে লেখনী নিসৃত হয়, কিন্তু যখন দুঃসাহস সহচর হইয়া নিলজ্জতার পরাক্রম প্রদর্শন করিতে সমুদাত হইয়াছি, তখন আর মধ্যে মধ্যে শীহরিয়া উঠিলে হইবে কেন? যে সাহসকে অবলম্বন করিয়াছি, যাহার আশ্রয়ে পাঠকদিগের সহিত মাসান্তে সাক্ষাত করিতেছি, তাহার সঙ্গ ত্যাগ করিব না ।

“আমরা সমালোচক?” এ প্রশ্ন মনে উদয় হইলে সেই সাহসের সহিত বন্ধুতার ব্যতিক্রম ঘটবার সম্ভা, কিন্তু “মহাজনো যেন গতঃ সপাশ্চ।”—এই বচন সে প্রশ্নের উত্তর দান করিতেছে । যেমন অতি সামান্য লোকেও কোন মহা কবির কবিতার অনঙ্গার দোষ ধরিলে কেহ তাহার নিন্দাবাদ করিতে পারে না, সেইরূপ পূর্ব সমালোচকদিগের পথ আমাদিগের অবলম্বনীয় ! “মুখ্যাতি হয় বুঝ-বাঁধিব, অখ্যাতি হইল তাহাদের দেখাইয়া দিব”—এই আমাদের মনের ভাব ।

উপরোক্ত পুস্তকখানি পাঠ করিয়া আমরা অত্যন্ত আনন্দ লাভ করিয়াছি । যদিও ইতিপূর্বে বঙ্গভাষার ইতিহাস ও কবিচরিত্র প্রভৃতি দুই একখানি পুস্তক এই প্রণালীতে বিরচিত হইয়াছে বটে, কিন্তু ইহাতে অনেক সবিস্তর বর্ণন আছে । গ্রন্থকর্তা স্বপ্রণীত গিজ্ঞাপনে বিনীতভাবে বলিয়াছেন যে তাঁহার বিরচিত গ্রন্থে বিস্তর ভ্রম থাকিবার সম্ভাবনা, ফলতঃ তাঁহার বিরচিত পুস্তকে যথার্থই অনেক ভুল আছে, আমরা সেই সমস্ত সংশোধনের চেষ্টায় এই সমালোচন প্রকাশ করিবার মানস করিয়াছি, বোধ করি গ্রন্থকার অসন্তুষ্ট না হইতে পারেন, তাঁহার প্রণীত পুস্তকের প্রবন্ধমালা মধ্যে ইহাতে কেবল কাব্যংশের বিচার প্রকটিত হইবে ।

ক্রমশঃ ।

মানব প্রকৃতি ।

“জগদীশ্বর কি করেন নাই?”—কোন রহস্যবিদ কতিপয় সুবিজ্ঞকে এই প্রশ্ন করিয়াছিলেন । তাঁহারা কহিলেন—“জগদীশ্বর এক প্রকৃতির দুইটি মনুষ্য সৃষ্টি করেন নাই ।” বাস্তবিক একথাটি অর্থহীন ও নহে । ভগতে এক প্রকৃতির দুইটি মনুষ্য নাই, ইহা বিশেষরূপ পর্যালোচনা করিলেই বোধ হইবে,—পরম্পরের প্রকৃতি কিছু না কিছু ভিন্ন । তবে সেই প্রকৃতির যাহাদের কিছু কিছু সাদৃশ্য আছে তাহা-

রাই এক শ্রেণীস্থ লোক । যেমত কোন দ্রব্যই এক রসে সমুৎপন্ন হয় না, অথচ এক রসের উৎকর্ষতা বোধে লোকে সেই সেই রসে সেই সেই দ্রব্য উৎপন্ন বলিয়া থাকে, তেমতি সরলতা-বিভূষিত ব্যক্তি সমূহকে লোকে সরল বলিয়া থাকে । কিন্তু তাহার মধ্যে কাহার কত দূর সরলতা, তুলনা করিলে কখনই এক প্রকৃতির লোক বলিয়া অনুমিত হয় না । সেই প্রকৃতি চিরকালানুধর্ত্তিনী, কোন কবি বলিয়াছেন :-

“ন ধর্ম শাস্ত্রং পঠতীতি কারণং, ন চাপি বেদাধ্যয়নং দুরাত্মনাং ।

স্বভাব এবান্ত তথাতি রিচ্যতে, যথা প্রকৃত্য মধুরং গবানং পয়ঃ ।”

ধর্ম শাস্ত্র পাঠ করি ধার্মিক না হয়, বেদ পাড়ি দুরাত্মার কিবা ফলোদয় ?

যাহার স্বভাব যাহা না হয় খগুন; মধুর গো দুগ্ধ হয় স্বভাবে যেমন ।

এই কবি অতি সারবান্ । পাঠক মহাশয় ! আপনি যদি একথা বিশ্বাস না করেন, আমাদের কিন্তু দৃঢ় প্রত্যয়, কারণ আমরা ভুক্তভোগী ! অনািও অনুসন্ধান করুন, একবার নিরপেক্ষচিত্তে চারিদিকে দৃষ্টিপাত করুন, অবশ্যই বিশ্বাস হইবে । “স্বভাব যায় না মলে !”—এই চির প্রচলিত কথাই ঐ বচনের মর্ম্ম বিস্তারক ; আপনি বিবেচনা করুন, আত্ম প্রকৃতির তুলনা করুন, দেখুন দেখি একথাটি মনে ধরে কিনা । এই প্রকৃতির দোষ গুণেই লোকে সদস্য শ্রেণীভুক্ত হয় । সৎপ্রকৃতির লোক জগতে অতি দুর্লভ, কিন্তু অসৎ প্রকৃতির লোকই অনেক । পারোপকার, দয়া, ভ্রাতৃত্ব প্রভৃতি সঙ্গদুগ্ধচয় সৎপ্রকৃতির ধর্ম্ম, অসৎ প্রকৃতিতে ইহার সমস্ত বৈপরীত্য দেখিতে পাওয়া যায় । এই সকল সৎপ্রকৃতির গুণেই কত লোক চিরস্মরণীয় হইয়া গিয়াছেন । এই প্রকৃতি আবার আশ্রয় ভেদে নানারূপ ধারণ করে । ধনী ব্যক্তির তোষামোদের বশীভূত, নির্ধনীর তোষামোদী । আমরা অনেকের এরূপ প্রকৃতি দেখিয়াছি যাহারা বিনা স্বার্থেও লোকের তোষামদ করিয়া থাকেন । তাহা এই প্রকৃতির ধর্ম্ম । সকলের প্রকৃতিরই কোন অংশ সার, কোন অংশ অসার । যিনি যে অংশের চালনা করেন, তাঁহারই সেই অংশের কার্য্য অধিক । কেহ অসার প্রকৃতি প্রধান মনুষ্যকে বাতুল বলিয়া থাকেন ; কিন্তু বিবেচনা করিয়া দেখিলে সে অংশে সকলেই বাতুল । আমাদের কি উচ্চাশা নাই ? আমরা কি জনসমাজে মান্য গণ্য হইতে চাহি না ? কিন্তু যিনি সেই গুলি প্রকাশ করেন, যিনি তাহার জন্য ব্যস্ত হয়েন, তিনিই বাতুল । নতুবা যিনি জনসমাজে প্রধান সৎপ্রকৃতির লোক বলিয়া পরিচিত তাঁহারও অন্তরে উচ্চাশা প্রভৃতি ক্রীড়া করিতেছে, কেহই তাঁহার সেই সকল লক্ষণ হঠাৎ জানিতে পারেন না ।

কতকগুলি লোকের প্রকৃতি খলতায় পরিপূর্ণ, নিরন্তর সকলের অনিষ্ট চেষ্টাই তাঁহাদের উদ্দেশ্য । একটি লোকের সহস্র গুণ সত্ত্বেও তাঁহারা তাহার ঘৃণা-

করে কোন দোষ পাইলে তাহাই লইয়া কত আন্দোলন করেন । খলদিগের প্রকৃতি সংস্কৃত মহা কবিরাজ বর্ণন করিতে সমর্থ হয়েন নাই । চঞ্চলা লেখনী অদ্য যে বিষয় আন্দোলন করিতে প্রবৃত্ত হইয়াছে, তাহা এই ক্ষুদ্রায়তন পত্রের দীর্ঘ জীবনেও শেষ হইবার মত । অতএব অদ্য এ বিষয়ের প্রস্তাবনা এই স্থানেই ক্ষান্ত, সুবিধা মতে এই উভয় প্রকৃতির চিত্র দেখাইব এরূপ মানম রহিল ।

আমি কি পাগল ?

আমার লেখনী উপরোক্ত প্রশ্নটির উত্তর করিতে অক্ষম, কারণ আমার অন্তর বশিতে পারে না । এই আমি সাধারণ সমীপে উপস্থিত হইয়াছি, আমার কি বেশ ? বেশের উপকরণ কোথায় ? আমার মন অস্থির, কখন আপনা আপনিই হাঁসি, কখন বিনা কারণে আমার অন্তর কাঁদিয়া উঠে ! কখন বিনা প্রয়োজনে ভ্রমণ করি, আমায় কি লোকে পাগল বলে না ? যখন এই পত্রিকায় স্বছবি দেখাইতে উদ্যত হইয়াছি, তখন তো আমি পাগল !

আমার কোন বন্ধু আমাকে উপদেশ দিয়াছেন “যাহার অনুকরণ করিতে উদ্যত হইবে তাহার সকল দ্রব্য সংগ্রহ করিও” কৈ আমার দ্রব্য ?—এই লেখনী ? ইহার কি বল আছে ? নবীন পাঠক মহাশয়, আমার নব পরিচিত বন্ধু মহাশয়-গণ ! দেখুন ; আপনারাই আমার পরীক্ষক ।

আমি যে সহযোগী ? কিসের ?—এ প্রশ্ন আপনা আপনি উথিত হইলে অন্তর কম্পিত ও লেখনী স্থলিত হয় ! তবে আমায় আমার বন্ধুবর্গ, প্রকাশিকার নবীন সম্পাদক—আমাকে সহযোগী করেন কেন ? তাঁহাদের কৃপা ! ইহাদের এতো কৃপা, সহৃদয় পাঠকবর্গের কি একটুও কৃপা হইবে না ?—কে জানে, দেখি যখন নাট্যশালায় এসেছি একবার অভিনয় করিবই করিব !—আমার অতুল আহ্লাদ, আমি সহযোগী ! !

আহা ! ইহার পত্রিকাখানি করিয়াছেন, বিপুল উৎসাহে, বিপুল বিনয়ে অভিনয় স্থলে নামিয়াছেন, আমি মধ্যে মধ্যে সঙ দিব ?—কেন ? মাসান্তে এক দণ্ড অভিনয়, আমার সাহায্য লইবেন কেন ?—আমি যে বন্ধু !—বারংবার একথায় তাঁহারা ক্রোধ করিতে পারেন,—এমন বন্ধু !—তবে আমি পাগল !

আমার আজ বাড়াবাড়ি ভাল নয় ! আজ এই খানেই বিদায় ! পাঠক মহাশয়-গণ ! যদি অনুমতি করেন, যদি আমার অভিনয়ে, আমার অনুরোধে আমার প্রতি

অনুগ্রহে মুখ মুচুকাইয়া একটু হাঁসেন, তবেই অধীন—সুতরাং—বশব্দ—পুনরায় দেখা দিয়ে বিদ্যা বুদ্ধির শেষ দেখাইব, নচেৎ আজ অবধি—এই ভূমিকা পর্যন্ত অধীন গাঢ়াকা! অনেকে জিজ্ঞাসা করিতে পারেন, মুখ মুচুকে হাঁসার তো নানা অর্থ?—আমি যেটি ভাল অর্থ, যেটিতে আবার আপনাদিগের সহিত সাক্ষাৎ করিতে পারি, সেইটি গ্রহণ করিব!

পাঠক মহাশয়! আপনি কি নূতন পরিচিতের সহিত আলাপ করিতে চাহেন না?—কেন এই সে দিন কাহিল শরীরে (যদি আমাদের দেশে বাটী হয়) প্লীহা-ক্রান্ত জঠরে নূতন অন্ন আদরে ভোজন করিলেন, পিতৃ পুরুষদিগকে (যদি হিন্দু হন) দিলেন, আজ নূতন বলে আমার আদর নাই কেন? আরো বলি! আপনি যদি আমোদপ্রিয় হন, তবে মধ্যো মধ্যো এ বাতুলের সঙ্গে আলাপ কর্কেন না কেন? আমার অস্থান হাস্য, অস্থান গীত, অসম্বন্ধ প্রলাপ, এত গুলি উপকরণেও আপনারা হাস্য করিবেন না? তবে আমার অসাধ্য—কি করিব তাই—বিধি বিবাদী!—আমি যে পাগল!!!

(কতক)

সহযোগী ।

সং ।

সহরে শীত কাল ।

“আজন্ম সহর কল্কাতা ।”

হুতোম ।

সহরে শীত কাল,
সহরে শীত কাল, যেন কাল,
দুঃখী লোকের পক্ষে
সে দুঃখ দেখেনা কেউ চক্ষে ।
এখানে বাবু যারা,
এখানে বাবু যারা, স্মৃথে তারা,
কক্ষে কাল যাপন,
শীতেতে আমোদ অশেষণ ।
বাবুরা চোগা গায়,
বাবুরা চোগা গায়, মোজা পায়,

রেশমী টুপি মাথে,
দেখা নাহিক শীতের সাথে ।
হাতেতে ঝিক রুগাল,
হাতেতে ঝিক রুগাল, নবোয়র চাল,
গলায় গলাঁধ,
ক্রমে সালের বাজার বধ ।
উঠেছে নুতন রূপাবু,
উঠেছে নুতন রূপাবু, সস্তা এবাবু,
হরেক রকম রং,
গায়ে দিয়ে সাহুলো যেন সং ।
রূপাবুরে ব্যাপাবু বড়,
রূপাবুরে ব্যাপাবু বড়, জড় সড়,
সালওয়াল যত,
সালের গুন্নর নাহিক তত ।
যত সব নুতন সভ্য,
যত সব নুতন সভ্য নব্য ভব্য,

সাদা রঙের সাজ,
রঙেতে তাদের বড় লাজ ।
দাড়ি যাবু ছাগী জিতে;
দাড়ি যাবু ছাগী জিতে, মাথায় সিঁতে,
নবীন ধর্ম ভান,
তাহাদের একালেতে মান ।
সহরে সবই নুতন,
সহরে সবই নুতন, কৈ পুরাতন,
কবি যাত্রার দল,
এখন থিয়েটার প্রবল ।
যত সব ফচুকে জুটে,
যত সব ফচুকে জুটে, লুটেপুটে,
নিষ্ঠে সকল টাকা,
গুনি লোক দিয়েছে গা ঢাকা ।
বৈধেছে মস্ত ঘর,
বৈধেছে মস্ত ঘর, বড় দর,
তাদের পসার বড়,
বাবুদল হচ্ছে তাতে জড় ।
দিয়াছে গ্যাসের আলো,
দিয়াছে গ্যাসের আলো, সীন্ও তাল,
দেখতে সোণার পুরী,

খাটিয়েছে সাংগেদি হুন্সরি ।
ব্যয় নাই হিত কাষে,
ব্যয় নাই হিত কাষে, কেবল বাজে,
টাকার শ্রদ্ধ করে,
এদিকে ভিক্ষা দিতেও মরে ।
ওদিকে দড়ি বাজি,
ওদিকে দড়ি বাজি, দেখতে র জি,
সার্কাসাদির দল,
না বুঝে টাকা লবার কল ।
আশে পেস্তা আঙুর,
আশে পেস্তা আঙুর, আনার খেজুর,
নানা রকম মেয়া,
খেয়ে সব হচ্ছে মজা কেয়া ।
কমলা বড় সরেশু,
কমলা বড় সরেশু, রংটিও বেশু,
মদের প্রধান চাটু,
যা পয়সা না জুটলেই বিভ্রাট ।
বাংলায় যে যা দেখে,
বাংলায় যে যা দেখে, সে তা গোখে,
অনুকরণ প্রিয়,
স্বভাব আমাদের জাতীয় ।

শ্রীবীরাজনা কাব্যোত্তর কাব্য ।

দ্বিতীয় সর্গ ।

তারার প্রতি সোমদেব ।

[কবির মহাকেল মহুদন দত্ত প্রণীত শ্রীবীরাজনা কাব্যে বৃহস্পতি পত্নী তারাদেবী শুধাংশুর রূপে মোহিতা হইয়া যে প্রেমরস পরিপূর্ণ পত্র পাঠাইয়াছিলেন, তারানাথ তৎপাঠে মুগ্ধ হইয়া নিম্নলিখিত পত্রখানি দ্বারা তৎপ্রত্যুত্তর প্রেরণ করেন ।]

আর্যো, পাইয়া প্রেরিতা লিপি প্রেমময়ী
পড়িছু করি শীত্রেতে ধারণা । অমনি

শীহরে অঙ্গ, অনঙ্গ পাইয়া সময়
মারে বান ধরশান, ধৈর্য্যবর্মভেদি ।

স্মৃতিপথে ভয়ঙ্কর গুরুপ্রতিকূপ
অগ্নি ভাঙিল, হনু ভয়েতে বিহ্বল,
কি করিব, কিছু নাহি পাই বিচারিয়া।
যদবধি ও স্বর্ণ (কসিত স্বর্ণ
লাঞ্ছিত) নয়ন পথে হল সমুদিত,
তদবধি মারিবারে শর মার ভ্রমে
অন্তরালে, নাহি পোলে অবসর, সদা
ডরে গুরুত্রাসে, এবে আকর্ণ সন্ধানি
মন্মাদেদিবানে দাঁধি দক্ষ করিতেছে।
পাতিতাম যদা গুরু সন্নিকটে বসি,
সদা জাগিত মানসে, তব রূপ, যেন
বসি সম্মুখেতে! কতু বিস্ময়িয়া তারা
তারা বলি,—শুনি গুরু বলিতেন, কিবা
করিছ স্মরণ? আমি কহিতাম করি
চল, স্মরিতেছি, তারা বিপদতারিণী।
নিশিযোগে শ্মুখিরাখি সম্মুখেতে, তব
মূর্ত্তি করিতাম ধ্যান, কত চল করি
ওরূপ মাধুরি তব, হেরিতাম পশি
অবরোধে। অয়স্কান্ত নিকটেতে থাকে
যদি লোহ, না মিশিয়া কতু থাকিবারে
পারে কি, বিশ্বাস্য ইহা? ক্ষণে ক্ষণে হত
পোড়ামনে—সম্বোধিতে গুরুপত্নী স্থলে
তোমা “প্রাণনাথ” বলি, অমনি কোশলে
তাহা মনে মনে রাখি। নমি যবে পদে
ছুঁইতে চরণ ইচ্ছা, কিন্তু ভয় বশে
নাহি পারি, কদম্বের সম হত দেহ।
যবে স্ফিত মুখে মত্ত-পিক-স্বর গুঞ্জি
ডাকিতে সম্মুখে ঘোরে বলি ‘চন্দ্র’ আমি
ভাবিতাম বুঝি বলি “প্রাণনাথ” সম্বোধিলা
মন জানি; এবে পেয়ে পত্র সেই আশা
পূর্ণা ভাবি। কিন্তু হলে সুরাচার্য্য দেবে

মানস মাঝারে, সব আশা যায়, ভাবি
হুখে গুরুপত্নী ভাবে। কিবা অপরূপ
স্মর-শরতেজ প্রাণ দেহে তায়, হয়
মনে, হয়ে দাস সদা সেবিব চরণ,
তুমি প্রাণের বশে সম্বোধিবে বলি
“প্রাণনাথ” এই কথা কি রূপে বা লিখি,
গুরুপত্নী তুমি; তব কমল চরণ
সেবিব,—একথা বটে মিথ্যা কতু নয়,
কিন্তু প্রাণভাজন এমুট হইবে
কি রূপে? দয়া করিয়ে লিখেছ পত্রিকা,
আজ্ঞা তব লজ্জিবারে এমুটের শক্তি
নাহি হয় অদ্যাবধি, দেবি, জেনো ইহা!
এত দিন নাহি যাহা পারিয়াছে, তাহা
অদ্য কি সাহসে বল লজ্জিবে? মানসে
অমনি গুরুর ক্রোধ হয় সমুদিত,
ভাবি পোড়াইবে মোরে ক্রোধায়িতে গুরু,
কিন্তু সেও ভাল, তবু ও চরণ সেবি
জীবন সার্থক করি সতত কামনা।
যথা, পতঙ্গ অগ্নিতে পড়ে মরিবার
তরে, তথা অদ্য মম এবাসনা হল
নিশ্চয় জানি; তথাপি নাহিক পারিবে
দেবি, তোমার অনুজ্ঞা করিতে লজ্জন
এদাস! চির দিন এ তব আজ্ঞাকারী?
একে রাহুগ্রস্থ বিধু হয় ক্ষণে ক্ষণে
পুনঃ করিবারে পাপ ভয় নাহি হয়;
কিমাশ্চর্য্য! পুষ্পধনু অসাধ্য ভগতে
নাহি কিছু! যে ব্রহ্মারে মজালে কন্যায়,
হরে করিয়ে পাগল মল গ্রাণে, ধন্য!
যোদ্ধুবর বটে সেই, কৃত কার্য্য হল।
দিয়া প্রাণ দান! হায়, লজ্জা নাহি তার!
হল ভয়া! কত কষ্টে পুনঃ যদি পোলে

দুঃস্বপ্ন জীবন, তবু স্বভাব নাহিক
ছাড়ে? প্রকৃতির ভাব কেহ নাহি পাবে
তেজিতে কখন; সখ্য মম সাথে তার
কত উপকার করি, তার পক্ষ হয়ে
শেষে করিল এরূপ। হায়, ভু-ক্ষেপে
দুঃখপান করাইলে তাহে হয় তার
বিষবৃদ্ধি মাত্র। খল অতি ভয় নাই
তাই বন্ধু বধে। বুঝি বিরহিনী-শাপে
মম হল এই দশা, যার পক্ষ হয়ে
চিরকাল কাটাইলু, সেই এবে করে
নষ্ট মোরে। সময়েতে সব আসি ঘট!
স্মর, বন্ধু হয়ে তুই হায় শত্রু হলি
এবে। চিরকাল কিরে এই রূপে কাল
কাটাইবি আশা? পরে কষ্ট দিলে পেতে
হয় কষ্ট রেখ মনে। প্রিয়ে! জানিলাম,
বন্ধু জীবন রাখিতে মূলকাটি পুনঃ
রোপিবারে যথা তরু জনেতে অয়াসে
তথা মারি ফুলবাণ ও কোদল দেহে
করাতেছে অধীনেরে স্মরণ এখন।
এ যে তব চিরদাস, তাই স্নেহ করি
এদাসেরে পুরস্কার দিবে ও যৌবন
অনর্থ ধন। হৃদয়ে তব জাগে দয়া,
দয়াবশে জেন এ যে তোমার অধীন।
সদা নিঃস্বপ্নে তোমারে ডাকি অশ্রুণীরে
ভাসি, কে আর জানিবে, জানেন সর্বজ্ঞ
ঈশ, আর বন্ধু স্মর; যদিচ কুরীতি
তঁার, কিন্তু স্নেহ নাহি হইয়াছে নৃন।
কোকিল কল রবিলে, অমনি তাহারে
বলি ধিক; অবোধ সে যে, করি অহঙ্কর
পুনঃ ডাকে, যেবা বীণা ধ্বনি শোনে কানে
তার কি পটহ ধ্বনি মিষ্ট আর লাগে!

খাইলে সুমিষ্ট চূত যম দূতিকায়ে
কেবা চায়? ভাবি মনে বুঝি তব স্বর
শুনি, তুল্য হইবার আশে, মুহুমুহঃ
ডাকিতেছে, সম্ভাবনা বটে, কিন্তু মুখ
জানেনা কি শত দক্ষ লোহ নাহি হয়
স্বর্ণ সম, শত ধিক্রে তার আশে! দেবি!
তাই চিন্তি বুঝি হল কৃষ্ণ বর্ণ কায়।
হৃদয়েশি, লিখিতেছি তব দয়া গুণে
প্রেরিতা পড়িয়া লিপি, করি হৃৎসাহসে
ভর; চিরকাল তব আজ্ঞা এই দাস
মস্তকে ধরিয়া করে অনুমতি কার্য্য।
ভগবতি, সম্বোধিতে ইচ্ছা প্রাণ-প্রিয়ে
হায়, লিখিতে লেখনী পড়ে কর হতে!
ক্ষণে ক্ষণে হয় মনে, ব্রহ্মাঙ্গি গুরুরে!
তিনি যেন কহিছেন,—লিখিতেছ কিবা
দুঃস্মৃতি? নাহিক লজ্জা, গুরুপত্নী প্রতি
পড়েছে মন? অমনি শীঘ্রেরে শরীর,
মুখ শুষ্ক হয়, চক্ষু হতে জল বারে,
প্রস্রবণ হতে যেন। দেখি পুনঃ, মরি
ওরূপ মাধুরি, যাহা নিরখিয়া বুঝি
সম হবে বলি স্বর্ণ অগ্নিতে পুড়িছে,
যেন লইয়া লেখনী যত্নেতে করেতে
দিলে তুলি, “কিবা ভয়” বলিতেছ। অগ্নি
সাহসিকে! ধন্য আমি আজি মানিতেছি
হেরে সম্বোধন তব, “তরা নাথ” কিবা
করিতেছি ভয়, তব আজ্ঞা, সখ্য স্মর
সহায় সতত। দেবি! “যে আজ্ঞা” অধীন
এই মাত্র প্রত্যুত্তর দিলে পড়ি লিপি,
পাদপদ্মে নিবেদন বিমধিক মতি।
ইতি শ্রীবীরাজনা কাব্যোত্তর কাব্যো
ভারাপদিকোত্তর নাম দ্বিতীয় সর্গ।

জানকী হরণ।

প্রথম সর্গ।

পূর্ব প্রকাশিতের পর।

জানকী স্বন্দী বধু তরুণ যৌবন,
 স্রীজন-ভূষণ-লজ্জা-ভয়-বিভূষণ,
 ভয়াল কানন নাথো করিয়া অর্পণ,
 স্মৃতি স্মৃতি তুমি আইলা এখন?
 হায়রে লক্ষ্মী-শিশু স্বভাবে মৃদন,
 কোমল শযায় দেহে হইত দেদন;
 শুষ্ক পর্ণক্ষেত্রে হল অধুনা অসন,
 কি দোষে কানন বাসী নৃপতি নন্দন!
 ছিল আশা নবদুর্গা-দল-শ্যাম-রাসে,
 কনক কীট মাথে সীতা দেবী বাসে,
 হেরিব অযোদ্ধা রাজ সিংহাসনোপরি,
 কি সাজে সাজিলে এবে আহা গরি মরি!
 বল্কল-ভূষণ মাথে হবে জটাভার,
 ফল মূলাহারী বাছা তপস্বি আকার,
 এতক বলিতে বাস্পে রোধ হল বানী,
 গিপিল শরীর গ্রস্থি মুচ্ছা প্রাপ্তা বানী।
 মুচ্ছিতা কোশল্যা দেবী নাহি আর জ্ঞান,
 সবে বলে বাহিরিল বুঝি রাজ্ঞী প্রাণ,
 জীবনের আশে সবে সিঁধিছে জীবন,
 চতুর্দিকে হাহাকার হইছে শ্রবণ।
 সুরুগ ধনীর হর্ম করি প্রতিধ্বনি,
 কেনবা কাঁদি ছ স্মরি রাম রঘুমনি;
 স্যোতিঃ হীন। পুরি এসে স্রীরাম বিহনে,
 শুধা শু বিহনে হয় যেমত গগনে।
 স্মৃতি সারথি ভাসি নয়নের নীরে,
 চলিলেন ধীরে ধীরে কৈকয়ী নদীরে।

গৃহঘরে হাস্য মুখে কৈকয়ী চিত্তাসে,
 আইলে স্মৃতি রামে রাখি বনবাসে?
 শুনিয়া স্মৃতি শুধু ব্যুত্থিত নয়ন,
 মস্তুরা হেরিয়া বলে একি অলক্ষণ,
 তরত হইবে রাজা এজন্য বিরস?
 তরত হইতে রাম কিসে বা সরস?
 শুনি বানী মস্তুরা করুন বচনে,
 কহিল নির্লজ্জ দুষ্টে ধিকরে জীবনে!
 কুরু-কুল-ধনকেতু হইলি এখন,
 বলিতে রোধিল কণ্ঠ দ্বিগুণ রোদন।
 মস্তুরা বলিল দর্পে, রাম পক্ষে ভাল!
 আইলে তরত আমি যুচাব জঞ্জাল!
 নৃপমুতঙ্গ তবু রামে ভালবাস
 কেন বল নীচাশয় স্বগৌরব নাশ!
 নিরন্তরে গৃহে বসি স্মৃতি তখন,
 হেরিল নৃপতি ভূমে করিয়া শয়ন,
 মুচ্ছাগত চারিদিকে করিছে ব্যভ্রম,
 নিশ্বাসে হইছে লক্ষ আছয়ে জীবন!
 কণেকে পাইয়া জ্ঞান হেরি মস্তুরা,
 রোদন করিয়া কহে সুরুগ স্বরে,
 আইলা স্মৃতি রামে রাখিয়া কানন?
 পুনঃ মুচ্ছাগত নৃপ হইল তখন।
 কৈকয়ী পাণিনী কয় “বুদ্ধ জ্ঞান হত,
 কেন বৃথা রাম রাম কর অগিরত?
 মিথ্যা এবে এরোদন শুনহ বচন,
 তরতে আনিতে আজ্ঞা করহ এখন”।
 যাহ হে স্মৃতি আন তরতে ত্বরিত,
 নৃপতি লোক লাঞ্জেতে এবে ভীত চিত।
 এক বর রামচন্দ্র করিল পালন,
 আর বর মস্তুরা তুমি করহ সাধন।

ক্রমশঃ।

কাঁচরাপাড়া প্রকাশিকা।

মাসিক পত্রিকা।

“নির্মলঃ সুরাঃ স্কৃতিনঃ খলুযে বিবিচ্য, কণ্ঠে গুণস্য কণমপ্যবতংসয়ন্তি।
 যেমাং মনো ন রমতে পরদোষবাদে, তে কেচিদেব বিরলা ভূবি সধরন্তি ॥”

১ম ভাগ।

১২৮০ সাল—ফাল্গুন।

৪র্থ সংখ্যা।

কুসুমিকা।

পঞ্চম পরিচ্ছেদ।

প্রণয়ে কি না হয়! তুমি কার?—তবে আসি।

কুসুমিকার প্রাসাদ হইতে শৈলেশ্বরের আবাস বাটী অধিক দূর নয়, একবাটী বলি-
 লেও বলা যায়, কিন্তু উভয় বাটী পরস্পর বিভাগীকৃত। অদ্য যে বাটীতে শৈলে-
 শ্বর আছেন সেটি তাহার নিজ বাটী নয়,—রনজয়ের আরামগৃহ। আজ শৈলেশ্বরই
 তাহার অধিকারী। গৃহটির চতুষ্পাশ্ব সুদৃশ্য সুগন্ধি কুসুম বৃক্ষ বিরাজিত, মধ্যে
 মধ্যে দেবদারু বৃক্ষ, মধ্যে মধ্যে লতাকুঞ্জ, এক এক স্থানে এক একটি বীরপুরুষের
 প্রতিমূর্তি! গৃহ মধ্যস্থ একটি প্রসস্ত কুটীরের পর আর একটি কুটীর, সে কুটীরটি
 নানা সজ্জায় সুসজ্জিত, তন্মধ্যে একখানি রৌপ্যময় সুচারু কারু কার্য খচিত
 বিচিত্র শয্যাব্যাপ্ত পর্য্যঙ্কে শৈলেশ্বর শয়ন করিয়া রহিয়াছেন—শয়নই বা কেমন
 করিয়া বলি?—অর্দ্ধেক শয়ন, অর্দ্ধেক উপবেশন। সম্মুখে একখানি সুবর্ণ বিনি-
 র্মিত সুদৃশ্য পাত্রে তাশুল রহিয়াছে। শৈলেশ্বরের মূর্তি অতি প্রাসস্ত, গম্ভীর
 অথচ বীরতা-ব্যঞ্জক; বর্ণ কৃষ্ণ বলিলেও বলা যায়, কিন্তু আবলু্য কৃষ্ণ নয়,—সচ-
 রাচর যাহাকে শ্যামবর্ণ বলে এ সেই বর্ণ; কপাল উজ্জ্বল ও প্রসস্ত, তাহাতে
 বিভূতি ত্রিপুরা, মধ্যে চন্দন টিপ; নয়ন অপেক্ষাকৃত দীর্ঘ বটে, কিন্তু সুদীর্ঘ
 নয়, আকর্ষণ হইলে আরো চারি আঙ্গুল দীর্ঘ হইত; নাসিকা সম্পূর্ণ টিকল
 নয়, কিন্তু মুখের মানান সই; শাশ্রু ও গুল্ফ উভয়ই সুদৃশ্য; বর্ণ নিরন্তর

বীরবালা তরে ঐষৎ নমিত ; গলদেশে রুদ্রাক্ষ মালায় অতি সুন্দর দৃশ্য, তাহার নিম্নদেশে গজমতি বণ্ঠী ; গঠন দোহারা, কিন্তু বীরপুরুষোচিত—হঠাৎ দেখিলে বোধ হয় অতি কোমল, বাস্তবিক স্থানে স্থানে প্রস্তুত কঠিন ; উদর বড় নয় ; বক্ষস্থল প্রসস্ত, মহাকবি কালীদাস দিলীপ রাজাকে যে কপাট বক্ষ বলিয়াছেন, সে শব্দ এখানেও সঙ্গত, বক্ষস্থলে অঙ্গ লোম ; বাহুপদ প্রভৃতি দৃষ্টে বোধ হয়, ইনি এক জন প্রসিদ্ধ বীর। সয্যা পাশ্বে সুদীর্ঘ রত্নখচিত কোষাচ্ছাদিত অগ্নি। তিনি তাবুল চর্চণ করিতেছিলেন, আর অনামনস্ক হইয়া মধ্য মধ্য কি ভাবিতে-ছিলেন ; সেই সময়ে এক জন দাসী আসিয়া সংবাদ দিল, “দ্বারে চপলাঠা কুরাণী দাঁড়াইয়া।” শৈলেশ্বর বলিলেন, “দ্বার লইয়া আইস।” তৎক্ষণাৎ দাসী প্রস্থান করিল। শৈলেশ্বরের মুখে পূর্বে যে চিন্তার চিহ্ন ছিল এক্ষণে আর এক ভাব—হর্ষ, সন্দেহ বিমিশ্রিত অন্তত ভাব ! কি ভাব, তাহা এক্ষণে জানিবার আবশ্যকতা নাই, অনুমানে যা হয়। ক্ষণবিলম্বে দাসী সঙ্গে চপলা প্রবেশ করিলে শৈলেশ্বর উঠিয়া বসিলেন, এবং সাঙ্খ্যাদে সতৃষ্ণ দৃষ্টিপাত করিয়া বলিলেন, “চপলে ! অসময়ে যে ?” চপলা একটু মুখ মুচুকে হেসে বলিলেন, “ভাল আহ্বান শিখেছেন, একটা মানুষ এলে বসতেও বলতে হয়।” শৈলেশ্বরও একটু হেসে বলিলেন, “রূপসী, ঐ আসন খানি দেও।” আর আপনার লৌকিকতায় কাজ নাই, যথেষ্ট হয়েছে, পরমাপ্যায়ীত হলাস, বলিয়া চপলা খট্টার পাশ্বে দাঁড়াইয়া রহিলেন। শৈলেশ্বর, “তবে চপলে এখন কেন ?” চপলা, “কেন, আসতে নাই ?” শৈলেশ্বর, “তুমি আসবেনা তো আসবে কে ? তবে চপলে বলি আছ কেমন ? এখন তোমার সাক্ষাৎ দুর্লভ !” চপলা, “মন্দ থাকে কেন, কি হয়েছে ? সুখ দুঃখ আপনার হস্তায়ত্ত্ব !” শৈলেশ্বর কহিলেন, “কে বলে চপলে মুখ দুঃখ হস্তায়ত্ত্ব ? তাহলে আমার মন সুস্থ নয় কেন ?” চপলা, “তুমি নিরোধ” বলিয়া নিকটস্থ রূপসীর দিকে চাহিলে। দুইবার রূপসীর নাম হইল, পাঠক মহাশয়, বোধ হয় বুঝে থাকবেন দাসীর নাম রূপসী ; রূপসীর চেহারা খানি কি দেখিবেন ? রূপসীর নাম পিরাজিনী, কিন্তু তাহাকে যে ভাবেই হউক সকলে রূপসী বলিয়া ডাকে। এইবার আমাদের অন্তর কাঁপিতেছে, যাহার নাম রূপসী তাহার রূপ বর্ণন সহজ ব্যাপার নয় ; কিন্তু পাঠক মনোমগ্ন করিতে আমাদের সাধ্য মত চেষ্টা, স্মরণ চেষ্টা করে দেখি সেই রূপ খানি আপনার নয়ন দর্পণে প্রতিবিম্বিত করিতে পারি কি না।

পূর্ব কবিদিগের প্রদর্শিত পথই আমাদের অবলম্বনীয়, তাহাদের উপমার দ্রব্যই আমাদের উপমা !—এ বলিয়া নিশ্চিন্ত থাকিতে পারি না, কতক কতক স্পষ্ট করিতে চেষ্টা করি। রূপসীর মুখ খানি পদ্মের ন্যায়, অন্য কবিরা যেমন একদেশ গ্রহণ করেন আমাদেরও সেই একদেশ,—পদ্মের বীজকোষ আমাদের একদেশ, বালিকা

কালে রূপসীর মুখ মা শীতলার কৃপায় ঠিক পদ্ম বীজকোষের অনুকরণ হইয়াছে, বোধ হয়, তাহাতেই শৈলেশ্বর মধ্য মধ্য অরবিন্দনিভাননা বলেন। চন্দ্রের সহিত একদেশেও তো রূপসীর মুখের সহিত উপমা হয়ে থাকে, আমাদের কি সে উপমা হবে না ? কেন, চন্দ্রে যেমন কলক আমাদের রূপসীর মুখে তেমনি মেছেতা ! নাকটি বাঁশীর মত, কিন্তু সামান্য বাঁশী নয়, বাঁশের যে এক রকম মুখে বাজাবার বংশি আছে, ঠিক তাহার মুখের মত ! তাতেও আবার কারিকুরি,—মা শীতলার কৃপা ! চক্ষুদুটি আকর্ষণে অনেক কবিই বলেছেন, রূপসীর চক্ষুদুটি আনাক, এটি নূতন, সব পুরাতনও ভাল নয়, নাভীর গভীরতা এই খানেই রক্ষা হয়েছে ; কণ—গুণিনীগঞ্জিত, তাহার কণের মত না হউক, তাহার ডানার মত, এও একদেশ,—ভত বড় না হ'ক, তাহার প্রতিকূপ ; চোঁট দুখানি তেলাকুচার ন্যায়, কিন্তু কাঁচা তেলাকুচা, বরং তদপেক্ষা নীল বর্ণ, তেমনি আয়তন ; দাঁতগুলি মুক্তার মত, কিন্তু সামান্য মুক্তা নয়, বিধাতা আপনার গলার জন্য এক ভরির উপর এক একটি মুক্তা গঠেছিলেন, শেষে ছিদ্র কর্তার সময় তেঁও যাওয়ায় রূপসীর বদনে রদনের কার্য্য করেছেন ; কেমন বসাবার তারিণ, কোনটি সম্মুখে খোলান, কোনটি হেলান, আহামরি তারই বা কি শোভা, “যেন খোলার তিতরে থৈয়ের আকার !” বিলক্ষণ ক্ষীণাঙ্গী, সকল অস্থিই দেখা যায় ; হস্ত পদ লতার ন্যায়,—তা আর বলিতে হবে কেন, যে ক্ষীণাঙ্গী ; স্ত্রীলোকের নিতম্ব বড় হলেই সুন্দরী হয়, কিন্তু রূপসীর সেইটি হয়নি, বোধ হয়, বিধাতা রূপসীকে গঠিবার জন্য যে মৃত্তিকা করেছিলেন, তার মধ্যে মিতম্বের মৃত্তিকা গুলি উদরে রাখা হয়েছিল, শেষে জমাট বেঁধে যাওয়ায়, নিতম্বের মাটি উদরেই রহেছে ; বর্ণ স্বর্ণের ন্যায়, কিন্তু বিধাতার কারু কার্য্য করিতে হইবে, খাটি সোণায় তো ভাল হয় না, তাই খাদি সোণা দিয়াছিলেন, শেষে অগ্নি সন্তাপে যে রূপ হ'ল, আবার রসান করিলে যদি মোহিত হন, তাই আর রসান করা হয়নি। কেমন পাঠক, রূপসীর মোহিনীছবি আপনার মন হরণ করিতে পেরেছে ? তবু আপনি রূপসীর প্রকৃত ছবি দেখিতে পেলেন না, আপনার কপাল !

শৈলেশ্বর রূপসীকে সম্বোধন করে বললেন, “রূপসী, চপলা এলেন বসিতে বললে না।” রূপসী, “ওঁয়াদেরই ঘরকান্না, চাকরুণ, আসনখানা দেব ?” চপলা বলিলেন, “না রূপসী, তোমার আর যত্ন করতে হবে না, তোমার কর্তার কথাতেই যথেষ্ট হয়েছে !” শৈলেশ্বর এই কথায় একটু হেসে চপলার মুখে দৃষ্টি নিক্ষেপ করিয়া সম্মুখ ও সামুখ্য স্বরে বলিলেন, “তোমার আহ্বান কি চপলে ? তুমি কি আমার অন্তর হতে অন্য স্থানে আছ ? আমার হৃদয়পটে তোমার মোহিনী ছবি কি অঙ্কিত নয় ?” চপলা এ কথার কোন উত্তর না করিয়া একটু হাসিয়া শৈলেশ্বরের মুখে দৃষ্টি নিক্ষেপ পূর্বক রূপসীর দিকে কটাক্ষ করিলেন ;

এ কটাফের ভাব কি? যিনি রসিক, তিনিই বুঝিয়াছেন। এই ভাব, রূপসী যে এখানে! চতুর শৈলেশ্বর চপলার মনের ভাব বুঝিতে পারিয়া রূপসীকে কহিলেন, “রূপসী, গোটা কতক পান সেজে আন দেখি!” “যাই” বলিয়া রূপসী চলে গেল। চপলা মনে করিলেন “পান তো যথেষ্ট রয়েছে, আমি একাকিনী পুরুষ সম্বন্ধে, আর আমার থাকা অনুচিত।” শৈলেশ্বর বলিলেন, “তোমার মনের ভাব আমি এত দিনে কিছুই বুঝিতে পারিলাম না, যা হ’ক চপলে অসময়ে যে?” শৈলেশ্বর সচকিতে এই কয়েকটি কথা বলিলেন। চপলা তদুত্তরে কহিলেন, “আমাদের অধীশ্বর ভাল লোকের হাতে সকল তার অর্পণ করে গিয়াছেন, তাঁহার সহধর্মিণী দিব্যরাত্রি রোদন করিতেছেন, আহা! নিদ্রা ত্যাগ, আপনি আমোদে মত্ত?” “কেন তিনি কি এখনও আহা! করেন নি চপলে! এরই নাম প্রায়!” বলিয়া শৈলেশ্বর একটি নিশ্বাস ত্যাগ করিলেন। পুনরায় বলিলেন, “তাঁকে বলগে আমাদের রাজপুত্র কুলগৌরব আগামী কল্যই আসিবেন, তিনি যেন বুঝা চিন্তা না করেন।” চপলা বলিলেন, “তবে আসি!” “কেন?—এখনি যাবে কেন?” শৈলেশ্বর এই কথা সচকিতে বলিয়া চপলার মুখে দৃষ্টি নিষ্ক্ষেপ করিলেন। “কেন?—এই যে আপনি বলিলেন, তাঁকে বলগে! বিশেষ প্রভুর সহধর্মিণী উপোষিতা, আমার এখানে থাকা ভাল হয় না।” “চপলে, বলিতে কি, তোমার অদর্শন আমার পক্ষে যত ছুর কষ্টকর তেমন ইহজগতে আর কিছুই নয়। শৈলেশ্বরের এই কয়েকটি কথা শুনে চপলার মুখে আনন্দ চিহ্ন প্রকাশ হ’ল। তিনি সেই আনন্দ স্বরে “তবে কি আমায় ভালবাস?” এই প্রশ্নটি করিয়া শৈলেশ্বরের মুখে সতৃষ্ণ দৃষ্টি নিষ্ক্ষেপ করিলেন। শৈলেশ্বরের মুখেও অতুল আনন্দ চিহ্ন প্রকাশ হইল; তিনি চপলার নিকট সরিয়া আসিয়া বলিলেন! “চপলে, এত দিনে বুঝিলাম, বিধাতা আমায় অকুল, আমি যদি ভালবাসি, তবে তুমি কি আমায় ভালবাস?” পাঠক মহাশয়! দেখুন, চপলার দিকে দৃষ্টিপাত করুন, শৈলেশ্বরের দিকে দৃষ্টিপাত করুন, উভয়ের নয়ন উভয়ের মুখোপরি সংস্থাপিত, উভয়ের চক্ষু পরস্পর স্নেহ বিনিময় করিতেছে; পরস্পরের অন্তরে প্রেমতরঙ্গ আন্দোলিত হচ্ছে। চপলা বলিলেন, “আপনি এই দ্বীপের অধীশ্বর বলিলেও হয়; আপনি ভালবাসিলেই আমার পরম লাভ! আমার ভালবাসায় আপনার কি হবে?” “চপলে, তুমি মহৎশাস্ত্রত। বিশেষতঃ পবিত্র প্রণয় কি নীচানীচ অপেক্ষা করে? বলিতে কি, তোমার জন্যই আমি এতো কাল বিবাহ করি নাই!” চপলা বলিলেন “কেন? আমি কি তোমার বিবাহের প্রতিবন্ধক?” শৈলেশ্বর,—“নও?” চপলা,—“না।” শৈলেশ্বর,—“তবে এই আমার বিবাহের শুভ দিন” বলিয়া স্বীয় গলদেশ হইতে মুক্তামালা খুলিয়া, চপলার গলায় দিতে উদ্যত হইলেন। চপলা,

“আমি যে পরাধীন।” বলিয়া শৈলেশ্বরের হস্ত ধারণ করিলেন। শৈলেশ্বর চপলার গলদেশে হস্তার্পণ করিয়া বলিলেন, “তবে তুমি কার?” চপলা বলিলেন, “অধিনী আপনার!” “তবে প্রতিবন্ধক?” শৈলেশ্বরের এই প্রশ্নে চপলা “অধীনতা” এই মাত্র উত্তর করিলেন। শৈলেশ্বর, “যদি তোমার মত হয়, বীরবর রণজয়ের অনুমতি নিকটবর্তী, তাহার জন্য তোমার ভাবনা নাই, তুমি কেন মালা বিনিময়ে প্রতিবন্ধক?” এই কথা বলিলে চপলা বলিলেন, “এই কি আপনার বিবাহের সময়, আপনার প্রভু যে তার অর্পণ করিয়াছেন, তাহার এই প্রতিপালন বটে?” “তবে এখন বস,” শৈলেশ্বরের এই কথায় চপলা দুঃখিত স্বরে বলিলেন, কুসুমিকা যে আহা! করেন না, আমি কি করি, “আপনাকে তাই জিজ্ঞাসা করিতে আসিয়াছি।” শৈলেশ্বর নিরুত্তরে আরো নিকটবর্তী হইলেন, নয়ন চপলার মুখোপরি সংস্থাপিত! হস্ত গলদেশাশ্রয়ী।

শৈলেশ্বর! এই কি তোমার বীরতা? একজন রমণীর নিকট সকল বল বুদ্ধি হত করিয়াছ? কি করিতেছ, এই তোমার বীরপুরুষোচিত কার্যই বটে! ক্রমশঃ চপলার মুখের নিকট মুখ লইয়া যাইতেছ কেন? অতো ভাল নয়, রণজয় তোমায় যে তার দিয়া গিয়াছেন এই কি তার কার্য? লোকে তোমাকে জিত রিপু বলিয়া থাকে, এত দিনে তাহা অন্তর্হিত হইল। ঐ দেখ, রূপসী আসিতেছে, সে তোমার এ ভাব দেখিলে কি মনে করিবে? চপলা না চতুরা, তারও কি জ্ঞান নাই! রূপসী যে চপলার পশ্চাতে! তাহার মুখের দিকে তাকাইয়া দেখ, সে তোমাদের ভাব দেখিয়া অবাক হইয়া আছে!

রূপসী চপলাকে সম্বোধন করিয়া বলিল, “চাকুরণ, কি হয়েছে?” রূপসীর কথা শৈলেশ্বরের কর্ণে স্থান পাইল না, কিন্তু চপলা সচকিতে বলিলেন, “আমার চক্ষু পরিষ্কার হইয়াছে, আর নয়!” রূপসীকে সম্বোধন করিয়া বলিলেন, “রূপসী, চক্ষে কি পড়িয়াছে!” এখন শৈলেশ্বরের জ্ঞান হইল; সচকিতে চপলার স্কন্ধস্থিত বাহু অপসৃত করিলেন; কিন্তু তাঁহার হৃদয় আর চপলার নিকট হইতে আসিল না।

রূপসী বলিল, “গিয়াছে তো? হাঁ, তোমার প্রভুই তাহা ভাল করিয়াছেন।” চপলা এই কথা বলিয়াই শৈলেশ্বরের মুখে দৃষ্টি নিষ্ক্ষেপ করিলেন। তাঁহার নয়ন অঙ্গ অঙ্গ স্মৃশোভিত। তিনি বলিলেন, “তবে আসি।” শৈলেশ্বর তাহার প্রত্যাশ দিলেন না, স্তম্ভিত বুদ্ধি গেল তাঁহার নিতান্তই অনভিমত। চপলা আর দাঁড়াইলেন না, এবং পুনরায় বলিলেন,—“তবে আসি!”

উচিত বটে নাটক।

দ্বিতীয় গর্ভাঙ্ক।

হরিহরপুর, মহেশের বাটীর সম্মুখস্থ পথ।

(শান্ত সুরেশ চট্টোপাধ্যায়ের প্রবেশ।)

সুরেশ। (স্বগত) বেলাটা গেলে বাটী থেকে বেরিয়েছিলাম, মাঠে পড়তেই সন্ধ্যা হ'ল, পূর্বের ন্যায় যদি এখন এ প্রদেশ হত, তবেই প্রাণটা গিয়াছিল আর কি! এখন অনেক শাসিত হয়েছে বটে, কিন্তু অশ্বপথতলায় যে মানুষ-টার সঙ্গে দেখা হল, সেটা ভাল লোক বোধ হয় না। বুটীশ রাজত্বের কর্মচারিদিগের দোষেই এখনও এসব দেশ সহর অঞ্চলের ন্যায় সুশাসিত হয় নাই—(চিন্তা সহকারে) পুকুরটাও ছাড়িয়ে এসেছি, এইতো সেই বাটী বোধ হচ্ছে—রাত্রিকাল—পল্লীগ্রাম, একটা লোকের সঙ্গে সাক্ষাত হবার সুযোগ নাই। কি করি, হেটে এসে পাতো ছিড়ে পড়ছে।

নেপথ্যে। (চিৎকার শব্দে) আ—আ—আ—আ—আরে হৈ! ঘোষাল মশায়, ঘোষাল মশায়!—হাঁ-হাঁ-হাঁ!

সুরেশ। হর সর্দার বোধ হয় আসছে, এর সঙ্গে দেখা হলে সংবাদও পাওয়া যাবে, এখন একবার ডাকি,—হর সর্দার, হর সর্দার!

নেপথ্যে। কে ও, দাদাঠাকুর না কি? কি হয়েছে! যাই।

সুরেশ। আমি, সুরেশ চাটুয্যো, নিবাস হরিপুর। (হর সর্দারের প্রবেশ।)

হর। জামাই বাবু না? এত দিন কোথা ছিলেন? দণ্ডবত করি। (প্রণাম।)

সুরেশ। পশ্চিমে ছিলাম, এই সাত দিন হ'ল বাড়ী এসেছি, বলি আমার শ্বশুর বাটীর সকলে ভাল আছে ত?

হর। (স্বগত) এইবার দাদাঠাকুর গেলেন আর কি, আমার ও সব কথায় কায় কি বাবু!—ভদ্রলোকের ঘরে এতো সবে কেন, জামাই থাকতে আবার মেয়ের বে দিলে!

সুরেশ। হর, চুপকরে রইলে যে, কোন অমঙ্গল হয়েছে না কি?

হর। আজ্ঞে হাঁ, আপনার শাশুড়ী ঠাকুরাণীর কাল হয়েছে!

সুরেশ। (সবিম্বাদে) আহা! তিনি আমায় কত স্নেহ কতেন, বলি আর সকলে ভাল আছেন তো?

হর। আজ্ঞে হাঁ, আপনি এই এলেন বুঝি, অনেকখানি রাত্রি হয়েছে, তবে বাটীর ভিতর যাননি কেন, দাদাঠাকুর কি উঠেন নি?

সুরেশ। না—আমিও ডাকিনি! অনেক দিন পরে এসেছি কি না, বাড়িটাও ঠিক কর্তে পারি নি, এই বাড়ি না?

হর। (সহাস্যে) হাঃ—হাঃ—হাঃ—সব ভুলে গেছেন! আচ্ছা আমি ডেকে দিচ্ছি! (চিৎকার শব্দে) দাদাঠাকুর, দাদাঠাকুর, ও দাদাঠাকুর!

নেপথ্যে।—হাঁ—হাঁ—হাঁ।

হর। দাদাঠাকুর, জামাই বাবু এসেছেন!

নেপথ্যে। মথুর, বাবা রাত্রে যে?

হর। মথুর বাবু নয়,—সুরেশ বাবু!

নেপথ্যে। (চিন্তিত স্বরে।) যাই।

সুরেশ। মথুর কে হে! কৈ আমার শ্বশুরের আদরতো মেয়ে হয় নি?—তবে আমি যাওয়ার পরেই যদি হয়ে থাকে?

হর। (স্বগত) বামন ভাল মজাটাই করেছে, এক মেয়ে, দুই জামাই, এই বার বা কি হয়! বুড় বয়সে বে করা নয়,—ঘাট বাঁধান! ভদ্রলোকেরা পুঁথি পাঁজি পড়ে, বিধান দেয়,—তবুও এটা বুঝে না! (প্রকাশ্যে) আমি তা জানি না। (মহেশের প্রবেশ।)

মহেশ। সুরেশ, বাবা আছ কেমন, এত দিন কোথা ছিলে? এত রাত্রি হল যে?

সুরেশ। (প্রণাম করিয়া) পশ্চিমাঞ্চলে ছিলাম, মহাশয়কে কয়খানা পত্র লিখে-ছিলাম, তার তো কোন উত্তর পাই নি, বাটীর সকলে আছেন কেমন?

মহেশ। (কম্পিত রোদনে) আমার সর্দনাগ হয়েছে! আর জিজ্ঞাসা কর কি! তোমার শাশুড়ী ঠাকুরাণীর কাল হয়েছে, গোলাপীও গিয়াছে (রোদন।)

সুরেশ। (স্তম্ভিত) আঃ!—কত দিন! কৈ চৌকিদার একথা বলে আমি তো আর আপনার সঙ্গে দেখা কর্তাম না?

হর। (স্বগত) এবুট বামুন কে গো! বলে মেয়েটা মরেছে, আমার এসব কথায় কায় কি বাবু; কিন্তু এখনো মূর্খিা পুষে উঠছে, দিন রাত হচ্ছে! এটা কে, এর কি মরবার ভয় নাই?—এই না কলির সন্ধ্যা!

মহেশ। তা বাপু আমার সঙ্গে দেখা কর্তেনা কেন! চল বাটীর ভিতর চল!—আর একটি দুষ্কর্ম করেছি!—কি করি, আমার তো আর কেউ নাই, বংশটা রক্ষার জন্যে একটি বে কর্তে হয়েছে!—গ্রামের লোকের জেদ!

হর। (স্বগত) গ্রামের লোকের জেদ!—তাই বুঝি এক ঘরে করেছে।

সুরেশ। তা সংসারশ্রম কর্তে গেলে না কল্ল চলে কেন? কিন্তু মশায়ের বয়স হয়েছে কি না—তা যাহক, আমি এখন চলাম!

মহেশ। না বাপু, এরাতে যাবে কোথা?—চল এখন বাটীর ভিতর চল।

সুরেশ। না, তা আর যাব না।

মহেশ। ছি বাবা! সংসারশ্রমে এমন ঘটে থাকে, চল (হস্ত গ্রহণ পূর্বক বাটীর ভিতর গমন।) (মহেশ ও সুরেশের প্রস্থান।)

হর। যাই আবার চৌকি দিতে হবে! একবার হাঁকি! (উচ্চৈঃস্বরে) আ—আ—আ—আ—আ—আ—আবেহে! (প্রস্থান।)

তৃতীয় গর্ভাঙ্ক।

হরিহরপুর, হরিনাথ বন্দ্যোপাধ্যায়ের বাটীর সম্মুখ।

(গাড়ু হস্তে রামচন্দ্র দে ও হরিনাথ বন্দ্যোপাধ্যায় দণ্ডায়মান।)

হরি। বল কি?—অনায়াসে বলে মেয়েটা নরে গিয়েছে, বেটা নরাধম নারকী!

রাম। দাদা, হর সন্দারের মুখে আমি এই সব কথা শুনে তো অবাক হয়েছি, আমার ইচ্ছা হচ্ছে আমি এখনি সুরেশকে বলে আসি!

হরি। রে কলি কাল! তোর মহিমা কে বোঝে, এই সকল পাপীর কুষ্ঠ না হলে পাপের প্রকৃত ফল হয় না!

রাম। আমিও দাদা আশ্চর্য হয়েছি! নারী হত্যাকারী ধর্মদ্রোহী নিরন্তর পাপা-সত্ত্ব ছুরাআদিগের বুদ্ধি! পাপ পুণ্য কি নাই!

হরি। ভায়া, সব ফলবে, এই কলির প্রথম কি না, বিলম্বে ফলে!

রাম। সুরেশ না এই দিকে আসছে? (গাড়ু হস্তে সুরেশের প্রবেশ।)

হরি। সেই রকম বোধ হচ্ছে বটে, হঠাৎ কিছু বলোনা!

রাম। (সুরেশের প্রতি) আপনার নাম কি সুরেশ চট্টোপাধ্যায়? আপনি কি মহেশ ঠাকুরের জামাতা?

সুরেশ। আজ্ঞে হাঁ।

হরি। অনেক দিন পরে দেখা আমিও চিন্তে পারিনি, এত দিন ছিলে কোথা?

সুরেশ। হরি ঠাকুরদাদা নয়! (প্রণাম) আজ্ঞে আমি পশ্চিমাঞ্চলে ছিলাম, আপনাদের গ্রামে আসা যাওয়াও বন্ধ হল, বিধি বিবাদী!

রাম। (অস্পষ্টস্বরে) তোমার স্বশুরও বটে।

সুরেশ। কি বলছেন?

রাম। বলি কাল আসা হয়েছে কি?

সুরেশ। আজ্ঞা হাঁ, কাল রাতে এসেছি!

রাম। যাবেন কবে?

সুরেশ। আজই যেতাম, কিন্তু আমার স্বশুরের অনুরোধ এড়াতে পারিনি না! এখানে আর থাকতে ইচ্ছা নাই, আমার মন বড় খারাপ হয়েছে। আচ্ছা

হরি ঠাকুরদাদা, একটা কথা জিজ্ঞাসা করি, আমার স্বশুর বলেন কি তুমি গ্রামে কার সঙ্গে আলাপ করো না, কেন? আমি যতবার এসেছি ততবার দেখিছি, আপনারা সর্বদাই থাকতেন, এখন কি কোন বিবাদ হয়েছে? আর তাঁর সঙ্গে যদি বিবাদই হয়ে থাকে, আমার সঙ্গে কি?

রাম। (হরির প্রতি কটাক্ষ করিয়া) দাদা সামলাচ্ছে!

সুরেশ। কে সামলাচ্ছে মশায়, কি সামলাচ্ছে মশায়?

রাম। সে কথা শুনে কাজ কি?—তোমার স্বশুর বড় সেয়ানা।

সুরেশ। কেন মশায়?—আমি আপনার কথার কোন ভাব বুঝতে পারছি না।

হরি। ও আর বুঝতে হবে না, শুন্লে তোমার কেবল মন খারাপই হবে, তোমার স্বশুরের সঙ্গে কার বিবাদ হয়নি, তবে—

সুরেশ। তবে কি মশায়?

হরি। এই গ্রামের লোকে কেহ তোমার স্বশুরের সঙ্গে আহার ব্যবহার করে না।

সুরেশ। তবে কি দলাদলি হয়েছে?

রাম। দলাদলি আর কি? তোমার স্বশুর একক এক দল, আর গ্রামস্থ লোক এক দল।

সুরেশ। কেন, এর কারণ কি?

হরি। এর কারণ তোমার শুনে কাজ নাই।

সুরেশ। কেন মশায়?

হরি। তা হলে অনিষ্ট হতে পারে!

সুরেশ। তা হক, আপনাকে বলতে হবে।

হরি। তবে চল আমরা বাটীর ভিতর যাই, এখানে কাজ নাই।

রাম। সকলেই তো শুনেছে; লুকন কেন, বলুন না?

সুরেশ। কথাটা যদি গোপনীয় হয়, চলুন, কাজ কি এখানে? (সকলের প্রস্থান।)

বাঙ্গলা ভাষা ও বাঙ্গলা সাহিত্য বিষয়ক প্রস্তাব।

অনেক দিন হইল সংস্কৃত ভাষা ও সংস্কৃত সাহিত্য বিষয়ক প্রস্তাব নামে এক খানি পুস্তক শ্রীযুক্ত পণ্ডিতবর ঈশ্বরচন্দ্র বিদ্যাসাগর মহাশয় কর্তৃক বিরচিত হয়। “পূর্ণিমা প্রকাশ” নামে মাসিক পত্রিকায় লেখা হইয়াছিল, যে বিদ্যাসাগর মহাশয় একাল পর্যন্ত যত পুস্তক লিখিয়াছেন তন্মধ্যে এ খানি সর্বোৎকৃষ্ট। অধুনা এ পত্রিকাখানি আর দেখা যায় না। কোন্ মহাত্মা উহার সম্পাদক ছিলেন তাহাও আমরা নিশ্চয় জানি না। লোকে বলিত বাবু কৃষ্ণকমল ভট্টাচার্য মহাশয় উহার

সম্পাদক ; কিন্তু সে বাহাই হউক, বিদ্যাসাগর মহাশয়ের লিখিত পুস্তকসমূহ মধ্যে যে উহার রচনা অতুৎকৃত তাহাতে অণুমাত্র সংশয় নাই । বাঙ্গলা ভাষা ও বাঙ্গলা সাহিত্য বিষয়ক প্রস্তাব নামক পুস্তক রচয়িতার নাম শ্রীরামগতি ন্যায়রত্ন । যে সংস্কৃত কালেজ মহাসাগরনৃত্য ত বিদ্যাসাগর, বিদ্যাভূষণ ও বিদ্যারত্ন প্রভৃতি রত্নাবলি প্রভাবে অধুনা আমাদের বঙ্গভূমি সমুজ্জ্বল, ন্যায়রত্ন মহাশয়ও এই সকল রত্নের মধ্যে এক রত্ন । ইনি রামকমল ও গিরিশের সহাধ্যায়ী । রামকমলের মানব লীলা শেষ হইয়াছে, গিরিশ চক্ৰিশ-পরগণায় ওকালতি করেন । ন্যায়রত্ন মহাশয় বহরমপুরের কালেজে অধুনা সংস্কৃত ভাষার অধ্যাপক, সুতরাং ইহা বলা বাহুল্য যে ইনি সংস্কৃতভাষায় বিশেষ ব্যুৎপত্তি লাভ করিয়াছেন, অধিকন্তু বাঙ্গলা গদ্য রচনায় তিনি বিলক্ষণ প্রবীণ । রোমাবতী, বাঙ্গলার ইতিহাস, ও বঙ্গবিচার প্রভৃতি কয়েকখানি গ্রন্থ ইনি প্রণয়ন করেন, এবং ইংরাজী জানিলেও জানিতে পারেন । একরূপ উপযুক্ত লোকের দ্বারা বাঙ্গলা ভাষা ও বাঙ্গলা সাহিত্য বিষয়ক প্রস্তাব যে পরিপাটীরূপে লিখিত হইবে ইহা কে না আশা করিবেন ? দেখা যাউক, ইনি কি রূপ এই বিষয় নিরূপ করিয়াছেন ।

কি রূপে ও কোন সময়ে বাঙ্গলাভাষার সৃষ্টি হয়, ন্যায়রত্ন মহাশয় এতদ্বিষয়ে বিশেষ পরিশ্রম ও অনুসন্ধানপূর্বক লিখিয়াছেন, তজ্জন্য তাঁহাকে অগণ্য ধন্যবাদ দিতে হয় । কিন্তু ভাষাতত্ত্ব একরূপ দুরূহ ব্যাপার, যে ভ্রম্যান, কবাসিস এবং ইংরাজ প্রভৃতি ইউরোপীয় পাণ্ডিতমণ্ডলী আধ্যাত্মিক ও তাহার ভাষা বিষয়ে অদ্যপি অনুসন্ধান করিতেছেন । তিনি বাঙ্গলাভাষা উৎপত্তির যে কাল নিরূপণ করিয়াছেন উহা অতি সুসঙ্গত, বিশেষ কবিদিগের জীবনবৃত্ত বর্ণনেও যেরূপ পরিশ্রম স্বীকারপূর্বক লিখিয়াছেন তাহার পূর্বে একরূপ কেহই করেন নাই । তিনি যিনীতভাবে স্বপ্রণীত বিজ্ঞাপনে প্রকাশ করিয়াছেন যে এবিষয়ে তাঁহাকে যদি কেহ অতিরিক্ত বিবরণ বলিয়া দিতে পারেন, তাহাই হইলে তিনি অত্যন্ত বাধ্য হইবেন । অধুনা আমরা সে বিষয়ের অধিক উল্লেখ না করিয়া এই বলিলেই পর্যাপ্ত হইবেক, যে সে বিষয়ে অধিক কিছু জানিতে পারিলে মাণ্ডল দিয়া বহরমপুরে তাঁহাকে পত্র লিখিয়া পাঠাইব, কিন্তু বাঙ্গলা কাব্যের বিষয়ে তিনি যে সকল বিচার করিয়াছেন, সেই সকল বিষয়ের সমালোচনাই এই প্রস্তাবের মুখ্য উদ্দেশ্য । আমাদের দেশে টোলের পাণ্ডিত, বাঁহারা অধ্যাপক বলিয়া এদেশে পরিচিত, তাঁহারা কেহই বাঙ্গলা পড়েন না, কিন্তু আমাদের ন্যায়রত্ন মহাশয় সে শ্রেণীস্থ লোক নহেন । ইনি বিদ্যাসাগর, বিদ্যাভূষণ ও বিদ্যারত্ন প্রভৃতির দলস্থ ব্যক্তি । এই সকল মহাত্মাদিগের রচনা আজকাল গদ্য রচনার আদর্শস্বরূপ হইয়া দাঁড়াইয়াছে, সুতরাং ইহারা যে বাঙ্গলা গ্রন্থ কিছুই পাঠ করেন নাই ইহা বলা নিতান্ত অসম্ভব ।

অধুনা বাঁহারা বাঙ্গলা ভাষায় গ্রন্থ রচনা করেন, তাঁহাদিগের কোন গ্রন্থ মুদ্রিত হইলেই প্রায় সর্বত্র বিদ্যাসাগর মহাশয়কে একখানি গ্রন্থ উপহার দিয়া থাকেন । কিন্তু লোকে বলে বিদ্যাসাগর মহাশয় তাঁহাদিগের রচিত কোন গ্রন্থের প্রতি দৃষ্টিপাত করেন না । বিদ্যাভূষণ মহাশয়কে কোন ব্যক্তি একখানি কাব্য উপহার দিয়া কহিয়াছিলেন, “মহাশয়, অবকাশক্রমে এই কাব্যখানি পাঠ করিয়া বাধিত করিবেন, দেখুন যে সকল বড় মানুষ ও বাবু প্রতিদিন কালিয়ে, কাবাব, পলাশ প্রভৃতি আহাৰ করিয়া থাকেন, তাঁহারাও বৃষ্টি বাদলে সখ করিয়া সখের জলপান খান” । ফলতঃ কালীদাস, শ্রীহর্ষ, ভারবী ও মাঘ বিরচিত কাব্য বাঁহারা পাঠ করিয়াছেন, ভারত, কবিকঙ্কণ প্রভৃতির রচনা কি তাঁহাদের ভাল লাগে ? কখনই নহে । সাহেবেরা বলেন ইংরাজী ভাষায় বাঁহারা সুশিক্ষিত তাঁহারা কেহই বাঙ্গলা পড়েন না । বহুকাল হইল মার্সম্যান সাহেব যৎকালীন সম্রাটের দর্পণের সম্পাদক ছিলেন তৎকালীন এই বিষয় লইয়া দেশীয় সম্পাদকদিগের সহিত তাঁহার ঘোরতর বিবাদ উপস্থিত হয় । সাহেব বলেন বাঁহারা মিলটন (Milton), অডিসন (Addison), ও জনসন (Johnson) প্রণীত গ্রন্থ পাঠ করিয়াছে, তাহাদিগের কি বাঙ্গলা পুস্তক পাঠে রুচি হইতে পারে ? ফলে কি পাণ্ডিত, কি বিষয়ী, কেহই প্রায় বাঙ্গলা গ্রন্থ পাঠ করেন না, মুখ্য ও ইতর শ্রেণীর লোকেরাই যা কিছু বাঙ্গলা পড়ে । তাহাদিগের রামায়ণ, মহাভারত, বিদ্যামুন্দর, দাম্ভরায়ের পাঁচালি ও দুই একখানা নাটক এবং দুই একখানা উপাখ্যান বাঁদি বোল আছে, তাহারা বাঙ্গলা ভাষায় কি বুঝে ? কিন্তু যিনি বাঙ্গলা ভাষা ও বাঙ্গলা সাহিত্য বিষয়ক প্রস্তাব লিখিতে বসিয়াছেন তাঁহার আদৌ সহদয় হওয়া উচিত । দ্বিতীয়তঃ পরিশ্রম স্বীকারপূর্বক বিশেষ অনুসন্ধানের সহিত বাঙ্গলা কাব্য (কি প্রাচীন কি আধুনিক) সমুদয় অথবা অধিকাংশ অধ্যয়ন করা কর্তব্য । আমাদের ন্যায়রত্ন প্রণীত পুস্তকের বিজ্ঞাপনে উল্লেখিত হইয়াছে যে এই প্রস্তাব তিনি অনেক দিন পর্যন্ত লিখিতে আরম্ভ করিয়াছেন, অতএব ইহাতে স্পষ্ট প্রতীত হইতেছে যে তিনি ইহাতে বিস্তর যত্ন, কিন্তু চেষ্টা এবং বিস্তর পরিশ্রম করিয়াছেন, কিন্তু তদ্বিষয়ে কি রূপ কৃতকার্য হইয়াছেন দেখা যাউক । অধুনা তাঁহার প্রণীত প্রস্তাবের সমালোচন আরম্ভ করা গেল । (ক্রমশঃ ।)

সহরে ডামাডোল ।

আজ কি তিথি—চতুর্দশি, তাহাতে আবার বার ও নক্ষত্রদোষ, মধুবার ও কঘা । বার দোষ কেন ? মধুবারে বার দোষ, এও কখন হতে পারে ? যাই একবার প্রদো-

যের শীতল বায়ু বিডেন গার্ডনে গিয়ে সেবন করে আসি। বাঙ্গালীটোলায় ত আর কোন বেড়াবার মনোরম্য স্থান দেখতে পাইনে। ভাগ্যে বিডেন সাহেব এই কীর্তিতে রেখে গিয়েছেন, তাইতে তাঁহার নাম চিরস্মরণীয় হয়েছে। “কীর্ত্তিবস্য সজীবতী” এ বচনটা কখনই মিথ্যা হবার নয়। ঐ গার্ডনটা হবার পর দিন কতক বিলক্ষণ ধুমধাম হয়েছিল, কিন্তু আর “কাকস্য পরিবেদনা”। হগ সাহেব কয়েক মাসের জন্য এখান থেকে পটল তুল্লেন, আর বাঙ্গালী ভাষাদেরও লাঙ্গুল গুড়িয়ে এলো, এখন কেবল এদিকে ওদিকে পলিস গার্ডরা ক্রীড়া কচ্ছে—এবার মৎ যাও, কাহে শালা ফুল পাকড়। প্রভৃতি তাহাদিগের মুখ হইতে খয়ের ন্যায় নিসৃত হচ্ছে। মজার শাস্তিই পটল ভাজা। যা হ'ক, যাই একবার বসন্তের জলিয়া-মারুতের অনুচর হইগে। সন্ধ্যা হয়েছে, কিন্তু তবুও বাগানের বেঞ্চিগুলো হতে অগ্নিস্ফুলিঙ্গ নির্গত হচ্ছে। কি করি, স্থির হয়ে এই স্থানেই বসি, নচেৎ এখনি শালা বাঞ্চৎ মধুর ভাবে পান কন্তে হবে। ভাল, বিডেন ইফ্রীট দিয়ে এত বড় বড় গাড়ি যাচ্ছে কেন এবং বড় বড় বাবুভেয়েরা সেজেগুজে ষ্টিক হাতে হেলতে দুলতে চলেছেন, ব্যাপারখানা কি? একটু এগিয়েই দেখি, যদি কিছু জানতে পারি। ঐ সুন্দর পুরুষটাকে (যিনি বারাগার দিকে একদৃষ্টে চেয়ে আছেন) ইহার কারণ জিজ্ঞাসা কল্লে হয় না?—না, উনি এখন কুকুট রাগে গানে মত্ত আছেন। তবে নয় ঐ ফুটফুটে তেড়েঙ্গা গোচের বাঁকা তেড়া বাবুকে জিজ্ঞাসা করি; আর একে তাকে জিজ্ঞাসারই বা উপেক্ষা করি কেন, একটু অগ্রেই যাই, স্বচক্ষে সব দেখতে পাব। ঐ মে গ্যাশের নবরঞ্জের লেগান জ্বলছে, ঐ খানেই যে সকলে অবরোহণ কছেন; ও পায়েইটা বাবুরা ও কুলকুল করে দক্ষিণমুখে প্রবেশ কছেন, বারওয়ারি নাকি? আর তাই বা কেমন করে বলি, এ দিকে যে রূপ ভূর্তিক্ষের কাণ্ড শুনা যাচ্ছে, তাতে কি কেউ আবার পূজার আমোদে নাচ গাহনায় মত্ত হতে পারে? কিন্তু জানি কি, যদি দুর্ভিক্ষ নিবারণের জন্য পূজা হয়ে থাকে! তাহলেত নাচ গাহনার সম্ভাবনা নাই। ঐ যে কি বলে ঐক্যতান (কন্সার্ট না অরচেষ্টা) বাজে। আহা! এমন মিষ্ট বাজনা ত কখন শুনি নাই, ইচ্ছা হয় যে উহার ভিতর গিয়ে দুই দণ্ড কাল শুনি, কিন্তু অমনি কি যেতে দেবে? তা কাকেও জিজ্ঞাসা করি না কেন, যদি যেতে পাওয়া যায়। ঐ যে দর্শকমণ্ডল কি কাগজ হাতে দিয়ে প্রবেশ কছেন—টিকিট নাকি? ও বাবা পয়সার খেলা! তবে আর আমার ভাগ্যে কি করে ঘটবে? এত আর বেয়ারিং বিডেন গার্ডনের বায়ু নয় যে, যে সে পেট পূরে সেবন করবে? আর হুই একটা মিষ্ট বোল শুন্বে। তবে আর কি হবে, নুতন রাস্তা! হয়ে অবধি এক দিনও আসি নাই, দেখি একটু পূর্ষমুখে আরও যাই। এখান থেকে রাস্তাটির দিব্য শোভা দেখাচ্ছে। মাঠের ন্যায় ঘন ঘন গ্যাশের আলো, দুধারে দিব্য বাঁধানা ফুটপাথ, আহা! কিবা

অপূর্ষ শোভাই হয়েছে! ঐ যে কি বাবুর (?) সামান্য পুষ্কিরণীটির ধারে আবার কি? এখানেও যে বড় ধুমধাম, কিন্তু যেমন দেখে এলাম তেমন নয়! ঐ যেন টাকের নিকট টেনটেমির বাদি। বলি যাই হোক, একবার অগ্রসর হয়ে দেখতে হলে। ঐ ছোট কাষ্ঠের গৃহটির নিকট লোকের গোলমাল কেন? ঐ যেন রেলওয়ে কোম্পানির টিকিট ঘরের ন্যায়, টাকার মধুমাখা শব্দও বিলক্ষণ হচ্ছে, এখানেও কি টিকিট নাকি? বাবুভেয়েরাও যে প্রবেশের দ্বারে কি দিয়ে প্রবেশ কছেন। আহা! এ রাস্তাটি কি গুলজার। ঐ যে লক্ষ্মেয়ের হাজরৎগঞ্জ অপেক্ষাও অধিক দেখছি? এখানেও যে আবার কি বাজতে লাগল; কিন্তু আগে যা শুনেছি তেমন নয়। আমার ত আর পয়সা নাই, ঐ পুষ্কিরণীটির বাটের উপর বসে একটু শুন্লে বোধ হয় কড়ি কি পয়সা চাইবে না। বিডেন ক্রীটের এই সুদৃশ্য গৃহগুলি যেন হিন্দুর দেবালয় হয়েছে, তজ্জন্য বার যেমন সাধ্য এই মধুবারে সে সেইরূপ পুজা দিচ্ছে। আমরা পাড়াগাঁয়ে লোক, এসকল কখন দেখি নাই, তাতে পয়সা নাই, সুতরাং আমাদের মনের দুঃখ মনেতেই রক্তে। দেখতে দেখতে রাত্রি দুটো বেজে গেল এবং সব বাবুভেয়েরা একে একে বাহির হতে লাগলেন, আর বাজনা শোনা যাচ্ছে না, তবে কি করি, পুনরায় পশ্চিমদিকের রাজপথে বাহির হই, এবং ক্রমান্বয়ে প্রথম আড়ডায় পৌঁছে শুন্লাম যে তথায় এখনো আমাদের কোলাহল প্রবাহিত হতেছে, কাজেই একটু রাস্তায় দাঁড়াইয়া রহিলাম, যদি সেই সুমধুর বাজনা পুনরায় শুন্তে পাই, কিন্তু আর কিছুই শোনা গেল না। অতঃপর বিডেন বাগানে প্রবেশি হয়ে বরফের ন্যায় শীতল বায়ু সেবন কন্তে লাগলুম। (ক্রমশঃ।)

কৃতজ্ঞতা স্বীকার ।

আমরা কৃতজ্ঞতা সহকারে স্বীকার করিতেছি যে শ্রীশ্রীমতি মহারানী স্বর্ণময়ী আমাদিগের এই মাসিক পত্রিকার উন্নতি বিষয়ে বিশেষ সাহায্য দান করিয়াছেন, তজ্জন্য আমরা তাঁহার কৃতজ্ঞতাশৃঙ্খলে চিরকাল আবদ্ধ রহিলাম। এক্ষণে আমাদিগের ঈশ্বরের নিকট ঐকান্তিক কামনা যে উপরোক্ত সদাশয় মহোদয়া দীর্ঘ জীবী হন, এবং তাঁহার দানশীলাতার জয়পতাকা চিরদিনের জন্য বঙ্গে উড়্ভীয়মান থাকে।

দুর্ভিক্ষ ।

উঠছে দুর্ভিক্ষ বড় কাঁপাতেছে দিক,
ধানেন্দু দফা জল্ অভাবে হয়েগেছে ঠিক!
এই মধ্যেই চালেব্ বাজার হল এত চড়া,
সর্বনাশ ছেলেপুলে লয়ে ঘর করা!
চালেব্ দায়ে বেচাল্ হলো ভারতবাসী সবে,
গরিব বাজালী লোকে কত আর গো সবে!

দাদা,—কত আর গো সবে!

বড় হজুর নাকি ভাই দয়াময় বড়,
দেশ বিদেশে চা'ল এনেছেথা কচ্ছেন্ জড়,
স্থানে হবে গোলা রাখতে প্রজার প্রাণ,
অনেক বড় লোকে নাকি দিচ্ছে তাতে দান!
গরিব যারা খেটে তারা পাবেখাবার চা'ল,
মধ্যবিতে মারা যাবে এবড় জঞ্জাল!

দাদা,—এবড় জঞ্জাল!

ভারত থেকে লক্ষ্মী বুঝি গেছে দ্বিপান্তর,
তাইতে দাদা চা'লেব্ ক্রমে বাড়ছে এত দর
এখনি অনেকের হাঁড়ি উননে চড়ে না,
এই পরেতে খাদ্য বিনা প্রাণে বাঁচবে না!
মধ্যবিতেব্ মানেন্ দায়ে প্রাণটি এবার যাবে,
তারা বনো বেসী টাকাকোথাথেকে পাবে?

দাদা,—কোথা থেকে পাবে?

চাকরী করা তাদের এখন একমাত্র আয়,
বাঁধা টাকার উপর তাদের নির্ভর এদায়।
সংসারেতে দশজন হলো এক জন রোজকারী,
বাজালিদেব্ ঘরে থাকা হয়েছে বাকুয়ারি!
সাইবিচলে স্ত্রীপুরুষে যারা ঘর করে,
তারা এবার থাকবেসুখে সাহেবি চাল ধরে!

দাদা,—সাহেবি চাল ধরে!

আমরা তো ভাই হিন্দুব্ ছেলে নিত্যনুতন কায়,
দুর্ভিক্ষ এশক শুনে মাথায় পড়ে বাজ!
তাতে কবার চেকাগেছে দুর্ভিক্ষের-হাতে,
এবার ভাই প্রাণটি যাবে সন্দনাইকো তাতে!

রাজার কৃপা হলে পরে দেশটি রক্ষা হয়,
এবার দেখছি ভারতবাসীর বিপদসহজ্জয়!
দাদা,—বিপদ সহজ্জ নয়!
মহারানী ভিক্টোরিয়া থাকেন্ সাগরপারে,
বড় সাহেব্ প্রতিনিধি রাজা বলি তাঁরে,
তিনি যদি কৃপাকরে দেব্ প্রাণ দান,
তবে ভারতবাসীর রক্ষা নইলে যমের টান।
এবার যদি তিনি গিয়ে থাকেন্ সিম্লায়,
তবে বল প্রজার বিপদকে আর গো সাম্লায়!

দাদা,—কে আর গো সাম্লায়!

আমরা তো ভাই পাড়ার জৈনানি কোঅত,
শুনেছি সহরে নাকি বড় মানুষ যত,
সভা করে এবিষয়েব্ কচ্ছেন্ আন্দোলন,
গরিব লোকেব্ প্রাণরক্ষাব্ হচ্চে আয়োজন
তাড়াবেন্ দুর্ভিক্ষ তাঁরা করেছেন মনন,
রাক্ষসী কি তাঁদের ভয়ে কর্কে পলায়ন?

দাদা,—কর্কে পলায়ন?

শুন্তে পাচ্ছি বড় হজুর করেছেন উপায়,
অপ্পথেলে এদুর্ভিক্ষে প্রজা রক্ষা পায়,
এ কথাব্ তো ভাববুঝতে আমরা নাহি পারি,
ক্ষুধার সময় আমরা ভাই অপ্পথেতে নারি!
পেট্টা ভরে বাজালিরা খেতে নাহি পাবে,
তবেতো গো বাজালিদের প্রাণটি এবার যাবে

দাদা,—প্রাণটি এবার যাবে!

ধান্য জন্য মান্য গন্য এই বঙ্গ দেশ,
হায় তাতে ধান্য নাই, কি হইবে কোথা যাই,
বিধির কি বিধি এই শেষ?
অলিঙ্গ কলিঙ্গ নাই বঙ্গের সমান,
সে বঙ্গতে মনস্তর, একি দায় ঘোরতর,
এবার বাঁচে না বুঝি প্রাণ।

মারীভয়ে প্রাণী মরে গ্রাম গেছে কত,
তারোপর এবিপদ, গেল গেল জনপদ,
আপদ নাহিক এর মত।

বৃষ্টি বিনা সৃষ্টি যায় প্রলয়ের প্রায়,
রাজা প্রজা অনুক্ষণ, দুঃখ নিরে নিমগন,
রব মাত্র হায় হায় হায়!

যত সব মহাজন মহাজনি করে,
দুর্ভিক্ষের নাম শুনে, তপ্পল বাঁচে দিগুণে,
নূতন পুরণ অগ্নি দরে।

এদিকেতে জমিদার ডাকে চাষাগণে,
যদি কিছু পাওয়া যায়, চাষা বলে হায় হায়,
মাপ কর ধরি হুচরণে।

“ন দেব সৃষ্টি নাশয়” এই বাক্য ধরি,
আগে পাছে জনগণ, নয়নে বারি বর্ষণ,
করি রাখে জীবনের তরী।

বাহির হয়েছে এক চাঁদা রূপ ধাঁদা,
যার লাগি ধনী মানী, মুখ আদি করি জ্ঞানী,
সমবাস্ত কিন্তু মার কাঁদা।

খানায় খানায় আর জেলায় জেলায়,
মজুরের জন্য কাজ, নাহি তাহে কালব্যাজ,
সর্ব স্থানে দিতেছে রাজার।

চাঁদার আদায় শুনি তিন লক্ষ টাক',
হাল সাল চাল কিনে, দানদিবেদীন হীনে,
মাদা কথা কিন্তু বড় বাঁকা।

থিয়েটার ওয়ালারা করিতেছে রঙ,
যত সব বাবুভেয়ে, হেলে দুলে ধেয়ে ধেয়ে,
যান যেন চুঁ ছড়ার সঙ।

কটাক্ষ করে না কেহ দুর্ভিক্ষের প্রতি,
রিলিফের বেনিফিটে, দিয়েছেন ফাঁটা ছিটে,
গোটাকত টাকা কষ্টে অতি।

লোক দেখান দান ধ্যান মনগত নয়,
তবু ভালবলতে হয়, স্বার্থিকেতে হলো ব্যয়,
অনাথের হইবেক শ্রয়।

নাট্যওয়ালাদের টাকা নয় ছয় হয়,
বাঁড়ে ভাঁড়ে মদে মাসে, কিছু নাহি যায় বাসে,
এ প্রবাদ আছয়ে নিশ্চয়।

বাজার হয়েছে হেথা অগুন সমান,
সেখায় বাজার লয়ে, কত কথা হয়ে বয়ে,
যাইতেছে করে সপ্রমাণ।

ভাগ্যবল আমাদের নথক্কর রাজা,
প্রজার বজায়াশয়, ত্যাজি সিমুলিয়ালয়,
গবর্ণমেন্টে করিলেন তাজা।

বিলাত আমেরিকার চাঁদার কারণ,
তদ্রকুল অনুকুল, করিবারে সুপ্রতুল,
তুলিছেন টাকা অগনণ।

তারি তারি লোক সব বড় জারি যার,
নাম ধাম আছেবেস, অপব্যয় এক শেষ,
দুর্ভিক্ষেতে কি হইল তাঁর?

কিদেশী বিলাতী যত কাগজওয়ালো,
পূর্ণ করিছেন শুভ, দুর্ভিক্ষের বড় দস্ত,
পাঠকেতে হইয়াছে কালো।

যা আছে কপালে হবে তবের এখেলা,
সকলের সমদুঃখ, সকলের ফাটে বুক,
বেহ করে না করিও হেলা।

রাগিনী কেদারা—তাল আড়াঠেকা।
ভীষণ দুর্ভিক্ষ বঙ্গে প্রবল হইল হায়!
কি করিব কোথা যাব, তবে না পাই উপায়।
দিন দিন তনুক্ষীণ, হইতেছে দীন হীন,
হয়ে উপায় বিহীন, সহরে কি হলো দায়।
চারিদিকে হাহাকার, দেশেথাকে সাধ্যকার
মধ্যবিতেব্ বাঁচাতার, কে কহিবে দুঃখকায়।
রাজ প্রতিনিধি যিনি, প্রাণপণ করেন তিনি,
ভাগ্যবল আমাদের, আছেন রাজা সহায়।

শ্রীবীরাজনা কাব্যোত্তর কাব্য।

তৃতীয় সর্গ।

রুক্মিণী প্রতি শ্রীকৃষ্ণ।

[কবিবর মাইকেল মধুসূদন দত্ত প্রণীত শ্রীবীরাজনা কাব্যে তৃতীয় সর্গে ভীষ্মক-হুহিতা রুক্মিণীদেবী ভগবান্ শ্রীকৃষ্ণকে যে পত্রিকাখানি দিয়াছিলেন, দ্বারকানাথ তাহার প্রত্যুত্তরে নিম্নস্থিত পত্রিকা খানি প্রেরণ করেন। পুরাণাদিতে বর্ণিত আছে “কমলাংশসমুতা রুক্মিণীদেবী আজন্মাবধি যদুপত্যিকে মনে বরণ করেন, কিন্তু তাঁহার জ্যেষ্ঠ ভ্রাতা রুক্ম শিশুপালকে বর স্থির করিলে রুক্মিণীদেবী দূত দ্বারা শ্রীকৃষ্ণকে সংবাদ দেন, সেই সংবাদ পাইয়া ভগবান্ রুক্মিণীকে হরণ করেন ইত্যাদি” যদিও শ্রীকৃষ্ণের প্রত্যুত্তর কোন স্থলেই উল্লেখ নাই, কিন্তু এটি মনে করা কর্তব্য যে এ কাব্যখানি কম্পনাভূত, সুতরাং এ উক্তরও সেই কম্পনার উপর নির্ভর করিয়া লিখিত হইল।]

চম্পক-লাঞ্ছিতাঙ্গুলি-বিনির্গতা লিপি
সুখময়ী, পেয়ে পড়ি, তাসি মুদারবে!
শম্যবৃক্ষ শুষ্ক প্রায় হ'লে, হল জীবী
হেরি ঘন ঘন হয় আনন্দিত যথা!
তব হুল্লভ মানব রূপ যেই দিন
শুনিয়াছি লোকমুখে, তদবধি তব
রূপ নয়নে জাগিছে। তুমি পঞ্চজিনী,
আমি রবি প্রায়, নাহি থাকিলে নিকটে
অর্ক, তবু উভয়েতে প্রেমরজ্জু পাশে
বদ্ধ; বলে লোকে, রবি কমলিনী পতি।
শুনিয়াছি রুক্ম তব সহোদর, বর
চেদীশ্বর শিশুপালে করিয়াছে স্থির।
অয়ি স্থির সৌদামিনী! একথা সম্ভব
কতু তেকে পদ্মিনীর মধুকরে পান?
লক্ষ্মী অবতীর্ণা তুমি মম ভোগ্য হয়ে
জন্মিয়াছ তবে; যবে স্বয়ম্বর হবে
তব, চড়ি খগরাজে হরিব তোমারে।
অসেচনক রূপিনী, জেন, নাহি পারে
পিতে গোময় কীটে কতু বিনা অলি

পদ্মজিনী মধু! তুমি প্রিয়ে, হৃদয়েশী
মম! তোমার বিচ্ছেদে আছি প্রাণে, যথা
দক্ষ-যজ্ঞে সতী দেবী তেজিলে জীবন,
পঞ্চানন, যদবধি হিমালয়ালয়ে
নাহি জন্ম লয়ে হল মিলন-উভয়ে।
ছিল প্রণয়িনী রাখা, তাঁর লক্ষ্মী-অংশে
জন্ম, কিন্তু তুমি পূর্ণা হয়ে জন্ম লয়ে
হরে নিলা অংশতব, যথা হরে ছিল
রাম অবতারে ক্ষত্রকুল নাশকারি
ভৃগুরাম হতে। বৃথা নাহি করো ভয়,
আমি স্মরণ শরণ! হয়ে প্রেমবশ
ধরেছি রাখার পদে, হুল্লভ প্রণয়
রস করিয়াছি পান, জানি তার তার!
তুমি মম প্রণয়িনী, তদ্ধাঙ্গিনী আর,
যথা মহাদেবী মায়া ত্র্যম্বকাদ্বাঙ্গিনী
হন। জেন যথা কোঁষকীট কাটে কোষ
যবে, কোথাহতে আসে পতি প্রজাপতি,
তথা যথা থাকে, তাহা সকলেই জানে।

সেইরূপে তব পাশে যাব, মিথ্যা কেন
চিন্তা বহ্নিমাঝে পশি কর দেহ দাহ।
তুমি আমার রমণী, কার সাধ্য লয়
তোমারে থাকিতে চক্র শারঙ্গ কোদণ্ড,
গদা, করেছে? কেহ কি বলে প্রাণে সয়ে
বসে থাকে, যদি নিজ রমণীকে বলে
কেহ হরে? কতু হয়, লতে পারে হরে,
থাকিতে শাদ্দুল পতি সম্মুখে বসিয়া,
শিবা ব্যাস্ররমণীরে, স্বীয় দলবলে?
শিশুপাল হয় মম অরি, তারমৃত্যু
মম করে, কিন্তু সে যে পিতৃঃস্বসৃ-পুত্র,
তাই ক্ষমিব তাহারে শতবার, যদি
করে দোষ। শুন বলি পূর্বের কাহিনী—
যবে শিশুপাল জন্মাইল, তদা করে নাদ
অশ্বসম, চতুর্হস্ত-ধারী, অসম্ভব
নরমাবে, সেই কালে হ'ল দৈববাণী
গভীর রবেতে—“যেই পর্শিলে এ স্মৃতে
খসিবে দ্বিকর, তার হস্তে হবে এর
মরণ নিশ্চয়” শুনি চেদীদেশ-জন
চমকে সত্রাসে, যথা দাবানল হেরি,
হরিণীর ত্রাস। যদু-বংশজাতা হন
তার মাতা, লোকাচারে সে কারণে আমি
হলধর, উভয়েতে যাইবু দেখিতে।
আমি স্নেহ-জ্বলে তারে লইলাম অঙ্কে,
অমনি খসিল হস্তদ্বয়, যথা সতী
তেজিলে জীবন, হর-শীর হ'তে জটা।
অমনি শীহরে পিতৃস্বসা, সবিনয়ে
সজল নয়নে মৃদুস্বরে বলে—“বৎস্য
কৃষ্ণ! রেখ মম বাণী, এ সন্তান যদি
করে তব, অপরাধ শত, মোর বাক্যে

ক্ষমিবে তাহ'লে, মম দিব্য লাগে,” শুনি
করিলাম অঙ্গিকার, শতবার এরে
ক্ষমিব নিশ্চয় মাত, তোমার বচনে!
অদ্যাবধি করি ক্ষমা সেকারণে তারে,
কিন্তু দৈববাণী নাহি হইবে অন্যথা।
দৈবে যাহা করে, তাহা কে করে বারণ
দুরাচারী দশস্কন্ধ, করি পদ্মযোনী
আরাধনা, লভেছিল বর, দেব যক্ষ
রক্ষ, পক্ষী নিকটেতে নাহবে মরণ,
মনে ছিল নর কপি দুই খাদ্য দ্রব্য,
কিন্তু দেখ শেষে তারি করে সবংশেতে
অকালে কালের গ্রাসে হইল পতন।
অবশ্য মরিবে মম হাতে, শতবার
ক্ষমিব তাহারে, কিন্তু হেরিলে কৃশানু
পতঙ্গ তখনি যায় তাহার নিকটে,
কৃপা-বশে সাধুজন করয়ে বারণ।
অবশ্য তোমার আশে দুষ্ট প্রাণপণে
জুঝিবে সদলবলে, রুক্ম তব ভ্রাতা,
সেও তার পক্ষ হবে, তাহে কিবা ভয়—
সুবর্ণ-কোমল-পদ্ম-নিন্দিত-বরণি!
শিবাদল যদি বেড়ে পশু-রাজে, তার
কি করিতে পারে? যদি ভেক দলে আশ
করে নাশিব করিরে, জুঝিয়া সংগ্রামে,
কখন সে আশা-লতা নাহি ধরে ফল,
প্রাণেশ্বর, মরে শেষে পদের চাপনে!
শিশুপাল শিশু-বুদ্ধি, সামান্য রমণী
ভাবি, বরিবেক ইচ্ছা করি প্রণয়িনী!
মুঞ্চ সে তব রূপেতে, বায়সেতে যথা
করি শালমলীর পুষ্প-মধু পান ইচ্ছে
পিতে, মধুর মধুর ভূষণ নুতন

কাঁচরাপাড়া প্রকাশিকা ।

-মঞ্জরীর মধু । প্রিয়সী, নির্লজ্জ
জেছ বর সাজন ! বাজিছে বাজনা,
নন্দে ভাসিছে আজি চেদীদেশ জন ;
যাছে আজ্ঞা, করিতে মহোৎসব নানা,
জতেছে রাজ-হর্ম্য পুরাঙ্গনা ব্রজ
ধি অক্ষ, সমতনে করিছে গঙ্গল,
পাছে কদলী-তরু প্রতি গৃহদ্বারে
ঘট আম্রশাখা সহ, গৃহ-চূড়ে
যেয় পতাকা নানা রাগেতে রঞ্জিত
উছে পবন-যোগে । কিন্তু হায়, যথা
য অবতারে নৃপ দশরথ রামে
বরাজ্যে অভিষেক আশে, অধিবাস করি
নন্দে ভাসিয়াছিল সহ প্রজাদল,
যে কৈকয়ী কৌশলে দিলে বনবাস
মে, দুঃখ-সাগরেতে পশেছিল সবে,
চমতি ছরন্ত দর্প চূর্ণেতে পশিবো
পরে জ্ঞান বদনে, যেমতি শুধাংশু
প্রতিপদ শোভে অম্বর-উপরে !

প্রিয়ে, মিথ্যা চিন্তা হিংস্র পশু মন বনে
পশিতে না দিও কভু, ও কমল কান্তি
যাহে হইবে মিলন ! তাকি প্রাণে সহে ?
এই আমি চড়িলাম খগরাজে, করে
লইনু শারঙ্গ-ধনু, পাঞ্চজন্য শঙ্খ—
অরিকুল মর্ম্মভেদি রব, গদা চক্র—
শক্রন্দম, যাইতেছি আশু, কেবা রোধে,
সিন্ধুস্রোত রুধিবারে পারে সাধ্য কার ?
স্বয়ম্বর স্থলে বলে হরিব তোমারে,
যথা মৃগাক্ষে কৌশলে হরেছিল দেবে ।
চির বিচ্ছেদ অন্তর লভি হৃদি মাঝে,
ভুঞ্জিব অশেষ সুখ, আর কি লিখিব,
অচিরে সম্মুখে বসি, উভয়ে অন্তর
কথা বলি, মুখে মগ্ন হব, নিষ্কলঙ্ক
বিধু নিন্দি ওবদন সুখা পিয়ে মগ্ন
এ চিন্তচকোর হবে মুখী, ও যৌবন
ধন, মন রূপ পণে, বিনিময় করি
লব । তোমারি অধীন নিবেদন ইতি ।

বিজ্ঞাপন ।

কাঁচরাপাড়া প্রকাশিকার চতুর্থ খণ্ড প্রকাশিত হইল, এক্ষণে বিদে-
হ গ্রাহকবৃন্দের নিকট আমাদের সানুনয় নিবেদন যেন তাঁহারা
এই খণ্ড প্রাপ্ত মাত্রে অনুগ্রহ সহকারে তদ্বিভাগীয় “এজেন্টের”
নিকট স্ব স্ব দেয় মূল্য প্রদান করিতে আর বিলম্ব না করেন ।

কাঁচরাপাড়া প্রকাশিকা ।

মাসিক পত্রিকা ।

“নির্ম্মলসরাঃ মুকুতিনঃ খলুযে বিবিচ্যা, কল্পে গুণস্য কণমপ্যবতংসয়াস্তি ।
যেষাং মনো ন রমতে পরদোষবাদে, তে কেচিদেব বিরলা ভূবি সঞ্চরন্তি ॥”

১ম ভাগ ।

১২৮০ সাল—চৈত্র ।

৫ম সংখ্যা ।

কুসুমিকা ।



প্রণয়ে কি না হয় !

ষষ্ঠম পরিচ্ছেদ ।

আহারোদ্যোগ—আমি কি আমার ?

চপলা শৈলেশ্বরের নিকট হইতে কুসুমিকার গৃহ দ্বারে উপস্থিতা হইয়া দেখেন
কুসুমিকার বামকরে গুণ্ড সংস্থাপিত নয়ন অশ্রুজলে প্লাবিত ও বিস্ফারিত, মন যেন
ধ্যানধারণা করিয়া রহিয়াছে । কোন কবি বলিয়াছেন,—“বিয়োগিনীর লক্ষণ
যোগিনীর মত ।” কিন্তু আমাদিগের কুসুমিকার সে সকল থাকিতে ও নয়ন নাসিকো-
পরি সংস্থাপিত নয় ; ঐ দেখুন দৃষ্টি উদ্ধ দিকে ! চপলা কুসুমিকার নিকট গেলেন,
কিন্তু কুসুমিকা তাহা জানিতে পারিলেন না ! এ আশ্চর্য্য তাব ! চক্ষুমুদ্রিত নয়
অথচ দৃষ্টি হীন ! চপলা বলিলেন,—“দিদি শৈলেশ্বর” —চপলার রসনা আজ
শৈলেশ্বরের নাম করিতে কিছু কুণ্ঠিত হইল । —“শৈলেশ্বর বলিলেন—“আগামীকল্যই
আসিবেন, আপনি অত ভাবিতেছেন কেন ? আপনি আহার করেন নি শুনে তিনি
আমাকে কত বল্লেন !” কুসুমিকা চপলার সকল কথা শুনিতে পাইলেন না, সদীর্ঘ
নিঃশ্বাসে বলিলেন,—“চপলে, কি বলিতেছ ?” চপলা—“আপনি এখনও
পূর্ব্বের ন্যায় রহিয়াছেন ? শৈলেশ্বর বলিলেন তিনি আগামী কল্যই আসিবেন !”
কুসুমিকা—“কে আসিবেন চপলে ?” চপলা—“আমাদের রাজপুত্র কুল গৌরব,
এই দ্বিপের বা পৃথিবীর অধীশ্বর, যিনি আপনার এই দশা করিবার কর্তা !”
কুসুমিকা চপলার মুখে সম্মেহ দৃষ্টি নিষ্ক্ষেপ করিলেন, কোন কথা কহিলেন না !

চপলা পুনরায় বলিলেন,—“তবে এখন উঠুন, এখনও তো মুখে জল দেন নাই, এই খানেই কি আহার করবেন?” কুমুমিকা বলিলেন,—“এখনও বিলম্ব আছে, আচ্ছ। শৈলেশ্বর কি বলিলেন তিনি আগামী কল্যই আসিবেন!” “হাঁ, তিনি বলিলেন। আর আপনি এখনও আহার করেন নি শুনে অনুরোধ করলেন এবং আমাকে নিন্দা করলেন!” চপলার এই কথা শুনিয়া কুমুমিকা বলিলেন,—“তবে বুঝি আমি আহার করিনি শুনেই একথা বলে থাকবেন?” চপলা বলিলেন—“না, তিনি নিশ্চয় বলেন, আগামী কল্যই আসিবেন, এখন আহার করুন!” কুমুমিকা বলিলেন,—“তবে কল্যই আহার করিব!” এও কি কথা? না খেয়ে শরীরটা নষ্ট করিবেন কেন? এ রকম শুনিলে লোকে কি মনে করিবে? তিনিই বা আমাদের আসিয়া কি বলবেন?” “তবে আন”—কুমুমিকার এই কথা শুনিয়া চপলা চলিয়া গেলেন। কুমুমিকা পুনরায় বামকরে গণ্ড সংস্থাপন করিলেন, তাঁহার চক্ষু হইতে পুনরায় জলধারা পতিত হইতে লাগিল, কপোলবাহি জলধারা উরস কুচদ্বয় সিক্ত করিয়া ক্রমশঃ আসন স্পর্শ করিল, হৃদয় কাঁপিতে লাগিল। নিশ্বাসরুদ্ধ—ক্ষণ বিলম্বে দীর্ঘ শ্বাস? “কাল কি আসিবেন? এলেই বা কি হবে! তিনিতো এই সে দিন এসেছিলেন; আবার কোথায় যাবেন! না, আমি এবার যাইতে দিব না, তা'কোন বারেই বা যাইতে বলে থাকি? না, এবারেতে বলেছেন আর এখন কোন খানে যাবেন না, অনেকবারই তো ওকথা বলিয়া থাকেন! প্রাণিগীর অনুরোধ, দাসীর অনুরোধ রাখিবেন না? রাজপুত্রের নিকট যুদ্ধের অনুরোধ সর্বাপেক্ষা প্রধান; যা'হ'ক এবার তিনি আসিয়া যদি কোন স্থানে যাইতে চাহেন, তবে আমি তাঁহার সম্মুখেই এই চিরদন্ধ জীবন বিসর্জন দিব! তিনি কি কাল আসিবেন? হৃদয়, একথা তোমার একবারও বিশ্বাস হইতেছে না! কুমুমিকা সবিস্ময়ে অশ্রুটস্বরে সদীর্ঘ নিশ্বাসে এই কয়েকটি কথা উচ্চারণ করিলেন। চপলা খাদ্যদ্রব্য হস্তে তিন জন রমণী সহ পুনরায় প্রবেশ করিয়া বলিলেন,—“তোমরা রাখিয়া যাও!” তাহারা গৃহের একপার্শ্বে খাদ্যপূর্ণ পাত্রগুলি রাখিয়া চলিয়া গেল। চপলা কুমুমিকাকে বলিলেন,—“দিদি, মুখে জল দিন!” কুমুমিকার তখন হৃদয় অস্থির” তিনি বিস্ফারিত নয়নে চপলার মুখে দৃষ্টিপাত করিয়া কহিলেন,—“কি বলিতেছ?” “আপনি অতো অধৈর্য্য হইলেন কেন?” আপনার কি সকলই পরিবর্তন হইয়াছে? আপনি যে আমার যথেষ্ট স্নেহ করেন, আপনি বৈ আমার আর কে আছে? আপনি যদি নিরন্তর এই ভাবে থাকেন, তবে আর আমার জীবনে মুখ কি? আমার অত্যন্ত দুর্ভাগ্য! চপলা এই কয়েকটি কথা বলিতে বলিতে চক্ষুতে অশ্রুচিহ্ন প্রকাশ হইল। কুমুমিকা চপলার দিকে দৃষ্টি পাত করিয়া বলিলেন,—“চপলে আমি কি আবার?”

সপ্তম পরিচ্ছেদ।

যাত্রা—শিব-শাস্ত্র!

পাঠক মহাশয়, চপলা যখন আছেন কুমুমিকার আহার করিতেই হইবে; এখন আর এখানে থাকা উচিত নয়, চলুন একবার গ্যালো অন্তরীপের সহিত রণজয়ের যুদ্ধ তরী দেখিয়া আসা যাক! লেখকের লেখনী চঞ্চলা—স্বভাবতই চঞ্চলা—এক স্থানে স্থির থাকিতে চাহে না; এখন একেবারে রণজয়ের নিকট যাইতে সমুদ্র তরী, কিন্তু বোধ হয় আপনার মন চপলার অভিনয় স্থান হইতে যাইতে অনিচ্ছুক। রমণীর অভিনয় স্থান হইতে কোন ব্যক্তি বীর পুরুষের ভয়ানক অভিনয় দেখিতে বাঞ্ছা করে, বিশেষতঃ আমরা তো বঙ্গবাসী! এই তো সেই সমুদ্র তরী! এই তো সমরসিংহ নন্দভাবে দাঁড়াইয়া রহিয়াছেন! এ কে? রণজয়, এ বেশ কেন? মহামুদীয় ধর্ম গৃহিতের ন্যায়, শ্মশ্রু ও গুল্কে বদন মণ্ডল আচ্ছাদিত! এই কি সমর বেশ? হ'বে—সৈনিক পুরুষের চলনা বোঝা অতি কঠিন! এখন প্রদোষ! সূর্য্যদেব সমস্ত দিন প্রভুর আজ্ঞা প্রতিপালন করিয়া বিরক্ত হইয়া উঠিয়াছেন। মুখ আরক্ত; দৃষ্টি তীব্র; শীঘ্র গমনে বিশ্রাম স্থানাভিমুখে চলিলেন! পক্ষিগণ সূর্য্যদেবকে বিদায় লইতে দেখিয়া তাঁহার কার্য্য-পালনের অভিনন্দন স্বরূপ উচ্চস্বরে সাধুবাদ আরম্ভ করিল। চতুর্দিকস্থ কুমুম হইতে পুষ্পগন্ধ হরণ করিয়া বায়ুদেব সেই স্থান আমোদিত করিয়া তুলিলেন। সকলের অবস্থা সমান হয় না, তরঙ্গমালা সমুদ্র সূর্য্য করে তপ্ত হইয়া বাহ্যিক কষ্ট ভোগ করিতেছিলেন, এক্ষণে তাঁহার সেই তাপ শান্তির পূর্বরূপ লোহিত মূর্তি হইয়া উঠিল, কিম্বা লোহিত কটাক্ষে সূর্য্যদেবকে তিরস্কার করিতেছেন! সেই সময়ে কাল সুলভ গগনমণ্ডল ঘন ঘটায় আচ্ছন্ন হইল! বিদ্যুৎপাত, বায়ু সঞ্চালন বন্ধ হইল! রণজয়ের আদেশে সমুদ্র পোতের চতুর্দিকে নঙ্গর হার দৃঢ়বদ্ধ হইতে লাগিল! বায়ুর প্রবলতা! মেঘের গর্জ্জন! ঘন ঘন বিদ্যুৎপাত;—ক্রমশঃ ঝড় উঠিল! সমুদ্র তরঙ্গ বৃদ্ধি! বৃষ্টি!—পোত খানি হেলিতে দুলিতে ও সমস্ত গুণকাঠ কম্পিত হইতে লাগিল; সকলে ব্যস্ততা পূর্বক পোতের রক্ষা কার্য্যে নিযুক্ত হইলেন। সেচনী যন্ত্র দ্বারা জল সেচন হইতে লাগিল! অপেক্ষাকৃত বায়ুর বেগশান্তি, বৃষ্টি বৃদ্ধি হইল! সমরসিংহ বলিলেন,—“আর ভয় নাই! ভরায় এ উপদ্রবের শান্তি হইবে!” ক্রমশঃ গগনমণ্ডল পরিষ্কৃত হইয়া উঠিল!—ঝড় ও বৃষ্টির শান্তি!

কৃত্রিম বেশ বিভূষিত রণজয় যুদ্ধ বেশ বিভূষিত সমস্ত সৈন্যগণকে সম্বোধন করিয়া বলিলেন,—“আজ তোমাদের গুণ গৌরব বৃদ্ধি হইবে!—তোমরা সকলে বীরবর! সমরসিংহের আদেশ মত কার্য্য করিবে! দেখ, যেন তাহার অন্যথা

হয় না! ” সকল সেনাপতিরা মস্তকাবনত করিয়া সাহ্লাদে—“ যথা অনুমতি ”—
বাক্য উচ্চারণ করিলেন। রণজয় ইষ্ট দেবতাকে স্মরণ করিলেন।—এখনো
কি তাঁর স্মৃতিপথে কঠিন হৃদয়ে প্রনয়িনীর মোহিনী ছবি অঙ্কিত আছে? না,
তিনি যে কুসুমমালা বিসর্জন দিয়াছেন! তবে রণজয়ের মুখ ওরূপ কেন?
ইষ্ট দেবতা স্মরণে কি নয়ন সজল হইয়া উঠিল? না, প্রসূরে যখন যা অঙ্কিত
হয়, তাহা বহু যত্নেও যায় না! রণজয়ের হৃদয় প্রসূরে যাহা খোদিত,
তাহা হঠাৎ যাইবার নহে। রণজয় অঙ্গ হারিলেন, এ হারির অর্থ কি? “ মন,
এখনো ভুলিতে পার নাই?” পুনরায় ইষ্ট দেবতাকে স্মরণ করিলেন, পারিষদবর্গ
অনুচ্চ শব্দে জয়োচ্চারণ করিল! সম্মুখস্থ পুরোহিত নির্মালা প্রদান করিয়া আশী-
র্বাদ করিলেন। “ পশুপতি, রাজপুত্র কুলের গৌরব বৃদ্ধি করুন ও তোমার
সেবকেরা নিষ্কণ্টক হউক ” বলিয়া সকলের মুখেরদিকে চাহিলেন! দেখিলেন,
সকলের মুখেই জাহঙ্গীর সাহসের চিহ্ন বর্তমান! তাঁহার সাহসের দ্বিগুণ বৃদ্ধি
হইল! তাবিলেন, আশা-লতা অঙ্গুরিতা! পার্শ্বদেশেই সমরসিংহ উপস্থিত!
তাঁহাকে লক্ষ্য করিয়া পুনরায় কহিলেন,—“ সমর, সতর্ক থাকিও! ” সমরসিংহ
মস্তকাবনত করিলেন। আকাশের দিকে দৃষ্টিপাত করিয়া দেখিলেন, তখনও
চন্দ্রমা কুমুদিনীকে প্রস্ফুটিত করিতে পারেন নাই এবং তখনও তাঁহার ছবি পশ্চি-
মাংশে অধিক হেলে নাই! এই সময় একখানি ক্ষুদ্রতরী রণজয়ের অর্ণব্যানের
নিকটস্থ হইতে লাগিল? রণজয় সাগ্রহে দৃষ্টিপাত করিয়া দেখিলেন, এক জন
গ্রীক দেশীয় সজ্জা বিভূষিত ব্যক্তি আসিতেছে। সেটি যে তাঁহাদিগের গৃঢ় চর
তাহা রণজয়ের সেই দৃষ্টিতেই প্রকাশ পাইল!

তরী খানি রণজয়ের পোতের নিকটস্থ হইল। উপর হইতে রজ্জু নিক্ষেপিত
ও উভয় তরী একত্রে বন্ধ হইল! আগন্তুক রণজয়ের মুখের দিকে তাঁহার অনুমতির
আশায় নতমস্তকে চাহিয়া রহিলেন। রণজয় বলিলেন, “ অজয় কি দেখিলে? ” আগন্তুক
উত্তর করিল,—“ আজ্ঞা সকলেই আজ সাহ্লাদে মত্ত, কোরণ নগর নানা সজ্জায়
বিভূষিত! সকলেই সহর্ষ চিত্তে আগামী কল্য যুদ্ধের জয় হইবে ভাবিয়া তাহার
নিশ্চয়ত্বসূচক নানা গল্প করিতেছে! রণতরী সমূহ রক্ষকশূন্য বলিলেও হয়!
কোন সৈনিকই বিশেষ সতর্ক নহে। মায়েদ অদ্য প্রমত্ত প্রায়! সুরাপান,
নর্তকী নৃত্য প্রভৃতিতে সময়ক্ষেপণ করিতেছে! আমি এত ভ্রমণ করিলাম, কেহই
কোন কথা জিজ্ঞাসা করিল না! মহারাজ, বলিতে কি ইহাদের মত অসাবধানী
সৈনিক পুরুষ আমি কখন দেখি নাই! ” রণজয় বলিলেন, তবে আর বিলম্ব
করা উচিত নয়! “ ভবপতি মজল করুন ” বলিয়া ক্ষুদ্রতরী আরোহণ করিলেন!
সকলে অনুচ্চশব্দে “ ব্যোম শিব ” শব্দ উচ্চারণ করিল, পুরোহিত স্বস্তিবাচন
পাঠ করিলেন। ” রণজয় শিব-শঙ্কু! বলিয়া প্রস্থান করিলেন।

উচিৎবটে নাটক ।

চতুর্থ গর্তাঙ্ক ।

হরিহরপুর—মহেশের বাটীর চণ্ডীমণ্ডপের সম্মুখ ।

সুরেশ চট্টোপাধ্যায় দণ্ডায়মান ।

সুরেশ। (স্বগত ।) আমার আগেই সন্দেহ হ'য়েছিল। উ! পাষণ্ড নরাধম
নারকীর অসাধ্য কিছুই নাই। মুখে সততা দেখালে, কি কর্তব্য! (চিন্তা)
বেটার সঙ্গে আর দেখা করব না, বাটী যাই, এর প্রতিফল দেবই!—না—
(চিন্তা) তা'হ'লে কোন কাষই হ'বে না। আমি সুরেশ চাটুয্যে! আমি
এর প্রতিফল দেবই! ও যেমন আমার স্ত্রীর পুনরায় বিয়ে দিয়েছে, আমি
তেমনি ওর স্ত্রী হরণ করব!—পাপ—একালে কি আর পাপ আছে?
তা'হ'লে এর এত দিন সমুচিত শাস্তি হ'ত। ওটা দেখতে মন্দ নয়, বেশ
লাল হ'য়ে উঠেছে; বুড় ভাতার,—ধনের লোভ দেখাব, গহনা দেব,
অবশ্যই স্বীকার করব! না হয়—বলপ্রকাশ! এগ্রামের সকল লোকেই
আমার পক্ষ হবে, সেখানকারও সকলে আমার পক্ষ। দেখি, কোথা-
কার জল কোথায় মরে! (হৃকাহস্তে মহেশের প্রবেশ ।)

মহেশ। (স্বগত) বেটাকি টের পেয়েছে না কি? কাল রাত্রেই বিদায় করা
ভাল ছিল! হরিবাড়ুয়ের সঙ্গে যদি দেখা হয়ে থাকে, তবেই তো দফা
রফা! (প্রকাশ্যে ।) সুরেশ,—বাবা ওখানে যে? বেলা হ'ল, স্নান
টান করব না; তোমার শাশুড়ী অন্ন ব্যঞ্জন রন্ধে বসে রহেছেন!

সুরেশ। না—আজ আর স্নান করব না,—আপনি যদি স্নান করেন কর্তেযান,
সকাল সকাল আমার বাটী যেতে হ'বে।

মহেশ। তা বাবা আজ আর নাইবা গেলে!

সুরেশ। না বাটীতে আর কেও নাই, মার শরীরটা অসুস্থ দেখে এসেছি, আজ
ই যেতে হ'বে।

মহেশ। তবে আমি স্নান করে আসি! (বাটীর ভিতর গমন ।)—

সুরেশ। (স্বগত ।) বেটার মুখে যত খুব! (বিনোদিনী ও কামিনীর প্রবেশ ।)
[দেখিয়া]—এদের চেনা চেনা বোধ হ'চ্ছে। এইখানে একটু বসি।
(উপবেশন ।)

বিনোদিনী। ভাই, ওই দেখ, ছোঁড়াটা এসেছে। এসব শুনেছে কি না ধর্ম জানে
ব'ন। কিন্তু আমারও ইচ্ছা হয় এখনি সব বলি।

কামিনী। আমার ও ইচ্ছা কচ্ছে, কিন্তু ছোঁড়ার সঙ্গে কথা কহাতো আর হয় না।

বিনোদিনী। কেন? মনে নাই, বাসর ঘরে গাল টিপে দিয়াছিলে, এখন কথা

কৈতে লজ্জা হয়?

কামিনী। তখন ভাই ছেলে মানুষটি ছিল, অনেক দিন দেখা নাই, এখন কথা
কহা কি ভাল?

সুরেশ। (স্বগত) এতো দেখছি কামিনী, ছুঁড়ীকে ডেকে জিজ্ঞাসা করলে হয়,
না—এখন কি কথা ক'বে, তবে ওখানে দাঁড়িয়ে কেন, দেখিই না, কি হয়!
(প্রকাশ্যে) কামিনী ঠাকুরি না?

বিনোদিনী। ও বন তোরে যে ডাকছে, শোন না কি বলে?

কামিনী। না ভাই,—আমার কথা কৈতে কড় লজ্জা হয়!

বিনোদিনী। মরণ আর কি? লজ্জা দেখে আর বাঁচিনা।

কামিনী। তুই কেন কথা কনা।

বিনোদিনী। আমায় যদি ডাক্ত আয়ি কথা কৈতাম।

সুরেশ। (স্বগত) কাষটা ভাল হয় নি। (মহেশের গামচাঙ্ক্রে প্রবেশ।)

বিনোদিনী। বন পোড়ার মুখো মিলে আশে, আমাদের দেখলে কি ভাবে,
চল এ দিকে দাঁড়াই। (উভয়ের পশ্চাৎ গমন।)

মহেশ। সুরেশ—বাবা, স্নান ক'রে আসি, তুমি চণ্ডীমণ্ডপে বসগে, জল খাওয়া
পর্যন্ত হ'ল না, আমি শীঘ্র আশি।

সুরেশ। আমুন তারজন্যে ভাবতে হ'বে না। (মহেশের প্রস্থান।)

ছুঁড়ীদের জিজ্ঞাসা করলে কিন্তু হত ভাল।

(কামিনী ও বিনোদিনীর প্রবেশ।)

বিনোদিনী। কি গো ভাল আছ তো, চিন্তে পার?

সুরেশ। তোমাদের দেশের লোককে চেনা ভার!

কামিনী। আমাদের দেশের লোকের দোষ কি?—

সুরেশ। দোষটা আর কি, যা এক মেয়ের দুবার বে।

কামিনী। তবে কি সব শুনেছ না কি?

সুরেশ। শুনে আর বাকি নাই, মেয়ে মানুষের যে কি মন তা কে জানে?

বিনোদিনী। তা গোলাপীর দোষ কি, সে ছেলেমানুষ, বুড় ডেকরা ম'ল, তা'সে

কি করবে? দোষতো তোমার, এত দিন একবার এ দিক মাড়ালে না?

তা আর এ ডেকরার বাটা রয়েছ কেন, এর বাড়ী কি জল খেতে আছে?

সুরেশ। এর একটা যা'হয় কর্তেতো হ'বে, তাই আছি।

কামিনী। বুড়র শেষ কালে এই বুদ্ধি হ'ল, মর্যার ভয় নাই!

বিনোদিনী। চল বন ডেকরা আবার আনবে। (সুরেশের প্রতি) আজই যা'বে কি?

সুরেশ। হাঁ আজই যাব, ভাল হল তবু দেখা হল।

কামিনী। তবে ভাই আমরা আসি। (উভয়ের প্রস্থান।)

সুরেশ। বাড়ীর ভিতর যাই, না এখন যদি বুড় সন্ধকরে, তবে কাষ উদ্ধার হ'বে না।
হস্তগত করে তার পর চেষ্টা, এতে পাপ ভয় কি? এইতো উচিত বটে!!!

(স্নান করিয়া মহেশের প্রবেশ) [দেখিয়া] বেটা আনছে।

মহেশ। চল বাবা বাড়ীর ভিতর চল?

সুরেশ। চলুন। (উভয়ের প্রস্থান।)

তৃতীয় অঙ্ক—প্রথম গর্তাঙ্ক।

গোপালপুর—সুরেশের বাড়ী।

(সুরেশ চট্টোপাধ্যায় ও প্রতিবাসী ভগবতী আসীন।)

ভগবতী। সত্য কি দাদা? বেটাকে দেখতে ধার্মিক, বেটার এই কাষ।
আমার ইচ্ছা করে এখনি গে এর প্রতিফল দিয়ে আসি, নরাদমকে
হত্যা করলে ভ্রমহত্যা তো দূরে থাকুক, গো হত্যারও পাপ হ'বে না।

সুরেশ। ভাই তোমার মত আমারও প্রথমে মন হ'য়েছিল, কিন্তু বুটীশ গবর্ন-
মেন্টের রাজত্বে অন্য কিছু বিচার নাই, প্রাণের দায়ে প্রাণ যা'বে।
তাতেও আমি পেছ পাউ হইনি, কিন্তু এ তার প্রকৃতির প্রতিফল নয়।
সে যেমন আমার পরিবারের পুনরায় বিবাহ দিয়েছে, আমিও যদি তেমনি
তার স্ত্রীকে আনতে পারি, তবে রাগ যায়।

ভগবতী। তুমি কিছু বলে ছিলে?

সুরেশ। না আমি যে এ সব টের পেয়েছি তাও সে জানতে পারে নি।

ভগবতী। তবে আমি বলি কি, নালিস করা যা'ক।

সুরেশ। তা'তে কি হ'বে? যদি সাবুদ হয় তো জনসমাজে এ কথা রাষ্ট্র হ'য়ে
যাবে, আর সে স্ত্রীকে ঘরে আনাও হ'বে না।

ভগবতী। তবে কি ঠাউরালে?

সুরেশ। আগেই তো বলেছি, কোন রকমে তার স্ত্রীকে হস্তগত করা—

ভগবতী। তারই বা উপায় কি? সেতো তোমার সঙ্গে কথা কয় না?

সুরেশ। এক উপায় স্থির করেছি, আমি গলায় কাচা দিয়া গিয়া কোন মতে
মাতৃদায় জানাইয়া এখানে আনবো, আর পারি তো পথেই হাত করবার
চেষ্টা করব। বুড়কে ফাকি দিতে কতক্ষণ, কিন্তু ভাই এক কথা তোমাকে
বলে রাখি, মা'কে বোল আমার স্ত্রী আনতে যাই। গ্রামের লোকেও
যেন এ কথা কেহ জানতে না পারে।

ভগবতী। তা আর আমায় বলতে হবে কেন? আমি বিধিমেতে কি তোমার উপকার কর্তে ত্রুটি করব? এর জন্যে হালপ কত্তে হ'লেও কুণ্ঠিত হ'ব না—

(আত্ম বস্ত্র উজ্জ্বলার প্রবেশ।)

সুরেশ। মা এসেছেন, আর ও কথায় কাঁচ নাহি, তাই, আমি জানি তুমি আমার পরমাত্মীয়, সেই জন্যেই সকল কথা তোমাকে বলি।

উজ্জ্বলা। বাবা, পথে ওবাড়ীর মধুসূদন তোমাকে ডাকছে।

সুরেশ। তা এইখানেই এলে তো হ'ত? আচ্ছা যাচ্ছি।

ক্রমশঃ।

নহরে ডামাডোল।

কি আশ্চর্য! দেখতে দেখতে রাত্রি দুটো হলো? বাগানের ভিতর কাঁচকেও যে দেখছি না। পাহারাওয়ালাটা সন্ধ্যার সময় জাঁক জমক কচ্ছিলো, কিন্তু এখন কেবল কাঁচাসনে মার্গ কাত করে নিদ্রা যাচ্ছে। আজ নাকি মধুসূদন তাইতে মধ্যে মধ্যে এক এক জনকে রাস্তায় দেখতে পাচ্ছি, নচেৎ খুনোখুনি হলেও কেউ জানতে পারে না। বিশেষ বিডেন গার্ডনের দক্ষিণ পূর্ব কোণটা যেরূপ ভয়ানক স্থান তাহাতে দশটা খুন হলেও কেউ টের পায় না—অধিক কি এই স্থানটা যমালয় বললেও অত্যাতি হয় না। বাগানটা হয়েছে বটে, কিন্তু দুয়ের বার। মধ্যে যদ্যপি একটা পুষ্করিণী থাকতো তাহলে বরং কতকটা সোভা সম্পাদন কত্তো। কেবল কতকগুলো বিলাতী না কি ফুলের গাছ রোপণ করা হয়েছে, কিন্তু তাও না হিন্দু না মুসলমান! ফুলের সৌরভও কিছু মাত্র নাই এবং সোভারও সম্পূর্ণ বৈপরিত্য। কতিপয় কাটগোলাপ মাঝে মাঝে বিকসিত হয়ে আছে, তাহারও আবার গন্ধ নাই। জলের জন্য গাছগুলো শুষ্কপ্রায় হয়েছে, কিছুই গুল্জার নয়। মালী বেটারা সন্ধ্যার সময় হুঁকো হাতে ফুড়ক ফুড়ক করে আর, দিনের বেলায় গাছের ছায়ায় নিদ্রা যায়। বাগানটার কি মাথা নাই? শুনি যে নব নব শ্যাম হুঁসাদল গুলোও ইজারা দেওয়া আছে, এত পয়সার খেঁচে কি কখন বাগানের সুপ্রতুল হয়ে থাকে? তাইতে বুঝি ইজারদাররা বাগানটাকে নেড়া করে ফেলছে? এ বাগানটা আমাদের সাত রাজার ধন এক মানিক, কিন্তু ইহার প্রতি দৃষ্টি রাখে এমন লোক কাঁচকেও দেখি না। কি দুঃখ! কি দুঃখ!! জল অভাবে রাস্তাগুলো ত একেবারে আবিরের অধিক হয়েছে। পদ প্রক্ষেপ না কত্তে কত্তেই রেণু দ্রুতগেগে উড়ছে। শুভ্র বস্ত্র পরিধান করে এখানে এলে বৃন্দাবনের ছলী মনে পড়ে। বারি অভাবে গাছ গুলাই মরে যাচ্ছে, তা আবার

পাথে জল দেবে? এত আর ইডেন গার্ডন নয় যে সাহেব সুবর পদার্পণ হয়, ও একে বাঙ্গালিটোলা, তাতে আবার কুচুকুচে বাঙ্গালিরাই এখানে বেড়ান, সুতরাং ইহার প্রতি সাহেবদের কেন যত্ন হবে? সকলই আমাদের বোঝবার ভ্রম। বাঙ্গালি ভাষার কেবল নামে জড়িস এবং নিমন্ত্রিত হউন বা না হউন তাড়াতাড়ি টাউনহালে গিয়ে কেদেরা ঘোড়া করে বসেন,—বাঙ্গালিটোলার প্রমোদ কাননটা যে জাহ্নবে যাচ্ছে তার প্রতি দৃষ্টি নাই। বসন্তের সমাগমে পীককুলগুলো কুছ কুছ রবে গগন ফাটাচ্ছে বটে, কিন্তু প্রমোদ কাননটা বিষাদে ভাসতেছে। কেউ যদি ইহার প্রতি বিশেষ দৃষ্টি রাখতেন তাহলে আর এর এমন দশা হতো না। ঐ যে কি বলে অমুক জড়িস নিত্য নাকি বায়ু সেবনার্থে এখানে আসেন, কিন্তু কি অভূত তাঁর কি চক্ষু নাই, তিনি কি ইহার কোন কথাই কর্তাসাহেবকে বলেন না, তাই যদি রল্বেন তবে আর এর এমন দশা কেন হবে!

ভাল পূর্বদিকের গেট দিয়ে কে যেন না এলো? বোধ হয় মালি বেটারদের মধ্যেই কেউ হবে, কিন্তু তাই বা বলি কেমন করে! ভদ্র লোকের ন্যায় গায়ে দিব্য চায়না কোট, দিব্য ইংরাজী ধরণের জুতো, হাতে হাণ্ডকারচিফ ও স্টিক—হেলতে হুলতে আসতেছেন—মালিই হবে, কিন্তু বেটারা কি রেতে এত বাবু হয়? ঐ যে ক্রমে চাদর বিচুয়ে গুণ গুণ স্বরে পূর্ব-দক্ষিণ কোণে গুলো। ও আবার কে পিছনে পিছনে আশে? সারজন ও পাহারাওয়ালা নাকি? তাই তো বটে। ঐ যে সাহেব বলছেন “মাতওয়ালা শালা কাঁচা গিয়া”? আমায় তো কিছু বলবে না? আমাকেই বা বলবে কি—আমার তো আর কোন দোষ নেই যে ভয় পাব। দেখাই যাক না কি রঙ্গ হয়। দেখতে দেখতে যে বাগানের ভিতর এলো! কি হবে, কোথা যাব, দুর্গা রক্ষে কর, ধর্ম্য রক্ষে কর, গুরুহে রক্ষে কর, কেন আমার কুবুদ্ধি ঘটলো, কেন আমি বাসায় ফিরে গেলেম না, তাহলেত এমন আপদ ঘটতো না! গুরু রক্ষা কর্তা! আবার যে বলছে “শালা কাঁচা গিয়া” ঐ ভদ্রলোকটা হেলতে দুলতে ইতিপূর্বে এসেছে—সুরাপায়ী হবে, নচেৎ সারজন পাহারাওয়ালা ইহার পশ্চাৎ পশ্চাৎ আসবে কেন? ভাল দেখা যাউক না কি রূপ হয়। যে শান্তিরক্ষক বাগানের শান্তি সাধন কচ্ছিলো, সারজন সাহেবের রবপেয়ে তেড়েমেড়ে উঠে বলতে লাগল—“খবর আচ্ছা হ্যায় খোদাবন্দ”। সাহেব তৎশ্রবণে কেবল বল্লেন যে “তোম শালা এত্নাঘড়ি কাঁচাথা” একঠো মাতওয়ালা এস্কা ভিতর আয়া দেখা”? এই রূপ গোলমাল দেখে আমি আরো একটু অন্তরে গিয়া পুষ্প বৃক্ষের অন্তরাল হতে সব দেখতে লাগলাম। গাটাকা দিনু বটে, কিন্তু গাটা ভয়ে কাঁপতে ও প্রাণটা গুরগুর কর্তে লাগলো। কি করি উপায় বিহীন, পাছে দেখা দিলে আমাকেই মাতাল বলে গ্রেপ্তার করে। এমনতো কত বার হয়েছে

যে মাতালেরা অবাধে পলায়ন করে, লাভে হতে সৎলোকেরা ধরা পড়েন। এত আর পুলিশের দোষ নয়, এ কেবল শান্তির বরষাত্রদিগের কর্ম। আমার জোর কপাল যে সাহেব ও পাহারাওলা অনুসন্ধান কর্তে কর্তে মহাত্মাকে চাদর বিছাইয়া নিদ্রাভিত্ত দেখতে পেলে। “এবে শালা তোম কিয়া করতে হে”—এই রূপ মিষ্ট শস্তা-ষনে বাছাকে তোলা হলো, এবং কতক্ষণ টানাটানি ও বাকবিতণ্ডার পর এক প্রকার মিট মাট হয়ে গেল। সুরেশ্বরীর বরপুত্র সেইখানে শুয়ে নিদ্রা যেতে লাগলো এবং শান্তির পোষাপুত্ররা হাতে কিছু সন্দেশ খেতে পেয়ে অবাধে চলিয়া গেলেন।

ক্রমশঃ ।

বাক্সলা ভাষা ও সাহিত্য বিষয়ক প্রস্তাব ।

আদ্যকাল ।

বাক্সলা কাব্যের আদ্যকাল সম্বন্ধীয় বিবরণ লিখিতে হইলে বিদ্যাপতি ও চণ্ডীদাসের নাম উল্লেখ না করিয়া কেহই ক্ষান্ত থাকিতে পারেন না। বিদ্যাপতি কোন সময়ে প্রাদুর্ভূত হন তাহা স্থির করা নিতান্ত দুষ্কর ব্যাপার। চৈতন্যের শতাব্দিক বৎসর পূর্বে যে তাঁহার জন্ম হইয়াছিল তাহারও কোন বিশেষ প্রমাণ নাই, ফলে বিদ্যাপতি যে এক জন অতি প্রাচীন কবি তাহাতে সংশয় হইতে পারে না। প্রাচীন বাক্সলা কবিদিগের মধ্যে দুই এক জন ভিন্ন প্রায় অনেকেই সংস্কৃত জানিতেন, কারণ সংস্কৃত না জানিলে তাঁহারা লিখিবার আদর্শ প্রাপ্ত হইতেন না, এক্ষণকার বাক্সলা রচয়িতাগণ সংস্কৃত না জানিলেও অনায়াসে আদর্শ পাইতে পারেন, এমন কি অনেকে সামান্য সংস্কৃত জানিয়াও পাণ্ডিত্য প্রদর্শনে সক্ষম হন।

আমি নারী হর নহি শুনহে মদন ।
দিনা অপরাধে বধ রাখার জীবন ॥
পরাজয় স্থান যদি চাহ সুখিবারে ।
যাহ তবে হরের সদন ॥
হারেকি বুঝিলে ফণি বেণী জটা জুট ।
নীলমণি অভাকণ্ঠে নহে কালকুট ॥
ললাটে চন্দন বিন্দু সিন্দুর দেখিয়ে ।
মানিলে কি চন্দ্র ভ্রাতাশন ।
শ্যামের বিরহে সদা ধরায় শয়ন ।
ধুলি ধুসরিত অঙ্গ তাহার কারণ ॥
ভাতো তুগিনা বুঝিয়ে রাগের প্রভাবে ।
ভাবিয়াছ বিভূতি ভূষণ ॥
রাধামোহন সেন ।

কতিছঁ মদন তনু দহার্থ হামারি ।
হাম নহু শঙ্কর ছঁ বর নারী ॥
নাহি জটা ইহ বেণী বিভঙ্গ ।
মালতী মাল শিরে নহ গঙ্গ ॥
মোতিম বন্ধ মৌলি নহ ইন্দু ।
ভালে নয়ন রহ সিন্দুর বিন্দু ॥
কণ্ঠে গরল নহ মৃগমদ সার ।
নহ ফণিরাজ উরে মণিহার ॥
নীল পাটাস্বর নহ বাঘছাল ।
কেলিক কমল ইহা না হয় কপাল ॥
বিদ্যাপতি কহে এ হেন সুছন্দ ।
অঙ্গে ভয়ম নহ মলয়জ পদ্ম ॥

বিদ্যাপতি ।

বিদ্যাপতিও রাধামোহন সেনের ন্যায় জয়দেবের ভাব লইয়া উপরোক্ত পদ রচনা করিয়া থাকিবেন, ফলে অধুনাতন কবির। যে রূপ সামান্য সংস্কৃত জানিয়া পাণ্ডিত্য প্রদর্শন করিতে সমর্থ হন, পুরাকালে এ রূপ সম্ভাবনা ছিল না। বিদ্যাপতি যে সংস্কৃত পুরুষ পরীক্ষার রচয়িতা ইহা ন্যায়রত্ন উত্তম অনুমান করিয়াছেন। ফোর্ট উইলিয়াম কলেজ স্থাপনান্তর সাহেবদিগের শিক্ষা জন্য পাণ্ডিত্যের কতিপয় গদ্য গ্রন্থ প্রণয়ন করিয়াছিলেন, এমন কি ঐ সময় অবধি গদ্য লেখার সৃষ্টি হয়; সেই সময়ে মহামহোপাধ্যায় পাণ্ডিত মৃত্যুঞ্জয় বিদ্যালঙ্কার ভট্টাচার্য্য কর্তৃক প্রবোধ-চন্দ্রিকা বিরচিত হয় এবং সেই সময়েই ঐ কলেজের অন্যতম পাণ্ডিত হরপ্রসাদ রায় মহাশয় কর্তৃক সংস্কৃত পুরুষ পরীক্ষা বাক্সলা ভাষায় অনুবাদিত হইয়া প্রকাশ হইয়াছিল। রায় মহাশয় জাতিতে বৈদ্য কাঁচরাপাড়া নিবাসী ছিলেন। এডুকেশন গেজেটের সহকারী সম্পাদক ক্ষেত্রমোহন ভট্টাচার্য্য মহাশয় ঐ গ্রন্থখানিকে বিদ্যাপতি বিরচিত বলিয়া লিখিয়াছিলেন। পাটনা হইতে আলাহাবাদ পর্যন্ত যে দেশ, হিন্দুস্থানী লোকের। উহাকে কবিভূম বলিয়া থাকেন, যেহেতু অধিকাংশ হিন্দি কবির। উহার মধ্যেই জন্ম গ্রহণ করেন। আমাদিগের বাক্সলার মধ্যে রাড় দেশকে কবিভূমি বলা যাইতে পারে, যে হেতু কাশীদাস, কবিকঙ্কণ ও ভারতচন্দ্র প্রভৃতি বাক্সলা ভাষার অতি প্রধান কবির। ঐ প্রদেশে জন্ম গ্রহণ করেন।

বৈষ্ণব সম্প্রদায়স্থ লোকের দ্বারা যে বাক্সলা কাব্যের উন্নতি হইয়াছে তর্করত্ন এ কথা অতি যথার্থ বলিয়াছেন। কি বাক্সলা কি হিন্দি কি সংস্কৃত সকল ভাষাতেই বৈষ্ণব সম্প্রদায়ের লোক প্রধান কবি, ভারতচন্দ্র, কাশীদাস, তুলসীদাস, সুরদাস, জয়দেব, ব্যাশ, বাল্মীকি প্রভৃতি সকলেই বৈষ্ণব সম্প্রদায়ের লোক ছিলেন।

রামায়ণের বিষয়ে তর্করত্ন যে কৌতুকাবহ বিবরণ লিখিয়াছেন তাহা অতি যথার্থ। অধুনা যে বাক্সলা রামায়ণ সর্বসাধারণের মধ্যে প্রচলিত, উহা পুরাকালের মুদ্রিত রামায়ণ হইতে বিস্তর বিভিন্ন। হংস যে রূপ নীর হইতে ক্ষীরকে বিভাগ করে, সেই রূপ অভিনব কাব্যংশ হইতে কীর্তিবাসের রচনার অংশসকল বিভাগ করা আমাদের পক্ষে সহজ নহে। বাল্মীকি রামায়ণের ছন্দকাণ্ডের ষোড়শ সর্গ যাহা অঙ্গদ দূত প্রবেশ বলিয়া আখ্যাত, বাক্সলা রামায়ণে তাহারি নাম অঙ্গদ রায়বার; উহা ভিন্ন ভিন্ন মুদ্রিত রামায়ণে ভিন্ন ভিন্ন রচনা দৃষ্ট হয়। ঐ সকল অংশ বিজ্ঞ কাব্য রসজ্ঞ পাঠকবর্গের কারণ উদ্ধৃত পূর্বক নিম্নে প্রকাশ করা গেল।

পঞ্চদিন উভয় সৈন্যের সমাবেশ ।
পরস্পর কেহকারো নাহি করে দ্বেষ ॥

শ্রীরাম বলেন জান দেখি বিভীষণ ।
কি কারণ নাহি রণ করে দশানন ॥

বিভীষণ বলেন প্রভু কর অবগতি ।
উভয় সৈন্যের শব্দে স্তব্ধ লক্ষ্মাপতি ॥
তঁই বিপক্ষের প্রতি নাহি দেয় হানি ।
নিশ্চয় জানিতে দূত পাঠাও একজন ॥
বিভীষণ সহ রাম যুক্তি করি সার ।
হনুমান ডাকিয়ে কহেন সমাচার ॥
আইস বাছা হনুমান পবন নন্দন ।
লক্ষ্মায় জানিয়ে আইস কি করে রাবণ ॥
সভামধ্যে উঠিয়ে বলিছে জাম্বুবান ।
একবার গিয়ে ছিল বীর হনুমান ॥
যেই যাইবেক হনু লক্ষ্মার ভিতর ।
হনুমান দেখিয়ে কুপিলে লক্ষ্মেশ্বর ॥
মনেতে করিবে এই আইসে বারেবার ।
ইহা বিনা রাম সৈন্যে বীর নাহি আর ॥
দক্ষিণ দ্বারেতে আছে অঙ্গদের থানা ।
তাহাকে আনিতে দূত যাক একজন ॥

(প্রচলিত রামায়ণ ।)

পঞ্চদিন দুই কটকে হয় না হানাহানি ।
রাম বলেন রাবণ রাজা যুদ্ধ দেয়না কেনি ॥
বিভীষণ বলেন গোসাঁই কর অবগতি ।
দুই কটকের রোলে রাবণের স্থির নহে মতি,
বিপক্ষ লাগিয়ে রাবণ রণে না দেয় হানি ।
নিশ্চয় জানিতে দূত পাঠাও একজন ॥
বিভীষণের সঙ্গে রাম যুক্তি করি সার ।
হনুমান বলিয়ে যে পড়িল হাঁকার ॥
আইস বাছা হনুমান পবন নন্দন ।
লক্ষ্মায় জানিয়ে আইস কি করে রাবণ ॥
সভার ভিতর উঠিয়ে বলিছে জাম্বুবান ।
একবার পাঠায়েছিলে বীর হনুমান ॥
যেই যাইবেক হনুমান লক্ষ্মার ভিতর ।
হনুমান দেখিয়ে কুপিলে লক্ষ্মেশ্বর ॥

মনেকরিবে এই বানরা আইসে বারেবার ।
ইহা বই রামের কটকে বীর নাহি আর ॥
দক্ষিণ দ্বারেতে আছে যে অঙ্গদের থানা ।
তাহারে আনিতে দূত পাঠাও একজন ॥

১৮০১ খৃষ্টাব্দে ।

শ্রীরামপুর মিসন যন্ত্রে
মুদ্রিত ।

পঞ্চদিন দুকটকে না হয় মিলন ।
রাম বলে যুদ্ধ কেন না দেয় রাবণ ॥
বিভীষণ বলেন গোসাঁই কর অবগতি ।
কটকের রোলে স্থির নহে বসুমতি ॥
কি কারণ রাবণ সংগ্রামে না দেয় হানি ।
কারণ জানিতে দূত পাঠাও একজন ॥

ক্রমশঃ ।

সীতার বিলাপ ।



ললিত ছন্দ ।

লোটায়ে ধরনী বিনোদিনী এক,
বাল্মীকি মুনির আশ্রম পাশ ।
শিরে করাঘাত করিছে কেবল,
হতাশন সম ফেলিছে শ্বাস ॥
ক্রোধ তরে হানি কঙ্কন ললাটে,
ছিঁড়ছে শ্যামল চিকুর দলে ।
রুণু রুণু করি বাজিছে তাহাতে,
কনক পুর পদ যুগলে ॥
ক্ষণেক লুটিছে ক্ষণেক বসিছে,
কতু বা উঠিছে অধীরা হয়ে ।
নয়ন যুগল হইতে সলিল,
পড়িছে ধরায় উরোজ বয়ে ॥
ছিড়িয়া পড়িয়া বিকীর্ণ হয়েছে,
ভূমেতে গলার মুকুতা হার ।

কঙ্কন অঘাতে ললাট হইতে,
পড়িতেছে হায় রুধির ধার ॥
আশ্রম প্রভাবে একত্রে চরিছে,
কেশরী করত শাদ্দুল চয় ।
তা দেখি আবার হতেছে বালার,
রমণী স্বভাব মূলত ভয় ॥
কেশরী নাদিছে করত ডাকিছে,
তাহা শুনি উঠে শিহরি বামা ।
মুচ্ছিতা হইয়া পড়িছে ধরায়,
হতেছে স্মরণ বরণ শ্যামা ॥
মুচ্ছিত অবসানে ক্ষণেক পরেতে,
আবার উঠিছে বাতুলা প্রায় ।
কি হলো কি হলো উহু উহু বলি,
মাথিতেছে ধূলা সোনার গায় ॥
জীবনের ধন হৃদয় রতন,
প্রাণের বস্তুত কিছু না কয়ে ।
বনে পাঠাইলে এই কথা বলি,
উঠিল আবার অধীরা হয়ে ॥
বাহারে সদত নয়নে নয়নে,
রাখিয়া যতনে করিতে স্নেহ ।
তাহারে কেমনে এবে প্রাণনাথ,
দূর করি দিলে হইতে গেহ ॥
জানিতাম নাথ দয়ার আধার,
প্রেমের ভাণ্ডার হৃদয় তব,
এ হেন অন্তর মমতা বিহীন,
হইয়াছে এবে কেমনে কব ॥
বাহার তরেতে রোদন করিয়া,
বিজন কন্দর গহন বনে ।
দিবস যাপন হয়েছে প্রভুর,
প্রাণের অনুজ লক্ষ্মণ সনে ॥
বাহার লাগিয়া বানর ভূপতি,
বালী মহাবীরে করি নিধন ।

সুগ্রীব সহিত করিয়া মিতালি,
সাগর বাঁধিতে করিলে পণ ॥
শতক যোজন জলধি উপরে,
ভাসায়ে উপল করিলে সেতু ।
দেবতা ব্রাহ্মণগণের অরাতি,
রাক্ষস কুলের নিধন হেতু ॥
যার সমাচার লইবার তরে,
কনক সিংহলে করি গমন ।
সমীপে স্মৃত ছারখার করি,
ফেলিল স্রচারু মধু কানন ॥
কপিগণ সহ দুই ভাই মিলি,
সিংহলে ভীষণ সমর করি ।
মেঘনাদ বীর সরমা নন্দন,
কুন্তকর্ণ আদি যতক অরি ॥
শমন সদনে পাঠায়ে তাদের
শেষেতে মারিয়া রাবণ রাজে ।
উদ্ধারিয়া যারে পুষ্পক বিমানে,
চড়িয়া আনিলে অযোধ্যা মাঝে ॥
কি দোষে তাহারে বনবাস আজি,
দিলে দয়াময় হৃদয় নাথ ।
আর কি কখন জীবন থাকিতে,
হইবে না দেখা তোমার সাথ ॥
দোহদ সঞ্চার যদি না হইত,
এখনি প্রবেশি জাহ্নবী জলে ।
তোজিতাম তনু হতো না তাহলে,
থাকিতে এ পাপ ধরনী তলে ॥
স্বপনেও নাহি জানিতাম কতু,
তোমার এগন কটিন হৃদি ।
জানিলাম এবে তোমার কি দোষ
আমার অদৃষ্টে নিদয় বিধি ॥

শ্রীবীরাজনা কাব্যোত্তর কাব্য ।

চতুর্থ সর্গ ।

(কৈকয়ীর প্রতি দশরথ ।)

[মাইকেল মধুসূদন দত্ত প্রণীত শ্রীবীরাজনা কাব্যে চতুর্থ সর্গে ভরত মাতা মহিষী কেকয়ী দুহিতা স্বপত্নী পুত্র রামচন্দ্রের যৌবরাজ্যে অভিষেক অসহ্যমান হইয়া, ভরতের রাজ্যাভিষেক স্বরূপ রাজাঙ্গিকৃত বর প্রার্থনায় যে পত্র লিখেন, মহারাজ দশরথ তৎপাঠে শোকে দুঃখে ক্রোধে অধীর হইয়া তদুত্তর নিম্নলিখিত পত্রিকা খানি প্রেরণ করেন । তৎপরে যে কি ঘটয়াছিল, তদুল্লেখ বাহুল্য । যদিচ আদি কবি মহাত্মা বাল্মীকির রচনায় বনবাস প্রার্থনা বর্ণিত আছে, কিন্তু ইহাতে তাহার উল্লেখ নাই ।

কি বলিয়া সম্বোধিব, “প্রণয়নি” এই বাণী কেমনে বা লিখি ; নৃশংসে, এক্ষণে তোমার এ যথাযোগ্য সম্বোধনবটে । ভাল লিখিয়াছি লিপি, সময় পাইয়া, রটাত কলঙ্ক এই খ্যাত সূর্য্যবংশে । চিরকাল রঘুকুলে যুবরাজ শব্দ ভজে জ্যেষ্ঠপুত্রোমাত্র, তুমি কর রামে বাহিকে স্নেহ ভরত অধিক, অন্তরে অন্তর তাহা বুঝিব কেননে ? খলের প্রকৃতি বুঝে কাহার ক্ষমতা ! মুখেতে মধুর অন্তরে বিষ ! আমি তব রূপে হ’য়ে মুগ্ধ, শুনি বাক্য যেন মাথা চিনি, অন্তর না চিনি, যে কি বলিয়াছি কবে, তাহে যে বধিবে তুমি এই প্রম-দাসে, না বুঝি চিতে কভু । ছুটবুদ্ধি দাসী মন্তরার কুহকেতে এরূপ হইল মতি,—তোমার চরিত্র না হেরি কখন হেন, এই অনুমানি । সত্য বটে, যদি সদা হীন সহ করে বাস বুদ্ধি হীন হয়, সহবাসে ফলে সংসর্গজ দোষ

গুণ, তা না হ’লে শ্রেষ্ঠ বংশে জন্ম তব, পদ্মরাগ আকরেতে কাচের উৎপত্তি অন্তত এ কথা । রাম, লক্ষ্মণ, ভরত, শত্রুঘ্ন, এ চারি পুত্র, সম স্নেহ ভাগী সবে, সন্তানে কখন কিবা স্নেহ হয় ন্যূন ? কিন্তু নারী মম বহু আছে, তব মুগ্ধ তব রূপে, ভালবাসি সর্বাপেক্ষা তোমা, তাই ছলে বলে কেকয়ীর পতি মোরে, মাইষীরা সবে । হায়, মাথাথেকে প্রণয়ের বশে, কবে করেছি প্রতিজ্ঞা, যাহে বদ্ধ এবে আমি, যথা বলী “বলি দিব দান যাহা যাচ” বামনেরে মায়াপাশে হ’য়ে বদ্ধ না চিনি চক্রীর চক্র । হায়, দেখি তোর ছল বহে চক্ষে জল ঝর ঝর ! তব মানস কি হ’ল করিতে নষ্ট এবুদ্ধ পতিরে ? বলেছি “শ্রীরামে আগামী কল্য যৌবরাজ্য দিব,” তাই শুনি কোশলস্থ প্রজাকুল মাতি আনন্দেতে, সাজাতেছে নিজ নিজ গৃহ সবে । হয় প্রিয়, রাম রঘুকুলগণ

নিজ গুণে । আনিতেছে সবে উপহার নানা, ভরিবারে কোষ । উড়িতেছে ধ্বজ কোষের রঞ্জিত, দিব্য রতনে খচিত, গৃহে গৃহে । বন-পুষ্প তুলি পৌর জন গাঁথি মালা সাজাতেছে প্রতি গৃহ দ্বার । বাজিছে বাজনা, করে স্বস্ত্যয়ন সব রঘুকুল পুরোহিত । যত দীর্ঘতপা মুনিগণ অগ্নিকম্প আসিছে সভাতে । বল কি বলিয়া বলি করিব এক্ষণে যুবরাজ ভরতেরে ? রাম তব পদে কি দোষে দুষিত ? সদা জননী অধিক আজ্ঞা পালে । আমি তব নিকটেতে কিবা করিয়াছি অপরাধ ? এ মনন কেন হ’ল তবে ? মহাপাপ স্বপতি নাশিতে । পাপেপিশিতে ! বুক ফাটে, স্মরিলে একথা, কবে সবে “সূর্য্যবংশোদ্ভব দশরথ” রাজা, নারী বংশ অতি, ধর্ম্মে নাহি ভয় চিরকাল প্রচলিত রঘুকুল প্রথা জ্যেষ্ঠ পুত্র রাজ্যদান অন্যথা করিল” । জ্যেষ্ঠ পুত্র রাজ-পদ অধিকারি কয় শাস্ত্রকারে, বল কোন দোষে আজি তাহা করিব অন্যথা ? যার গুণ সদা গায় অরি সাঙ্কাদে, কভু পরোক্ষেতে কেহ নাহি দুখে যারে, কোন দোষে দুখী এবে করিব তাহারে ? কোন রাজ নীতি বলে বিনা দোষে করি তারে দুখী ? রাজমুতে ! “সিখ্যাবাদী পক্ষপাতী নারীবংশ রাজা” এবচন কোন প্রাণে শুনিব শ্রবণে ? দুষ্ট বুদ্ধি মন্তরার বাণী ত্যাজ, কর সাধুমতি । দাসী নীচ কুলোদ্ভবা, তার পাপে নাহি ভয়, তাই ধরেছে পৃষ্ঠেতে পাপফল কুজ । তুমি মম প্রণয়িনী,

ত্যাজ একামনা, যাহা ইচ্ছা যাচ তাহা অর্পিব এখনি । তব এ বচনে কভু ভরত কুমার নাহি হ’বে হুট চিত । জ্যেষ্ঠাশ্রয় রামে সে যে মান্য করে অতি । সূর্য্যবংশে জন্ম তার, নাহি হবে মতি অন্যায়চরণে, তব প্রতি হ’বে ক্রোধী । কর বিচারিয়া কার্য্য সুহাসিনী, যাহে রয় দুই পক্ষ ! কেন কর আশা, তব রটাইতে কলঙ্কিনী নাম ; একি হ’বে ভাল ? ঘৃষিবে ঘোষণা “স্বপতিঘাতিনী কৈকয়ী পাপিনী, ছলে নাশিল ভর্ত্তারে, কেহ না হের বদন ওর, পাপীজনে যে হেরে, তাহার হয় পাপ,” এবচন কিগো কর্ণেতে লাগিবে ভাল ? ত্যাজি নাম প্রিয়বদা, বিষমদা কেন লইবারে হ’ল ইচ্ছা, রঘু বংশ কাল ভূজঙ্গিনী ! নবীন-নীরদ-নিন্দি বরণ শ্রীরামে দিব্য-বাসধর, রাজ-ভূষণে ভূষিত রাজ-ছত্র শিরোপরি, সিংহাসন-স্থিত করিব মানস ; এই লোক মাঝে তাহা শুনিয়াছে সবে, কালি তাহা নাহি হ’লে নীল-পদ্মনিভ মুখ হ’বে কলুষিত । হেরিলে সে মুখ শুষ্ক অমনি পলাবে এদেহ-পিঞ্জর হ’তে প্রাণ বিহঙ্গম । পৌরজন সবে কবে সকল স্বরে— “স্বপতিঘাতিনী ছলে কৈকয়ী রাক্ষসী, উপল-নির্ম্মিত-হিয়া, কুটীলা দুর্ম্মতি ।” এ পুরি কাঁদিয়া কবে প্রতিশ্রুতি ছলে “স্বপতি-ঘাতিনী হ’ল কৈকয়ী রাক্ষসী, উপল-নির্ম্মিত-হিয়া, কুটীলা দুর্ম্মতি” । যত রাজগণ স্বীয় দেশে গিয়া ক’বে— “স্বপতি-ঘাতিনী ছলে কৈকয়ী রাক্ষসী,

উপল-নির্মিত হিয়া, কুটিল দূর্মতি ।
 ক্রোধভরে মুনিগণ, সগন্তীরস্বরে,
 কহিবে আশ্রমে স্বীয় সহচর দলে,
 “স্বপতিঘাতিনী ছলে কৈকয়ী রাক্ষসী,
 উপল-নির্মিত হিয়া কুটিল দূর্মতি” ।
 শুনি, ক্ষতিধর পাখী তপস্বি পালিত,
 গাইবে সুস্বরে বসি আশ্রম বীটপে
 “ স্বপতিঘাতিনী ছলে কৈকয়ী রাক্ষসী,
 উপল-নির্মিত হিয়া, কুটিল দূর্মতি । ”
 ব্যাধ কুল মৃগবধে বাঁশরীর স্বরে,
 কুরঙ্গ মানস মোহি গাইবে করুণে,
 “ স্বপতিঘাতিনী ছলে কৈকয়ী রাক্ষসী,
 উপল-নির্মিত হিয়া কুটিল দূর্মতি । ,,
 রাখাল বালকে গীত গাইবে হরষে
 “ স্বপতিঘাতিনী ছলে কৈকয়ী রাক্ষসী,
 উপল-নির্মিত হিয়া কুটিল দূর্মতি । ,,
 বীণা বাদী বীণাস্বরে গাইবে সুস্বনে—
 “ স্বপতিঘাতিনী ছলে কৈকয়ী রাক্ষসী,
 উপলনির্মিত হিয়া কুটিল দূর্মতি । ”
 গায়কেরা পিকস্বরে গাইবে সতত
 “স্বপতিঘাতিনী ছলে কৈকয়ী রাক্ষসী,
 উপল নির্মিত হিয়া, কুটিল দূর্মতি । ,,
 এসকল শুনি তব কি ফল ফলিবে ?

ধিক্ ধিক্ তোরে, যত পড়ি লিপি, হয়
 ক্রোধোদয়, হায়, ভাবি মাধবী বল্লবী
 ভ্রমে, লয়েছিনু বিষ বল্লীর আশ্রয় !
 মন্দাশয়ে, ত্যজ মন্দ আশা, পরিহার
 যাচি, রাখ নিজ মান, করিয়ে করুণা
 মোর প্রতি ! আমি বৃদ্ধ তব সত্য পাশে,
 অধীন এখন, যাহা ইচ্ছা কর, হয়

রাখ রঘুকুল, নয় নাশ দয়াশূন্য
 হ'য়ে । আর কি লিখিব লেখনী, হইতে
 হস্ত, পড়ে খসি, চক্ষু হতে জলঝরে ।

করিতেছে কুলগুরুগণ উচ্চারণ
 বেদ, অদ্য নিশা গতে রামে রাজ্যভার
 শপি হইব সুস্থির, মনে ছিল আশা,
 অধিবাস তারি আজি, গাইছে গায়ক,
 নাচিছে যতেক নটী, আছাদ সাগরে
 ভাসিছে সকলে, তাহা তোমার অধীন,
 হয় রাখ, নয় নাশ, যাহা ইচ্ছা তব ।

হয় বিবেচনা, তব হ'তে নারীকুলে
 হবে যে কলঙ্ক, সবে কবে—“ মিথ্যা বাণী
 অবলা সরলা,” “ নারীর অপেক্ষা
 খল কে আছে জগতে, শাক্তিতার তুমি” ।
 আজি হ'তে কেহ আর তোমার কারণ,
 মম প্রাণ স্ত্রীলোকেরে না ক্ষপিব কভু ।

এ বাজিছে শঙ্খ ঘণ্টা কিসের কারণ ?
 অনুমানি; নাশিবারে আমার জীবন ।
 কৈকয়ী এ নাম হ'লে মানস মাঝারে,
 উঠি চমকিয়া, যথা মৃগ সিংহী নামে ।
 দেহশূন্য বল, কণ্ঠ বান্ধেপতে রুধিল,
 চক্ষু হ'তে জল ঝরে, পত্র করে আদ্র,
 যাজ্ঞ লিখিবারে মন, তাহা আর নাহি
 পারিনু লিখিতে, মার কথা এই বলি—
 শ্রীরামে না রাজ্য দিলে হুঃখ পাব মনে,
 হরিষে বিষাদে মম প্রাণ বাহিরিবে ।
 পতি বধে মহা পাপ করোনা করোনা
 অনুতাপ হ'বে পরে জানিও নিশ্চয় ।
 ইতি শ্রীবীরাজনা কাব্যোক্তর কাব্যে কৈকয়ী
 পত্রিকোক্তর নাম চতুর্থ সর্গ ।

কাঁচরাপাড়া প্রকাশিকা ।

মাসিক পত্রিকা ।

“নির্মলসরাঃ স্কৃতিনঃ খলুযে বিবিচ্যা, কর্ণে গুণস্য কণমপ্যবতংসয়ন্তি ।
 যেমাং মনো ন রমতে পরদোষবাদে, তে কেচিদেব বিরলা ভূবি সঞ্চরন্তি ॥”

১ম ভাগ । } ১২৮১ সাল—বৈশাখ । } ৬ষ্ঠ সংখ্যা ।

কুতুম্বিকা ।



প্রণয়ে কি না হয় ?

অগ্নিকাণ্ড—ইহার কি দম্য ?

পাঠক মহাশয়, চলুন একবার কোরন নগরটি দেখিয়া আসি । আমাদের নায়ক
 রণজয় যখন অর্ধবপোত হইতে চলিলেন, তখন আর এখানে থাকিয়া কি করিব !
 আর যখন সমুদ্রযাত্রা করিয়াছেন, যখন বীরপুরুষের অভিনয় দেখিতে এত দূর
 অগ্রসর হইয়াছেন, তখন শেষ দেখা চাই!—একটু সাহস তো ভাল ! চিরকালই
 তো স্ত্রীপুত্রের মায়ায় বদ্ধ থাকিলেন !

কোরন নগর আজ সুসজ্জিত ! এতো স্ত্রী কেন ? এ যে সমুদ্রতটে রক্তবর্ণ
 পতাকা-সুশোভিত সমুদ্র যান সকল রহিয়াছে, ও গুলি কি বাণিজ্য পোত ?
 তাহাইলে চতুর্দিকে আগ্নেয়াস্ত্র সজ্জিত কেন ?—না, সায়েদরাজ সমুদ্র যাত্রা
 করিবেন তাহারই সজ্জা ! এ গুলি দেখিয়াই রণজয় বিপক্ষ সৈন্য সংখ্যা করিয়া-
 ছিলেন ! যুদ্ধ সজ্জা !—সৈন্যগণ কোথায় ? দেখুন, স্থানে স্থানে অবশ্যই আছে !
 সায়েদরাজ স্বধর্মশাস্ত্র কোরাণের বাক্যে আপনাদিগের জয় নিশ্চয় করিয়াই অদ্য
 সৈন্যদিগকে উৎসাহ প্রদানার্থ আমোদ করিতেছিলেন ! এ দেখুন, প্রশস্ত শিবির !
 বহুসংখ্যক সৈন্য আমোদে মত্ত, এক জনও প্রহরীর কার্যে নিযুক্ত নাই ! সকলে
 বালুমীকি রামায়ণের কালনেমীর ন্যায় লক্ষ্য ভাগ করিতেছে ! কেহ সুন্দরী রমনী
 লাভ, কেহ অসংখ্য ধন লাভ, কেহ বন্দিশত্রুদিগের প্রতি নিষ্ঠুরতা করিবার কল্পনা
 করিতেছে ! কোন কোন উদ্ধত সৈনিক অহঙ্কারসূচক শব্দে—“অনেক দিন নয়

শোণিতভাবে তরবারি অপরিষ্কৃত রহিয়াছে, এই এক পরিষ্কৃত করিবার উপায়।”—বলিয়া স্বীয় বীরত্বের উপন্যাস করিতেছে।

সায়ের কোথায়? এ তো একটি সুদৃশ্য হৃদয়! চলুন দেখি,—এই যে কয়েক জন রক্ষক স্বকায় নিরীহ করিতেছে! এই স্থানেই বোধ হয় সায়ের আছেন! এই বাটীটি নানা আলোকে মুসজ্জিত, প্রথম কক্ষেই এক খানি বহুশিষ্প-পরিচয়প্রদায়ক অমূল্য রত্ন—খচিত সুদৃশ্য সিংহাসনে বহুমূল্য পরিচ্ছদাবৃত এক জন উপবেসন করিয়া আছেন!—কি সায়ের?—হবে! পার্শ্বদেশে তদপেক্ষাকৃত কিঞ্চিৎমূল্য পরিচ্ছদ বিহীন চারিজন উপবিষ্ট! অতি নিকটে একখানি সুবর্ণগ্রথিত প্রস্তরাসনে সুরার ন্যায় কি রহিয়াছে! সায়ের যে মুসলমান,—একি?—সুরা—না সরবৎ! সুরাই বটে, এ যে একটি সুন্দরী ষোড়শী মধ্যে মধ্যে প্রদান করিতেছে! সুরেশ্বরী না হইলে এতো মান কার? ইনিতো মুসলমান, যে হিন্দু জাতিই সুরাপানে মরণান্ত প্রায়শ্চিত্ত, তাহারাই বড় ছাড়ে। সুরে,—তোমার মহিমা কার সাধ্য বুঝে, তুমি নন্দামা শয্যাকারিণী, তুমি রাজপুরুষহৃদয়চারিণী, তুমি নব্য-সভ্যতা-ভাগদায়িণী, তুমি ব্যতিচারদোষ-জননী, তুমি অচেতন-সহচারিণী, তুমি অবজ্ঞাব্যবাহারীপ্রসবিনী, তুমি অশেষরোগকুল সৃষ্টিকারিণী, তথাপি সভ্যজনহৃদয়চারিণী!

সায়ের রাজের বয়স যৌবন সীমায় পদার্পণ করিয়াছে বটে, কিন্তু মনে যৌবন রসতরঙ্গ নিরন্তর ক্রীড়া করিতেছে! প্রাচীন কবিরা যৌবনেই রসের প্রবলতা বর্ণনা করিয়াছেন, আমরা কি তাহা অস্বীকার করিব? কখনই নয়। তবে আমাদের মতে যৌবনে তরল রস,—দেখিতে অনেক,—সার কম; কিন্তু বয়সে পরিপাক!—যেটুকু থাকে ঘন,—সার!—যাহার গলে,—তাহার পক্ষে যৌবন কোথায়? আমাদের পাঠক মহাশয়গণের মধ্যে যিনি যৌবনসীমা অতিক্রম করিয়াছেন তিনিই জানেন, একথা কতদূর সঙ্গত! যাহার আবার যুবতী ভার্যা,—তিনিতো সেই রসেই হাবু ডুবু!—মহাকবি জয়দেবের—“দেহিপদপল্লব মুদারং”—তাহার মুখস্থ! রমিকের চুড়াগনি, চিরকালই বসন্ত। সায়ের আমাদের কতক অংশে সেই দলের লোক, কিন্তু অতিমানী, অথচ এক এক সময় গম্ভীর! বর্ণ গোলাপ পুষ্পের সদৃশ, কিন্তু পর্যাবৃত গোলাপ যেমত সঙ্কুচিত ও ঈষৎ মলিন ইহারও সেই রূপ! এ দেখুন, বদনমণ্ডলের ত্রুট ঈষৎ কুঞ্চিত! গুহ্ম ও শ্মশ্রু সমবিন্যস্ত, বোধ হয় কৃষ্ণতা পরিহার করিয়াছে, কিন্তু নিরন্তর রঞ্জিত হেতু অবোধগম্য! চক্ষুঃ আকর্ষণও নয়, ক্ষুদ্রও নয়। শিরা সমূহ আরক্ত, দৃষ্টি অহংকারব্যঞ্জক! নাসিকা সুদৃশ্য, কিন্তু টিকল নয়! কপোল সাতিশয় রক্ত বর্ণ, বোধ হয়, রাগ রঞ্জিত! গঠন কিছু দীর্ঘ, কিন্তু স্থূল থাকায় তাহা ইচ্ছা বোধ হয় না! অন্যান্য অবয়ব পরিচ্ছদাবৃত, অঙ্গুলি সুগঠিত! হস্তের প্রায় সকল অঙ্গুলিতেই বহুমূল্য-রত্ন-গ্রথিত অঙ্গুরীয়, পার্শ্বে

এক খানি বহুবিধ রত্নাচ্ছাদিত কোষবদ্ধ অসি! সম্মুখে দুইটি সুন্দরী রমণী কোকিলকণ্ঠে সঙ্গীত করিতেছে! সায়ের মধ্যে মধ্যে মস্তক সঞ্চালন করিয়া তাহাদিগকে চরিতার্থ করিতেছেন! এমত সময়ে একজন ছর হইতে রীতিমত রাজভক্তি দেখাইতে দেখাইতে পার্শ্বদেশে করপুটে দণ্ডায়মান হইল। সায়ের পার্শ্বস্থের প্রতি লক্ষ্য করিয়া মাত্র তিনি কহিলেন,—“সংবাদ?” আগন্তুক “জনাব,—ইথাকাদ্বিপের দম্মাদিগের নিকট হইতে একজন বন্দী সন্ন্যাসী আসিয়াছে, অনুমতি হইলে রাজদর্শন করে!” বলিবামাত্র সায়ের পার্শ্বস্থের প্রতি কটাক্ষ করিলেন। পার্শ্বস্থ সঙ্কেতমাত্র—“জরায় লইয়া আইস”—বলিলে আগন্তুক প্রস্থান করিল। পার্শ্বস্থ চারিজন রাজ সভাসদ, কিন্তু নিকটস্থ যাহার প্রতি সায়ের দুইবার লক্ষ্য করিলেন, তিনি যে প্রধানপদাভিষিক্ত মন্ত্রী তাহা বলাই বাহুল্য! তাহাদের এই কথোপকথনের সময়ই রাজসঙ্কেতে গীত বন্ধ হইল। সায়ের কহিলেন,—“মামুদ, বোধ হয় ইহার দ্বারা দম্মাদিগের আভ্যন্তরীক অবস্থা জানা যাইবে।” পাঠক মহাশয়, স্মরণ রাখিবেন, পার্শ্বস্থ মন্ত্রীর নাম মামুদ। মামুদ বিনয়াবনত মস্তকে নম্রস্বরে বলিলেন,—“মহারাজ, যাহা বিবেচনা করিয়াছেন, যথার্থ বটে, কিন্তু এই সন্ন্যাসী যদি প্রকৃত বন্দী হয় তবেই জানা সম্ভব। শুনিয়াছি, দম্মারা সাতিশয় চতুর, সতত গুঢ় চর দ্বারা সন্ধান লয়।

এই সময় সন্ন্যাসী ও পূর্ব আগন্তুক সম্মুখে উপস্থিত। সন্ন্যাসী প্রথমতঃ রীত্যনুসারে অভিবাদন করিল। তাহার আকার মলিন, কিন্তু দেখিলেই বোধ হয়, ইহ জগতে তাহার সম্বন্ধে ভয়ের বস্তু কিছুই নাই! উপবাস ও ঈশ্বরোপাসনায় মলীন। সায়ের বলিলেন,—“আপনিই কি ইথাকা দ্বিপের দম্মাগণের বন্দী?” “মহারাজ, এই হতভাগ্যই দম্মাদিগের বন্দী।” সন্ন্যাসীর এই কথায় সায়ের বলিলেন,—“দেখিতেছি, আপনি সন্ন্যাসধর্মাক্রান্ত, আপনি কি জন্য বন্দী হইলেন?” “মহারাজ, দম্মাদিগের নিকট সন্ন্যাসী কে? আমি কতিপয় সনাতন মহম্মদ-ধর্মাক্রান্ত বনিকের সহিত ‘স্ক্যালনেভো’ খাঁড়িতে যাইতেছিলাম, দম্মারা বাণিজ্য পোত লুণ্ঠন ও বনিকদিগের সহিত আমাকে বন্ধন করে। আমি মৃত্যুর জন্য ভীত হই নাই, কিন্তু চিরকালের নিমিত্ত যে স্বাধীনতা রত্ন অপহৃত ও বিধর্মিগণের সহবাসী হইতে হইয়াছিল এই আমার দুঃখ! মহারাজ, তজ্জন্যই আমি নিরন্তর পলাইবার চেষ্টা করিতাম। অবশেষে মহম্মদের কৃপায় এক রাত্রে এক খানি মৎস্যজীবীর নৌকা দম্মাদিগের পোতের নিকটস্থ দেখিয়া লক্ষ্যদ্বারা তাহাদিগের আশ্রয় গ্রহণ করি, অধুনা মহারাজের আশ্রয়ে নির্ভীক হইয়াছি!” সন্ন্যাসীর এই কথার শেষে সায়ের বলিলেন,—“আপনি কি বলিতে পারেন দম্মারা কি রূপে স্বীয় অন্যাযোপান্তবিত্ত ও আবাস রক্ষার জন্য যুদ্ধ সজ্জা করিতেছে?”

আমাদিগের যুদ্ধোৎসোগ তাহারা জানিতে পারিয়াছে, কি না?" সম্যাসী কহিলেন,—“মহারাজ, আমি এক জন সামান্য বন্দী মাত্র ছিলাম, নিরন্তর স্বাধীনতার জন্যই ব্যগ্র থাকিতাম, আমার দ্বারা এক জন গুপ্তচরের কার্য হওয়া অসম্ভব, কিন্তু এই পর্যন্ত বলিতে পারি যে দস্যুরা আসন্ন বিপদ তাচ্ছল্য জ্ঞান করিয়া আছে, তাহা আমার পলায়নেই অনুভূত হইতেছে? যদি রক্ষকেরা সতর্কের সহিত স্বকার্য সাধন করিত, তবে কি আপনার আশ্রয় লওয়া ঘটিত? আমার পলায়নেও তাহারা যে রূপ আলস্য করিয়াছে, আপনার গননেও তদনুরূপ করিবে! মহারাজ, আমার শরীর নানা কষ্টে অবশ, এবং ক্ষুৎ-পিপাসায় কাতর, অনুমতি করুন, অতঃ দান দিন, অধীন এক্ষণে বিদায় গ্রহণ করুক! জগদীশ্বর আপনাদিগের মঙ্গল করুন।” সায়েদ কহিলেন,—“ধার্মিক, অতো অধৈর্য্য হইও না! আমি অনুমতি করিতেছি, তুমি এখানে উপবে-সন কর, তোমাকে অরো আমার জিজ্ঞাস্য আছে, তাহার প্রকৃত উত্তর দেও! যদি অত্যন্ত ক্ষুধার্ত হইয়া থাক,—এখনি তোমার জন্য আহারীয় সামগ্রী আমার অনু-চরেরা আনিয়া দিতেছে, যখন এতো লোকের আহার হইতেছে, তখন কখনই তোমার আহারের জন্য কষ্ট পাইতে হইবে না! আমি গোলযোগ ভালবাসি না, সকল সুস্পষ্ট বল!” এই সময় সম্যাসীর মুখে কাপ্পনিক ভয়ের উদয় হইল, বাস্তবিক তিনি সায়েদের সভাকে অত্যন্ত তাচ্ছল্য করিতেছিলেন। “মহারাজ,—এসকল খাদ্য আমার নয়!” সম্যাসীর কৃত্রিম ভয়বিকৃতস্বরের এই কয়েকটি কথা শুনিয়াই সায়েদ কহিলেন,—“কেন,—তুমি কি বিবেচনা করিয়াছ এসকল বিধর্ম্মীদ্বারা পাচিত”; “না—মহারাজ, কিন্তু ফলমূলই আমাদিগের খাদ্য, স্মরস সমূহ সেবনে বিষয় বাসনার বৃদ্ধি হয়!” সম্যাসীর এই উত্তর শুনিয়া সায়েদ বলিলেন,—“আচ্ছা, তোমার ইচ্ছা না হয় আহার করিবার প্রয়োজন নাই—এক্ষণে কয়েকটি প্রশ্নের উত্তর দিয়া নির্ভয়ে যাত্রা কর। দস্যুরা কয় খানি যুদ্ধতরী মুসজ্জিত করিয়াছে?”—

সায়েদ রাজের বাক্যের অসমাপ্তিতেই চতুর্দিকে হাহাকার ধ্বনি উথিত হইল। সমুদ্রতীর আলোকময়! ইচ্ছা একজন দূত দ্রুত পদে রাজসমীপে আসিয়া উপ-স্থিত হইল, তাহার অস্পষ্ট ভয় বিকৃতস্বর সায়েদ শুনিলেন,—“দস্যুরা সমস্ত যুদ্ধপোতে অগ্নি দিয়াছে এবং অসংখ্য সৈন্য অকস্মাৎ চতুর্দিক হইতে আক্রমণ করিয়াছে!” এই সময় সায়েদ ও তৎপারিষদেরা দূতের দিকে দৃষ্টিপাত করিতে লাগিলেন, এবং কিংকর্তব্যবিমূঢ় হইয়া স্তম্ভিত ভাব অবলম্বন করিলেন। সায়েদ ক্ষণকাল মধ্যেই দেখেন সম্যাসী তথায় নাই, তাহার ক্রোধানল প্রজ্জ্বলিত হইয়া উঠিল ও সুগভীর শব্দে “সম্যাসী কোথায়? সম্যাসী কোথায়?—তাহাকে বন্ধন কর,

সেই-সকলের মূল”—বলিয়া ইতস্ততঃ দৃষ্টিপাত করিতে লাগিলেন। আর অপেক্ষা করিলেন না, স্বীয় তরবারি নিক্ষেপিত করিয়া উঠিলেন। পাশ্বে ছেরা বংশীধ্বনিদ্বারা সৈন্যগণকে যুদ্ধ করিতে সঙ্কেত করিল, দ্বারদেশ হইতে দেখেন আর সে সম্যাসী নাই, এক জন প্রবল বীর, যুদ্ধ-সজ্জায় আবরিত, অসি নিক্ষেপিত, অশ্বোপরি সংস্থিত! কতকগুলি সৈন্য লইয়া যমস্বরূপ ভয়ব্যস্ত সৈন্য সংহার করিতেছে! তিনি এক জন সৈনিকের একটি অশ্বে আরোহণ করিয়া নিকটস্থ সকলকেই যুদ্ধের আড্ডা দিতে লাগিলেন; কিন্তু কেহই তাহার কথা শুনিল না, সকলেই ইতস্ততঃ পলায়ন করিতে লাগিল! চতুর্দিকে ভয়ানক রবে—“শিব-শঙ্কু” শব্দ প্রতিধ্বনিত হইয়া নগর যেন কম্পিত হইতে লাগিল! সায়েদ আগন্তুক অশ্বারোহীর সহিত যুদ্ধার্থ স্বয়ং অগ্রসর হইতে লাগিলেন, তখন আর সায়েদের পদাতিক তাহার অগ্রসর হইয়াছিল, সকলেই অচিরে আগন্তুকের ভয়ানক যুদ্ধে নিহত হইল। নগরটি স্বপক্ষ শোণিতাসক্ত! চতুর্দিকে হাহাকার ধ্বনি ও আগ্নে-য়াস্ত্রের এবং অগ্নি নির্দাপনের ধ্বনি! আর ভাল দেখা যায় না! মামুদ বলিলেন,—“আর অগ্রসর হওয়া কর্তব্য নয়, সায়েদ সূতরাংই সাহসকে বিসর্জন দিয়া পলায়ন করিলেন।” আগন্তুক তাহা লক্ষ্য করিতে না পারিয়া দ্বারদেশে উপস্থিত হইয়া সম্মুখস্থ বিপক্ষ পক্ষীয়দিগকে নষ্ট করিয়া পূর্ব সভায় উপস্থিত হইলেন।

আগন্তুকটি কে?—সম্যাসীবেশ, রণজয়?—তা আর বলিতে হইবে কেন? চতুর পাঠক মহাশয়েরা বোধ হয় পূর্বেই বুঝিয়াছেন; কিন্তু এখন সম্যাসীর মূর্তিও নাই, পূর্বের মূর্তিও নাই, মুখাকৃতি কান্ততা শূন্য! রণজয় একটি বংশী ধ্বনি করিয়া সঙ্কেতে জানাইলেন,—“তোমরা সাহস সহকারে যুদ্ধ করিতেছ, কর।” তিনি ক্রমশঃ অন্তঃপুরের দিকে অগ্রসর হইতে লাগিলেন, ইচ্ছা সেই সময় সমরসিংহ কতিপয় যোদ্ধাসহ উপস্থিত হইয়া নতশিরে রণজয়ের নিকটস্থ হই-লেন। যুদ্ধকালে কি সকলের আকৃতিই বিভিন্ন হয়? সমরসিংহের মুখও ভয়ানক! অধুনা আমাদের দেশের লোক হইলে এরূপ মূর্তি দেখিলেই মুচ্ছাপন্ন হয়! রণজয় সমরকে বলিলেন, “সমর,—যথেষ্ট করিয়াছ, কিন্তু এখনও যথেষ্ট বাকি আছে! সায়েদ বদ্ধ না হইলে সকলই বুঝা! আচ্ছা, তরীতে অগ্নি প্রদান করিলে নগরে এখনো কেন অগ্নি না দেও, আর বিলম্ব কেন? কোরণ ভস্ম করাইত ভাল!”—বলিয়া নাট্রেই রাজপুত্র সৈন্যচয় কোরণস্থ যাবতীয় গৃহে অগ্নি প্রদান করিতে সমুদ্র্যত হইলেন। রাজ প্রাসাদে আগ্নেয় দ্রব্য দ্বারা অগ্নি প্রদত্ত হইল, এবং মুহূর্ষ ভয়ানক আগ্নেয়াস্ত্রে ভগ্ন হইতে লাগিল! প্রাসাদটি কম্পিত ও অগ্নিব্যাপ্ত!—এই সময় বাটীর অভ্যন্তর হইতে বাবাদলের করুণস্বর

উদ্ভিত হইল! সেই স্বর রণজয়ের হৃদয়ে দয়ার সঞ্চার করিয়া দিল, রণজয় অস্থির হইলেন! তিনি বারংবার সৈন্যগণকে চিৎকার শব্দে বলিতে লাগিলেন—“বোধ হয়, এতো দিনে রাজপুত্র বংশে কলঙ্ক রোপণ হইল! যদি আমাদের এই ব্যাপারে একটিও ভীকৃষতা বা অবলার মৃত্যু হয়, তবে আর পাপের ইয়ত্তা থাকিবে না!”—বলিবামাত্রই সকলে রমণীকুলের উদ্ধারের নিমিত্ত যত্নবান হইতে লাগিল! রণজয় অপেক্ষা করিলেন না! অগ্নির ভয়ানক উত্তাপ লক্ষ্য না করিয়া দাহমান পথদ্বারা অন্তঃপ্রকোষ্ঠে প্রবেশ করিলেন। তৎসহ আরো কতিপয় বীর প্রবেশ করিয়াছিলেন। রণজয় দেখেন, একটি সুসজ্জিত গৃহে চারি জন অস্থিরা রোরুদ্যমান! আসন্নমৃত্যুনিশ্চয়া অবলা, তন্মধ্যে এক জন অপেক্ষাকৃত বহুমূল্য অলঙ্কার ও পরিচ্ছদে অলঙ্কৃত! রণজয় তাহাদিগকে সংক্ষেপে আশ্বাস বাক্যদ্বারা সামান্যরূপে শাস্তনা করিলেন, এবং বলিলেন,—“ভয় নাই, রাজপুত্র জাতিদ্বারা অবলাদিগের কিছুমাত্র হানির সম্ভাবনা নাই! এখনো রাজপুত্রেরা মহম্মদীয়ের ন্যায় অধর্ম্মাচারী হয় নাই!” তাহার ভয়বিহ্বল ও সঙ্কুচিতা দেখিয়া পুনরায়—“রক্ষার্থ স্ত্রীলোকের অঙ্গস্পর্শ পাপকর নয়,”—বলিয়াই দ্রুতপদে উদ্ধারের জন্য দুই জনকে লইয়া আসিতে লাগিলেন, এবং সমরসিংহ আর দুই জনকে লইয়া অগ্নিমধ্য হইতে নিরাপদে বাহিরে পৌঁছিলে, রণজয় সাদরে বলিলেন,—“তোমাদের কোন বিশ্বাসীর নিকটস্থ গৃহ আছে? এ লজ্জার সময় নয়, শীঘ্র বল, তথায় রাখিয়া আসা হইবে!” এক জন মধ্য বয়স্কা নব্রম্বরে বলিলেন,—“অতি নিকটেই আমাদের এক আত্মীয়ের বাটী, যদি তাহার অগ্নিদগ্ধ না হইয়া থাকেন, তবে তথায় আশ্রয় লাভ করিতে পারি!” বলিয়া মাত্রই রণজয় সমরসিংহকে আদেশ করিলেন,—“সতর্ক হুয়ায় ইহাদিগকে নিদ্রষ্ট স্থানে রাখিয়া আইস,—দেখ যেন সনাতন ধর্ম্মে কলঙ্ক স্পর্শ না হয়?” যাইবার সময় তদপেক্ষা বহুমূল্য ভূষণ ভূষিতা রমণীটি তিন চারি বার রণজয়ের মুখে দৃষ্টিপাত করিয়াছিল! সে দৃষ্টি পাতের অর্থ কি?—যিনি কখন সে ভাবে পতিত হইয়াছেন, তিনিই জানেন! সে দৃষ্টি সরলতাময়, তথচ এক এক জনের হৃদয়ে ভয়ানক কুটিলতার কার্য্য করে! যাহাদিগের অন্তর সরল, তাঁহারা সে ভাব দেখিয়া কি স্থির থাকিতে পারেন! কিন্তু আমাদের কঠিন হৃদয় রণজয়ের পক্ষে কি হয়, তাহা বলা যায় না! যুদ্ধক্ষেত্রে বীরপুরুষের কখন কি সে ভাব ঘটিয়া থাকে? কি জানি, কিন্তু ভাগ্যক্রমে রণজয় তাহা লক্ষ্য করেন নাই। যখন আর রণজয়কে দেখা যায় না, তখন সেই কামিনী মধ্যম বয়স্কার দিকে দৃষ্টিপাত করিয়া বলিল “রোসন্জা, ইহারা কি দস্যু?”

উচিতবটে নাটক।

তৃতীয়ঙ্ক—প্রথম গর্তাঙ্ক।

গোপালপুর—সুরেশের বাটী।

উজ্জ্বলা। তা বাবা শীঘ্র এস—বেলা হ'য়েছে!
সুরেশ। হাঁ এলাম ব'লে!—(উজ্জ্বলার প্রস্থান) আচ্ছা ভায়া মধুবাবু আমার এখানে যে,—অবশ্য কোন একটা প্রয়োজন আছে বোধ হয়। ভগবতী। আরে শোননি বুঝি,—গ্রাম ‘রিফরম’ হবে! তারি আজ ‘কমিটি’ তাই বুঝি তোমাকে নিমন্ত্রণ কর্তে এসেছেন!
সুরেশ। আমাদের গ্রামের যে রকম শোচনীয় অবস্থা তাহাতে দেশের উন্নতির চেষ্টা করা অতি কর্তব্য হয়েছে, কিন্তু তাই, সে চেষ্টায় যে কোন ফল দর্শাবে বোধ হয় না! এক অবনতির প্রথম কারণ জনহীন,—গ্রামের চোদ্দ আনা লোক “মেলেরিয়াতে” কাল কবলে নিপতিত হ'য়েছেন, যাহারা আছেন তাঁহারাও যদি দেশে বাস করেন, তবু মঙ্গলের সম্ভাবনা। কিন্তু গ্রামে যে রূপ জলকষ্ট তাতে সম্পত্তিশালী লোক মাত্রই বাস কর্তে অনিচ্ছুক।

নেপথ্যে। সুরেশ বাবু, সুরেশ বাবু!

সুরেশ। মধুবাবু নাকি, বাটীর ভিতর আসুন না! (মধুসুদনের প্রবেশ।)

মধু। এই যে ভগবতী বাবু ও এখানে।

সুরেশ। আসুন,—বাটীর ভিতর আসতে দোষটা কি? তবে ভগবতী ভায়া

মধু বাবুকে একবার তামাক খাইয়া দেও!—

মধু। থাক, বলি ভগবতী বাবু কি আপনাকে সব বলেছেন।

সুরেশ। হাঁ শুন্ লাম, কিন্তু সভায় কি কার্য্য হবে?

মধু। গ্রামের যাতে উন্নতি হয়!

সুরেশ। কথাটি অতি সহজ, কিন্তু কার্য্যে পরিণত হওয়া কঠিন। প্রথমতঃ যে দেশে এক্যতার লেশ মাত্র নাই, সে দেশের উন্নতি হওয়া সহজ নহে। আমাদের দেশের কিছু মাত্র এক্যতা নাই, তাহাতে গ্রামের অবস্থা অতি হীন! যাহারা আছে তাহারা কাহাকেও মানে না, সকলেই অহঙ্কারে মত্ত!

মধু। যথার্থ কথা, আমিও এ সকল জানি, সভায় তো কেহ যাবেই না, তা যদি কেহ যায় তো কেবল বকাবকি হবে! মুখে অনেকেরই উৎসাহ

আছে, কার্যে কিছু মাত্র ঘটে না! যাহ'ক, আপনি যাবেন? আমি এখন চললাম!

সুরেশ। তা আমায় বলতে হবে না, কিন্তু আজ আমার হরিহরপুরে যাবার কপ্পনা আছে, যদি তথায় না যাওয়া হয়, তবে “মিটিঙে” “জয়েন্” করছি! (মধুর প্রস্থান।)

ভগবতী। আমি এখন আসি, খাওয়ার পর আবার সাফা হচ্চে! আজই কি যাবেন?

সুরেশ। তাই ভাবছি—যত শীঘ্র হয় ততই ভাল। তুমি কিন্তু খাওয়ার পরই এস, স্নান তো কর্বে না?

ভগবতী। না, শরীরটা আজ ভাল নাই, স্নান আজ আর কর্বে না! (ভগবতীর প্রস্থান।)

সুরেশ। (স্বগত) মা কি বুঝতে পারেন। না, তাকে যদি হস্তগত কর্তে পারি, তবে মাকে কাঁকি দিতে কত ফল! না হয়, জান্লেই বা, তাতে ক্ষতি কি? নরাদমকে উপযুক্ত ফল দেবই দেব!—এতে পাপ কলঙ্ক অতরণ জ্ঞান কর্তে হয়, অপমান হ'তে হয় সেও স্বীকার! গ্রামের লোকেরা জানতে পাল্পে পায়ে ধরো, অর্থ ব্যয় করো, টাকায় কি না হয়!—ছুঁড়ীকে এখন লোবানী দেখাইয়া হস্তগত কর্তে পাল্পে হয়! পথেই চেফ্টা কর্বে! মহেশপুরে যাবার সময় একটা ঘর ভাড়া করে যেতে হবে! একরাত সেখানে থেকে চেফ্টা কর্বে! তাতে হস্তগত না হয় বল প্রকাশ, কিন্তু ছুঁড়ীর যে রকম রীত চরিত্র তাতে যে কার্য সিদ্ধি হ'বেনা বোধ হয় না!—গোটাকতক টাকা সঙ্গে করে লয়ে যেতে হবে!

নেপথ্যে। সুরেশ,—নাবে না?

সুরেশ। হাঁ যাই। (স্বগত) উঃ! সংসার কি ভয়ানক, আমি আমার স্বপ্নের প্রতি কখনই সন্দিহান হই নাই, তাহার চরিত্র যে এরূপ হবে স্বপ্নেও বিশ্বাস করি নাই, কিন্তু মনুষ্যের চরিত্র কি চমৎকার,—বৃদ্ধবয়সে বিবাহের অনুরোধে সমাজকে ভয় না করিয়া, ধর্মকে ভয় না করিয়া, অনায়াসে স্ব কন্যাকে কলঙ্কিনী ও পবিত্র সতীত্ব ধর্ম ত্যাগিনী করিল! দেশাচারকে যাহারা মান্য না করে, লোক নিন্দায় যাহারা ভয় না করে,—তাহারা সকল পাপের আকর! (নিশ্চিন্ত ও চিন্তা) দুঃখান্না,—নরাদম! পাপের কল পাবেই! সমাজ ভয়, ধর্ম ভয় আমিও ত্যাগ কলাম! দৃঢ় সংকল্প! আমি দুঃখান্নার পাপের কল দেবই দেব,—“মন্ত্ৰের সাধন কিম্বা শরীর পতন” যাহক,—আর ভেবেই বা কি হ'বে,—এখন যাই। (প্রস্থান।)

বাঙ্গলা ভাষা ও সাহিত্য বিষয়ক প্রস্তাব।

একবার সীতার তত্ত্ব তুমি দিলে এনে! কি বলে রাবন রাজা যদি আইস শুনে ॥
শ্রীরামের কথা শুনে জাম্বুবান কয়।
হনুমানকে বারে বারে যাওয়া উচিত নয় ॥
রাবণ বলিবে এই বানরা আইসে প্রত্যাশাতে।
এই বই বীর নাই স্ত্রীবেদের সাথে ॥
বালীর তনয় আছে কোন কর্মে ন্যূন।
অঙ্গদে পাঠায়ে দেহ বলিবে চতুর্গুণ ॥
জাম্বুবানের কথা শুনে অঙ্গদ বীর কয়।

বৃদ্ধ পাগল হলে তার বুদ্ধি লোপ হয় ॥
হনুমান বল বান যদি বলিছেন খুড়া।
নিরর্থক পচাল পেড়ে মরিস কেন বুড়া ॥
হনুমান বলবান দুর্বল সবাই।
তবে কেন বসে মোরা দেশেচলে যাই ॥
নিশ্চয় জেনেছেন যদি আমরা কিছু নই।
দেখিব মর্দানী সবার দিন দুই চারি বই ॥
বুঝিলা জানকীনাথ অঙ্গদের ক্রোধ।
করণ কচনে তারে করেন প্রবোধ ॥

১৪ আশ্বিন ১২৪৫ সাল

কলিকাতা বটতলা

জ্ঞানদীপক যন্ত্রে মুদ্রিত।

১৮০১ খৃষ্টাব্দে শ্রীরামপুরে মিশন যন্ত্রে যে রামায়ণ মুদ্রিত হয়, এবং যে রামায়ণের উল্লেখ মার্সম্যান সাহেব তাঁহার বাঙ্গলার ইতিহাসে করিয়াছেন উহাই সেই রামায়ণ। ঐ রামায়ণ পরিবর্তিত ও পরিবর্দ্ধিত হইয়া শ্রীরামপুরে দ্বিতীয় বার যাহা মুদ্রিত হয় তদুচ্চৈ পূর্ণচন্দ্রোদয়ে উত্তম কাগজে ও উত্তম অক্ষরে সচিত্র রামায়ণ প্রচারিত হইয়াছিল, অধুনা বাজারময় সেই রামায়ণই দেখা যায়, উহা জয়গোপালী রামায়ণ, যে হেতু উহা জয়গোপাল তর্কালঙ্কার প্রণীত। আমাদিগের কাব্যপ্রিয় বন্ধু যজ্ঞগোপাল বাবু তাঁহার পদ্যপাঠে যৎকিঞ্চিৎ পরিবর্ত করিয়া নাম বাহির করিয়াছেন, কিন্তু পরিবর্ত সম্বন্ধে তর্কালঙ্কার ভট্টাচার্য্য মহাশয়কে পথ প্রদর্শক ও পরম-বিশ্বাসদ বলিতে হইবেক, যে হেতু প্রকাণ্ড সপ্তকাণ্ড রামায়ণ তৎকর্তৃক আদ্যোপান্ত পরিবর্তিত হইয়াছে। অঙ্গদ রায়বার নামক এক খানি স্বতন্ত্র ক্ষুদ্র পুস্তক আছে, উহাতে কবিচন্দ্রের ভণিতা দৃষ্ট হয়। কলিকাতায় বটতলার মুদ্রিত প্রাচীন পুস্তকে উহাই দেখিতে পাওয়া যায়, তদুচ্চৈ বোধ হয় উহা কোন সংগ্রহ কার দ্বারা প্রকৃষ্ট হইয়া থাকিবে; ঐ ক্ষুদ্র পুস্তক খানির হস্তলিপি আমাদিগের কাব্যানুরাগী পরম বন্ধু শ্রীযুক্ত বাবু কৃষ্ণগোপাল ভক্ত মহাশয়ের নিকটে আছে। কৃষ্ণবাস ও কবিচন্দ্র উভয়ে অত্যন্ত প্রাচীন কবি সুতরাং অঙ্গদরায়বার যে কে রচনা করিয়াছেন তাহা আমরা নিশ্চয় বলিতে পারি না।

কেহ কেহ বলেন রামায়ণ পরিবর্তিত হইয়া ভাল হইয়াছে, যে হেতু উহাতে ছন্দোবদ্ধ প্রভৃতি রীতিমত দেখা যায়না, আমাদের মতে সে কথাটি কার্যকর নয়, আমাদিগের এক জন বিজ্ঞ বান্ধব শ্রীযুক্ত বাবু রাধিকাপ্রসন্ন মুখোপাধ্যায় যথার্থ বলিয়াছেন, যে “ড্রাইডেনের” ভাষায় “চমর” পড়িতে প্রীতি জন্মে না।

রামায়ণের সম্বন্ধে পরিশেষে আমাদিগের ন্যায়রত্ন নর্তকছন্দের বিষয়ে যাহা অনুভব করিয়াছেন তাহা যথার্থ তিনি যে উক্ত গ্রন্থ পরিশ্রম স্বীকার পূর্বক আদ্যো-পান্ত পাঠ করিয়াছেন ইহা অতি আনন্দের বিষয়, কিন্তু দুঃখের বিষয় এই যে তিনি অনেক বাঙ্গালা সৎকাব্য এককালে পাঠ করেন নাই, সুতরাং অনেক সৎকবিদিগের নামোল্লেখ পর্য্যন্তও করেন নাই। নর্তক ছন্দটি মহাকবি বসুন্দরন গোস্বামী ভট্টাচার্য্য বিরচিত মহা কাব্য রাম-রসায়ন হইতে বটতলার প্রসিদ্ধ বর্ণ-যোজক কৈলাসচন্দ্র বন্দোপাধ্যায় দ্বারা প্রক্ষিপ্ত হইয়াছে। রামরসায়ন অদ্বিতীয় বাঙ্গালা মহাকাব্য। আজ কাল অমিত্রাক্ষর কাব্য লইয়া অনেকে বড় ব্যস্ত, সুতরাং মিত্রাক্ষর মহাকাব্যের কে খোঁজ রাখে? বাঙ্গালা কবিদিগের মধ্যে কেহ কবিকঙ্কণ কেহ কাশীদাস ও কেহ ভারত চন্দ্রকে সর্ব প্রধান কবি বোধ করেন, এ বিষয় এক কথায় মিমাংসা হইতে পারে না, সুতরাং এস্থলে মৌনাবলম্বন করা শ্রেয়ঃ। আমাদিগের ন্যায়রত্ন বাঙ্গালা কাব্যের বিচার করিতে বসিয়া কাশীদাসের বিষয়ে মহাত্মে পতিত হইয়াছেন, যে হেতু তিনি কাশীদাসের কবিত্বের পরিচয় দিতে প্রস্তুত হইয়া যে পদ্যটি উদ্ধৃত করিয়াছেন উহা কাশীদাসের সম্পূর্ণ রচনা নহে, উহা জয়গোপালী মহাভারত, যাহাদিগের বাঙ্গালা কাব্যের দোষ গুণবিচার করিবার ক্ষমতা আছে তাহাদিগের নিমিত্ত ন্যায়রত্নের উদ্ধৃত অংশ ও কাশীদাসের যথার্থ রচনা নিম্নে প্রকাশ করা গেল।

দ্রৌপদীর কপ বর্ণন।

পূর্ণ শশধর, হইতে প্রবর,
কে বলে কমল মুখ।
গজমতি ভূষা, তিলফুল নাশা,
দেখি মুনি মন মুখ ॥
নেত্রযুগ মীন, দেখিয়ে হরিণ,
লাজে দোঁহে গেল বন।
চারুভুরু লতা, দেখিয়া মম্বথা,
নিন্দে নিজ শরাসন ॥
প্রবাল শ্রীধর, বিরাজে অধর,
পূর্ণীয় অরুণ ভালে।
মধ্যে কাদম্বিনী, স্থির সৌদামিনী,
সিন্দুর চাঁচর চূলে ॥
ভড়িত মণ্ডল, গণ্ডেতে কুণ্ডল,
হিমাংশু মণ্ডল আড়ে।

দেখি কুচকুম্ভ, লজ্জায় দাড়িম্ব,
হৃদয় কাটিয়ে পড়ে ॥
কণ্ঠ দেখি কষু, প্রবেশিল অম্বু,
অগাধ অম্বুধি মাজে।
নিন্দিত মৃণাল, দেখি ভুজ ব্যাল,
প্রবেশিল বিলে লাজে ॥
মাজা দেখি ক্ষীণ, প্রবেশে বিপিন;
করিহর হরি লাজে।
করে কোকনদ, পাইল বিপদ;
নখেতেজে দ্বিজরাজে ॥
কনক কঙ্কণ, করে বান বান;
চরণে নুপুর হংস।
জঘন সুন্দর, বিহার কন্দর;
স্বর্ণ কাঞ্চি অবতংস ॥
রাম রম্ভা তরু, চারু যুগ্ম উরু,
দেখি নিন্দে হাত হাতি।

উদর মুকুশ, মাজা মৃগ ঈশ,
নিতম্ব যুগল ক্ষিতি ॥
নীল মুকোমল, শরীর অমল
কমলে গঠিত অঙ্গ।
ভারের কারণ, হীন আভরণ;
সহজে মোহে অনঙ্গ ॥
কমল বদন, কমল নয়ন,
কমল গঞ্জিত গণ্ড।
দ্বিকর কমল, কমলাঞ্জিত তল;
ভুজ কমলের দণ্ড ॥
মন্দ মন্দ বায়, যোষনেকষায়,
অঙ্গের কমল গন্ধ।
হইয়ে উন্মত্ত, ধায় চতুর্ভিত;
কোমল মধুপা বৃন্দ ॥
কুরুকুল ধ্বংসে, কমলার অংশে;
সৃজিল কমল জাত।
কমল বিলাসী, বন্দে কহে কাশী;
কমলাকাস্তুর সুত ॥
ন্যায়রত্নের উদ্ধৃত
জয়গোপালী অর্থাৎ
প্রচলিত মহাভারত।
পূর্ণ শশধর, অতি মনোহর,
বিকচ কমল মুখ!
সবে করে আশা, তিলফুল নাশা;
দেখি মুনি মন মুখ ॥
ভূষা গজমতি, উজ্জ্বল দীপতি;
এলোকের মনোরম।
আর অলঙ্কার, কি কব তাহার,
হয় সেই নিরূপম ॥
নেত্র যুগ মীন, দেখিয়া হরিণ;
লাজেগেল দূর বন।

চারু ভুরুলতা, দেখিয়া মম্বথা;
নিন্দে নিজ শরাসন।
পক্ষ বিশ্ববর, জিনিয়া অধর,
অরুণ শোভিয়ে ভালে।
মধ্যে কাদম্বিনী, স্থির সৌদামিনী,
সিন্দুর চাঁচর জালে ॥
ভড়িত মণ্ডল, কণ্ঠেতে কুণ্ডল;
হিমাংশু মণ্ডল যরে।
দেখি কুচবর, দাড়িম্ব কাতর,
হৃদয় কাটিয়া মরে ॥
কণ্ঠ দেখি কষু, প্রবেশিল অম্বু;
অগাধ অম্বুধি মাজে।
নিন্দিত মৃণাল, ভুজ দেখি ব্যাল,
প্রবেশে বিবরে লাজে ॥
মাজা দেখি ক্ষীণ, প্রবেশে বিপিন;
কেশরী দুঃখিত মন।
কর কোকনদ, শরদ বিশদ,
নখেতে সোম কিরণ ॥
কনক কঙ্কণ, করেতে শোভন;
নুপুর যে বান বান।
জঘন সুন্দর, বিহার কন্দর;
ভুলনা রহিত জন ॥
রামরম্ভাতরু, চারু যুগ্ম উরু;
দেখি নিন্দে শুণ্ড করী।
উদর উত্তম, নাহয় উপম;
নিতম্ব বসন পরি ॥
নীল মুকোমল, শরীর অমল;
কমলে গঠিত অঙ্গ।
ভারের কারণ, অঙ্গ আভরণ;
সহজে মোহে অনঙ্গ ॥
কমল বদন, কমল নয়ন;
কমল গঞ্জিত গণ্ড।

দিকর কমল, দ্বিপাদ নির্মল ;

অনু ভুজ কমলের দণ্ড ॥

পা মন্দ মন্দ বায়, যোজনেক যায় ;

অঙ্গের কমল গন্ধ ।

হইয়া উন্মত্ত, ধায় শত শত ;

না মধুলোতে মকরন্দ ॥

বির আসল কাশীদাসী মহাতারত ।

বনে (অধুনা অপ্রচলিত ।)

আ (ক্রমশঃ ।)

কে নব বর্ষ !

ভার দয়াময় জগদীশ চরণে প্রণমি

হই হায়ণের অগ্রে এই দীনা প্রকাশিকা

ন্যায় উদিল, সন্দেহে ভয়ে চাহি কৃপাবারি

পাতি সজ্জয় সত্য নব্য পাঠক নিকটে !

হই যাচে যথা চাতকেতে নীরদ নিকটে

উই নীর বিন্দু নভস্থলে সবিনয়ে ভ্রমি !

করি কে জানে ছিল কপালে,—এই নব বর্ষে

যথা পুনরায় দেখাদিবে উৎসাহিগণেরে

করি উৎসাহ প্রদান,—দয়ালু পাঠকে

আহ্লাদ প্রদানি ! এবে প্রণাম আশিরে,

আসি আশিসাল,—হায় কত যে করিল

গজ ভারতেরে অসন্তোষ,—ভেবেছিছু মনে,

নেতু কুক্ষণে পশিছু এই নবীন বয়সে !

চায় ত যে যন্ত্রণা ! ঘোর দুর্ভিক্ষ রাক্ষসী

প্রত্যাশক মূর্তি ধরি কাঁপাইল নরে !

এখন যে ভয়ে কাঁপি আশঙ্কায় সদা

প্রকাশিরে সবিনয়ে লজ্জল আরতি

করিকরিতেছে সেই ঈশের কীর্তন !

কে না বলিবে আশিরে সর্বনাশী এবে ?

মণ্ডে ঈশ্বরনাপিত-কন্যা, পাপিনীর তরে

পুলিশের হ'ল চির কলঙ্ক রটন !

ভা দুরন্ত মহান্ত নাশে সতীর সতীত্ব

ছলে বলে,—নবীনেরে কাঁদায়ে ভারত,

নবীন বয়সে দিল সাগরের পার !

সব সয় প্রাণে,—কিন্তু আমার জননী

ভারত মাতার সে যে অলঙ্কার হীন

কুন্তল হইতে (এক মাত্র ছিল যাহা

উজলিয়া সতমরন্তক সম) চারু মণি

শ্রীদ্বারকানাথ,—হায় হরিল কাঁদায়ে

সকলে, আঁধারি ক্রোড়, যথা হীন জ্যোতি

তাজিলে দ্বারকাপুরী দ্বারকা রঞ্জন ।

তথাপি নমিতে হ'বে তাঁহারে আমার

আমার জনম হ'ল তাঁর অধিকারে !

আসি বলি আশি যবে লইল বিদায়,—

দূর-দূর-দূর,—শব্দ মাত্র পান সেই

কালে ! আমি কিন্তু ক্ষুব্ধ হনু চাহি তাঁর

মুখ !—কি তাঁর কঠিন হিয়া !—নাহি

চাহি প্রজাকুল হিত,—শূন্য করি শূন্য

সহ হ'ল অন্তর্ধান ! রত্নগর্ভা ভূমি

জীবন বিহীনে হ'ল লক্ষ্মীশূন্য এবে !

নববর্ষে পশি পুনঃ কাঁপি ডরে আমি !

কি জানি কি হয় শেষে আমার কপালে !

পারিব কি দেখা দিতে প্রতিমাসে এবে

যে পাঠক-কৃপাবলে আমার জীবন !—

যাঁহাদের অনুগ্রহে উচ্চ আশা করি

এক দিন ভাবি মনে, অচিরে হইবে

দীর্ঘ আকার আমার,—যাঁহারা যতনে

মম শত অপরাধ নাহি গণি স্নেহে

হেরেছেন সদা, করি উৎসাহ প্রদান,

তাঁহাদের কৃপা হ'লে অবশ্বই হ'বে

পরিপূর্ণ বাঞ্ছা মম ! চির কৃতজ্ঞতা

পাশে বদ্ধ রহিলাম সেই গুণে এবে !

বিপ্লবের শিবময় স্মরণ শরণ

অনাদি অনন্ত বিভু চরণে প্রণমি

যাঁর নাম স্মরি দেখা দিছু বঙ্গভূমে !!

অনারুচি !

কি হ'ল কি হ'ল দেশ যায় যায় যায় হে,

যায় যায় যায় !

একেতো আহাৰবিনে, কাঁদিতেছে যতদীনে

তাহে এবে প্রাণ সম জল নাহি পায় হে,

জল নাহি পায় !

জীবন বিহীনে নর কত কাল রবে হে,

কতকাল রবে ?

ভানুকর খরতর, তাহে দন্ধ নিরন্তর,

চিরদিন বঙ্গবাসী কত আর সবে হে,

কত আর সবে ?

নবীন নীরদমালা গগণে হেরিলে হে,

গগণে হেরিলে,

হয় হরষে মগন, নাহি বারি বরিষণ,

জলদে কি জল দিবে নিজীব হইলে হে,

নিজীব হইলে !

‘হাজল যোজল’ শব্দ সর্বত্রই হয় হে,

সর্বত্রই হয় !

জলাশয় জল হীন, জলাভাবেমরে মীন,

আর ক্ষণ জল বিনে জীব নাহি রয় হে,

জীব নাহি রয় ।

গত বর্ষে জল বিনে লক্ষ্মী হীন দেশ হে,

লক্ষ্মী হীন দেশ !

এবারও সে আকার, জল বিনে হাহাকার,

আকাশে এখনো নাহি বর্ষে বারি লেশ হে,

বর্ষে বারি লেশ !

পাপেতে এসব ফলে শাস্ত্র কারে কয় হে,

শাস্ত্র কারে কয় ।

কি হ'ল দুরন্ত কলি, তবু মানবেরে ছিল,

বলায় সকলে এতো কিছু পাপ নয় হে,

কিছু পাপ নয় !

জগদীশ দয়াময় হইলে বিমুখ হে,

হইলে বিমুখ ।

কিসে আর বাঁচে প্রাণ, নাহ'লে জীবনদান,

ভারতের এক কালে গেছে সব মুখ হে,

গেছে সব মুখ

একে সদা রাজ করে বঙ্গজেরে দহে হে,

বঙ্গজেরে দহে !

তাহে ভানু খরকরে, এবে সদা দন্ধ করে,

আমাদের প্রাণে বল কত আর সহে হে,

কত আর সহে ।

বঙ্গজের মুখ রবি হ'ল অন্তর্দ্বান হে,

হ'ল অন্তর্দ্বান !

কোথা ওহে দয়াময়, ভারতে হ'য়ে সদয়,

রক্ষাকর কৃপাময় করি জল দান হে,

করি জল দান !

রত্ন-গর্ভা বলি যার বাড়ালে সন্মান হে,

বাড়ালে সন্মান ।

তাহার সন্তানগণ, করে অশ্রু বরিষণ,

অন্যভাবে শেষে নাথ, তাজিবেকি প্রাণ হে,

তাজিবেকি প্রাণ ।

একবর্ষ অতি বৃষ্টি নাশে শস্যকুল হে,

নাশে শস্য কুল !

এবে নাহি জললেশ, জলাভাবে শুষ্কদেশ,

জল বিনে বৃক্ষকুল হইল নির্মূল হে,

হইল নির্মূল ।

দয়াময় নামে হ'বে কলঙ্ক রোপণ হে,

কলঙ্ক রোপণ,

করি বিভো কৃপা দৃষ্টি, রক্ষা কর তব সৃষ্টি

বি তোমা বিনে কেবা আর করিবে তারন হে,
করিবে তারন।

অপা মা ফেটে ফেটে জলাশয় অভিমানে রয় হে,
অভিমানে রয় ;

নাহি পিপাসায় জল আশে, পশুকুল কুলে আশে
জল নাহি পেয়ে শেষে অন্তরেতে দয় হে
অন্তরেতে দয় !

একে বঙ্গ স্বসন্তান দোষে সদা জ্বলে হে
দোষে সদা জ্বলে,
এবে পুনঃ দহে প্রাণে, রক্ষা কর কৃপাদানে
দুই জ্বালা নাশ নাথ দান করি জলে হে,
দান করি জলে !

শ্রীবীরাদ্বন্দ্ব্যাকাব্যোত্তর কাব্য।

পঞ্চম সর্গ।

স্বর্পনথার প্রতি লক্ষণ।

(মহাত্মা মাইকেল মধুসূদন দত্ত প্রণীত শ্রীবীরাদ্বন্দ্ব্যাকাব্যে পঞ্চম সর্গে স্বর্পনথার
সুমিত্রা-হৃদয়-রঞ্জন লক্ষণকে যে পত্রিকা খানি প্রদান করেন, লক্ষণ নিম্নলিখিত
পত্রিকা দ্বারা তদুত্তর প্রদান করেন। মহাত্মা লক্ষণ ইন্দ্রিয় জয়ী ভ্রাতৃ পরায়ণও
তেজিয়ান ছিলেন, তাঁহার স্বভাবগুণে যেরূপ পত্র লেখা সম্ভবে, তদ্রূপই এই
পত্রিকাখানি লিখিত হইল।

রে নির্লজ্জ, স্বর্পনথে, কি কুক্ষণে আজি
পশেছ এ তপোবনে, লজ্জা, মান, দিয়া
বিসর্জন, মজিয়াছ, স্মর শর বশে !

হারাইয়া জ্ঞান, দিতে জলাঞ্জলি, হায়
সতীধর্ম্মে ! শুনিয়াছি, মুনিগণ মুখে
রক্ষকুল মুনি হ'তে হয়েছে উৎপত্তিঃ

তবে কেন, পাপে পুসিতে, হেনবুদ্ধি তব ?

রঘুবংশোদ্ভব আমি, শত্রুদলে নাহি

ডরি, পশিয়াছি বনে, রঘুকুল-জাত

অরিন্দম, নাশে শত্রুদলে, যথা যুগরাজ

যুগ-দলে দলে। নহে ধন অভিলাষী,

সাগর অম্বর পৃথ্বী অধিপতি নৃপ

রঘুবংশোদ্ভব, খ্যাত দশরথ, যার

করহিত অসি হেরি, ডরে ক্ষত্র চয়,

ইন্দ্রসখা, তিনি মম পিতা। অবিধ্বাসী

নারীজাতি, মন্দমতি ; (সাক্ষী তার তুগি)

মম কৈকয়ী জননী, সত্য-পাশে বাঁধি
নৃপে, পাঠালেন বনে, অদ চতুর্দশ,
কমল লোচন রঘুবংশ-বর রামে।

বৈমাত্রের অনুজেরে সুপি রাজ্য ভার,

পশিলেন বনে, বীর কোশল্যা নন্দন,

ধরি গুরু আজ্ঞাশিরে; যেবা নাহি মানে

গুরু বাক্য, তার শ্রেষ্ঠ সৌদামিনী প্রায়

জন্মিয়া মরণ। আমি তাঁহার অনুজ,

জ্যেষ্ঠ ভ্রাতা পিতৃকম্প, শাস্ত্রের লিখন,

তাই ত্যজি জননীর নিরুপম স্নেহ,

আর কসিতসুবর্ণ লাঞ্চিত বরণা,

মন্তপিকরবনিন্দি সুমধুর স্বরা,

পতি পরায়ণা, সাধ্বী, দেবতা নিন্দিতা

কেশরী-লাঞ্চিত ক্ষীণ মধ্যদেশা, নত

স্তনভয়ে, লতা যথা উর্মিলা দেবীরে !

নবীন-নীরদ-নিন্দিবরণী শ্রীরাম,

সহ লক্ষ্মী স্বরূপিনী জানকী সুন্দরী,
তাঁর ভার্যা, মাতৃসমা ভাবি মনে, সেবি
প্রাণপণে। আনিয়াছি মঞ্জুল কাননে
তাই জটাচীর-ধর, ত্যজি রাজ ভূষা ;
রাজ পুত্র হ'য়ে যথা মুনির কুমার।

এবে বনচারী, তবু জানি একানন

হিংস্রের আকর, সদা একরে ভাতিছে

ধনুঃ, শানিত কৃপান বাণ। রক্ষিতেছি

নিদ্রাহীন, যথা রক্ষে শিবিরেতে দ্বার

রাত্রিকালে। তোরা হিংস্র জাতি, সদা-মন

মুনি যজ্ঞ নাশে, তাই বলি, শুন মুখে,

ত্যজি বন পলায়ন করহ সত্ত্বর !

আশামনে, কামরূপে, হেরি রূপ হবে

হায়, বদ্ধ এলক্ষ্মণ গণিকা প্রণয়ে,

তাহা হ'লে, কেন বল, ত্যজিয়া উর্মিলা

পশিবে নির্জ্ঞন বনে যতী-মুনি প্রায় ?

যে আশয় আশা বনে, ত্যজ সেই আশে,

ইচ্ছিয়াছ মুখে, মোরে যৌবন লাভ্য

করায়ে দর্শন, প্রেম দৃঢ় পাসে বাঁধি

সাধিবে মনেরি সাধ ? যথা ব্যাধচয়

বাগুরা বিস্তারি, পক্ষীকুলে বধে ছলে

দেখাইয়া শালীকণা লোভ ; কিন্তু, বল

পারে কিসে ছলে বদ্ধ করিবারে কভু

বিনতানন্দনে ? তব ধন্য মন আশা !!!

হায় রে পেচকী চায় রাজহংস পতি !

এ দুরাশা ত্যজ আশু, কভু নাহি হ'বে

সৌমিত্রি মোহিত রূপে। নীচ জন বটে

কামিনীর কমনীয়কান্তি দর্শনে

মজে, তোরা তারি কাছে রূপ-মদ-মত্তা

গৌরবিনী ! তাহাদের ছলি মন কর

পূর্ণ আশা। কিন্তু শুন লক্ষ্মণেরে সেই

ছলে ছলিতে শকতি স্ত্রীকুলেতে কার ?

এ যে যথা ইচ্ছে করী করিবারে করে
করি কিলাল-নিধিরে নিষ্কমল। তাকি

কখন সম্ভবে ? তবে আশার অসাধ্য

নাহি কিছু, কিন্তু বৃথা আশানাশে প্রাণে

মৃগতিক্ষিকার প্রায়, নির্দোষ জনেরে।

হিতবানী শুন বলি, “ত্যজ এই আশা,

পবিত্র সতীত্ব ধর্ম্ম, কর সম্বতনে

সতত পালন, পর পুরুষেরে হেরে

কাম বশে, কামে পিসতে, কুপথে কখন

ক'রোনা গমন ! বৈধ্যা আবরণে সদা

আবরিয়া মন, কর সাধু ব্যবহার।”

এই আমি সাধু মন্ত্র দিনু কর্ণ মূলে,

পাল সম্বতনে হ'বে মঙ্গল নিশ্চয়।

কাম বশে মৃঢ় জন বুদ্ধিহীন হয়,

তাই লিখেছ এ—বানী, জানি এলক্ষ্মণ

দর্শ্যত্যাগী ভ্রাতৃ অনুগত, মুনি ধর্ম্মে

শুপিয়াছে মন ত্যজি বাহ ধন আশা।

তাই ক্ষমিলাম তোরে ; মুখে, লিখিয়াছ

কি সাহসে বল “ত্যজি ভ্রাতৃ পাশ, যাব

সুখ অভিলাষী হ'য়ে লক্ষাধাম ? তুই

রক্ষ কুলোদ্ভবা, বল রাক্ষসীর কবে

সাধু ব্যবহার ? কিন্তু এ লক্ষ্মণ কাছে

এরূপ ব্যাঘ্রাবে হ'বে নাশ বাণাঘাতে।

উপলক্ষ মাত্র পিতৃ সত্য হেতু রাম

পশিলেন বন, শ্রেষ্ঠ মনস্থ তাঁহার

দুরন্ত রাক্ষস কুল করিবেন নাশ,

যার অত্যাচারে, মুনিগণ নিরন্তর

ডরে, নাহি পারে যজ্ঞ করিবারে হয়ে

সুস্থির কাননে ; উনষোড়শ বৎসর

বয়স্কমে, বিশ্বামিত্র আশ্রমেতে পশি

নাশি দুরন্ত তারকা, করিলেন বলে

মুনি যজ্ঞ নাশ ভয় দুর। ছিল সেই

দলে তোর ভাত্‌চর দুরন্ত মারিচ
নিশাচর, সে-জেনেছে বাণ-তেজঃ তথা ।
পঞ্চবটী রম্য স্থান অতি, কিন্তু এবে
তোদের শঙ্কায়, মুনিগণ নিরন্তর
ভীত চিত্ত ; নিবারিতে তাহা এবনেতে
আসা । অনুজ তাহার আমি, সদা ভার
মম প্রতি রক্ষিবারে নিবিড় কানন
দুরন্ত রাক্ষস দল হ'তে । তাই বলি
হিত বাণী, ত্যজিয়ে এ বন কর গতি
অন্যবনে, যদি আছে বাঁচিবার সাধ ।
অবলা রমণী-জাতি, যদিচ রাক্ষসী
তুই, কিন্তু নাহি ইচ্ছা নারী বধি, তাহে
যশঃ কিবা হবে ? কিন্তু যে কুরীতি তব
কবে হ'বে লয় মম করে । ভীরা অতি
জমনী জানকী, তিনি রক্ষঃকুলে হেরি
হন ভয়েতে বিহ্বলা, ভ্রম তুমি সদা
এইবনে, কিন্তু যদি এ আশ্রমে কভু
কর বিচরণ, আর হেরেন জানকী,
তবে অনর্থ ঘটন হইবে নিশ্চয় ।
এপাপ মানস ফল পারে সেই দিন,
ক্ষুরপ্র অস্ত্রেতে কাটি নাসিকা শ্রবণ
খেদাইয়া দিব তোরে এই বন হ'তে,
পঞ্চশর-বশা তুই, সে কারণে বলি
বারংবার,—ত্যজ শীঘ্র এই বন, ল'য়ে
প্রাণ মান । কর স্মর-শরে বশ, সদা
ভেব মনে—“এ লক্ষ্মণ যতী ব্রহ্মচারী,
—ব্রহ্মচারী নিকটেতে প্রময়োগ কবে ?
অরসিক জন কাছে রসের বচনে
ফল কিবা ? মহাদেব কাছে সম্বরারি
অপমান যথা ; রস-তরঙ্গ অস্থানে
সহ নাহি হয় ” সেই মত তব মম
প্রাপ্তির এ আশা ; তাহে দুঃখ কিবা ? নাহি

জেনে মন প্রাণ শুপে কষ্ট এই রূপ
হয়, তাই সুধীগণে বলে—“সহসা না
কর্ম করে কোন জন, অতএব মনে
বল হ'তে বিস্মরণ পূর্ব ভাব সব ।

ধর হিত উপদেশ, কুলটা সদৃশা
রীতি নাহি ধরো কভু ; রেখ সদাচার
সদা মানস মাঝারে, স্ত্রী-জন-ভূষণ
লজ্জা ভয় অলঙ্কারে শোভিও সতত,
পরপুরুষের মুখ-সৌন্দর্য্য হেরিয়া
নাহি হ'য়ো বিমোহিতা ; নাহি এই রূপ
লিপি, দূতী পদে বরি অধৈর্য্য অন্তরে
লেখনী হইতে দিও বাহিরিতে, যাহে
যায় মান হ'তে হয় কুল-কলঙ্কিনী ।
সদা গণিকার মত নানা বেশ ধরি
হাব ভাবে, নাহি ইচ্ছ নায়কমানস
ছলিবারে । রমণীর ভয়াবহ বনে
সদা স্বেচ্ছাচারিণীর ভাবে নাহি ভ্রম
ভ্রমে । যাহে কুলপদ্ম-হিমালী-সদৃশা
নাহি হও, তাহে খেক সাবধান । মনে
সদা রেখ—নারীজাতি অসতীর সম
পাপ নাহি ত্রিভুবনে !! অসতী বদন
হেরিলে সাধু মানব হয় কলুষিত ।
যাহে নাহি কয় লোকে কলঙ্কিতা, তাহা
সযতনে নিরন্তর করিও পালন ।
পর পুরুষের হেরে সৌন্দর্য্যের রাশি
নাহি মীনধ্বজ-বশে শুপ মন প্রাণ ।
হিতবাণী তবপক্ষে এই প্রত্যুত্তর
লিপি, ক'রো যত্ন সদা এবাক্যের প্রতি

ইতি শ্রীবীরাজনা কাব্যোত্তর কাণ্ডে
সূৰ্পনখা পত্রিকোত্তর নাম পঞ্চম সর্গ ।